

0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27



浙江圖書館

浙江圖書館




浙江圖書館



浙江圖書館



浙江圖書館



浙江圖書館



浙江圖書館



浙江圖書館

游名山記序

天下之文繁矣必精擇而後行猶名山焉先知其夷險乃可登也履夷避險而不遺曲折其見道之明者乎升高自卑而不由旁徑其遵路之正者乎尋繹光景萬象呈新觴詠真率威儀惟謹斯善遊者矣惟學亦然故曰致廣大而盡精微極高明而道中庸溫故而知新敦厚以崇禮未有尊德性而遺道問學者也朱子曰沉酣文藝反蔽良心陸子曰束書不觀浮談無根數言

盡之矣苟談心學而求諸空寂屏絕書籍謂無  
與於我是猶欲游名山而無稽則亦曠於途也  
已然則讀書其合內外者與嗟乎博文而約之  
以禮多識而貫之以一吾所以直指洙泗之真  
傳斷斷乎其不可易也昔歲甲申忝從太史之  
役道吳門獲交南濠都公穆與之上下其論博  
洽古今非吾所及也時公以太僕少卿致政家  
食貌古情孚心甚服之晤間乃出所著游名山  
記見示敘事曲暢彙物分明凡觀覽雖一夷一

險莫不鋪叙詳密如在目前時時覽之神會天  
游得以養吾仁知之性雖不出戶而心之所樂  
者廣且大矣惜其所記乃足跡所及猶多所遺  
也今括蒼賓巖何公廣採旁羅凡史志文集所  
載者輯萃無遺爲書幾二十卷而都氏平生見  
聞所未及者畢在吾得縱觀之所樂之廣且大  
眎音無慮百倍真可爲博學多識之助足以播  
諸天下摘之無窮云夫名山大川起於崑崙漢  
桑欽水經蓋托始焉嘗考河岳之文天一地六

在北者蓋天氣行乎地中先天之坤後天之坎  
也洛書之文陽止陰上位乎西北蓋山下出泉  
黃河自中國流入于海先天之艮後天之乾也  
茲編首載

京師諸名山躐乾苞坤乃徧及天下其亦托始  
崑崙之義與公名其字某嘉靖丁未以毛詩大  
魁多士當簡入中祕爲詞林宗而才大數竒遇  
躡復起以尚書刑部郎出守吾廣潮郡適逢寇  
變督府元戎統大軍分五道駐潮諸司往謁無

虛日籌畫策應羽檄旁午然公處之裕如積倉  
累糧兵食饒足旦夕方與嘉賓名士載酒游韓  
山如無事時且刻韓文而誦諷之上下皆服其  
德量則其學術豈顯外而遺內者邪比巨寇悉  
殲轅門奏捷功冠彛常當有殊錫而素以學行  
馳名海內遂擢學憲江西特常調爾其往也授  
簡俾序茲記顧惟菲陋曷敢當諸夫江西文獻  
大邦也士林彬彬自宋以迄于今皆宗内外合  
一之道其風醇矣盛矣佐學荒言毫無能闡明

姑撫拾舊聞漫書以歸之

嘉靖四十二年歲次癸亥季秋吉日

賜進士出身中順大夫詹事府少詹事兼翰林

院侍讀學士前南京國子祭酒 經筵講官同

修

國史

王牒泰泉黃佐撰

浙江

游名山記序

夫嘉族衆美流藉曠遠使愉快其情不自我已  
是之謂大通錫類平施敷德之寃而政之推予  
它爭辦文具亡實者異路趨矣大素闡繹以范  
其有上而星辰爲天之文下而山川爲地之理  
中而聰明聖智爲人之極乎斯混淪三才攸植  
天不可階繇故而測其度煎無所遺五嶽四瀆  
泊詬龐鴻截業之基環詭絕麗之致異壤不虛  
方州不襲見譬名世者介乎麟鳳之間所以

性讓賞陟結攬竒秀者滔滔而是而闕且闕者  
亦居多焉孔子登東山而小魯登泰山而小天  
下孟子觀瀾之術浩乎出山海之外豈易訾哉  
太史公南游江淮上會稽探禹穴窺九疑北涉  
汶泗齊魯之郊此其列也而或卧游以愜其悰  
不親而賦以博其趣若今喬白巖都玄敬諸公  
靡適不游靡游不述其自謂轢俞兒之幽都犯  
天吳之雄濤然足跡所不躡酷亦懸心焉程明  
道慕泰華之勝在鄆縣不迄造如恐失之及登

第請註簿鄩用畢其志已自崑叙以章示同好  
若人非外轉者而情耆之鍾猶若是豈不以巖  
岫殊尤固神物之所陶楠柰何其闕於屣步閱  
賞適猶乾度之必測而莫以玩耳目爲解也乎  
賓巖何公以爲名山觸地而具而身歷者十九  
風雨情變之所羈阻不卒揭榼躡屩之興幸一  
惠於攀踐滋多川陸鬲逖靈秀罔竟非惟目所  
不給亦且聞所不逮河清難俟鑿空非恒而希  
心崑閩麟洲安在是以逸人勝士每毒玄遙之

想乃爲之旁求經游者之作案星歲而稍備庶  
幾不越戶庭坐挹萬里拘之乎尺籍而包賅無  
外授梓人使雅尚者得之披覽亟窮寓內之  
竒崛我所愉快旬歲之勞而通百世之大觀儀  
不效蔡中郎私護自媚也公自州郡以當今任  
莫不推心所欲以引濟人其委鬱捏抗咸援而  
登諸通達衽席之上有拂吾施者寧不利其身  
毋寧利澤之違於人他日輔翼繇是也茲所推  
愉快以及物者其猶一吶耶廬陵吳炳用晦撰

游名山記序

友人觀察使何君振卿曠朗宏博縱心世外而尤邃於仁智之樂自其為諸生偕計吏駁歷中外足跡幾天下半而君之所謂樂者不哀君凡遇佳山水必游游必有詠歌叙述之類而尤未噍于志一日喟然曰嚴夫子有言州有九游其八夫以天下之名能游者而不能無恨於其一之所未至而况於余所游者僅半也余且倦而必欲以余之年而盡余足

以余之足而盡余目亦難矣則又曰庶幾有少文之技以丹青余壁而又幼輿我松丘壑乎哉然余室之為壁者幾而天下之為名山水者寧啻十百千萬也夫壁之不足以盡天下山水與余足之不足以盡余目均也既而豁然曰得之矣乃構古今名雋之紀游者自大都而留京而五嶽極而羅施鬼方之域若而山其水附之自漢應劭而唐柳宗元而至于今若而人自漢官儀而記而詩序而題壁

者若而篇其有文而不獲全者事而不獲專者標韻彙勝臚列而品分之曰勝紀曰名言曰類考為卷僅十七其文已五十萬餘言自君之成此書則日夕侍其尊大夫公雖亟薦亟起不復肯出為世用時展卷而一讀其昔所游者儼乎其若歸又若與其故人晤而其所未游者悅乎其若身之歷而目之遇也然自是探竒慕異之士踵相尋於君闕以問所謂記者君不勝其繁則梓而應之以廣其好

而屬序於余余固嘗仕宦躑躅於燕齊晉楚  
吳越間然其跡尚不能當君之半自岱宗太  
行匡廬參嶺兩洞庭張公善權桐廬外其勝  
不能得君之十三雖謬稱同君好然不能盡  
廢有司之轍而與樵夫漁叟窮其造獨所蓄  
數十編雖不能盡如君間或有出於君之表  
者因悉舉而歸之而叙其所以嗟夫讀君之  
書而可以無事游矣得其所謂穹如者奧如  
者淵如者以與心謀而可以無事書矣山河

大地一切而空之所謂穹如奧如淵如者亦  
陳跡而君之書亦可以無事吾贅矣姑以復  
何君君其首肯余否吳郡王世貞撰

浙江圖書

自昔其自昔余否

而身以在亦何

此一語久矣

浙江圖書館

王世貞對

贊矣故也

微校

游名山記序

蓋幅員之內名山若碁布然而好游者不能什  
二居也慕金紫者以雲霞爲贅疣耽茅社者以  
巖壑爲尸塚甘五鼎者以芝朮爲糠粃悅浮榮  
者以逸民爲槁壤湛案牘者以躋探爲怠事而  
或山氓谷叟樵豎漁人之流仰憎青巒俯厭洞  
府鳴澗反以曠耳層崖頽以耗目又安知白雲  
可以自悅泌水足以樂饑乎哉若乃躡屩窮攀  
之士采真獨徃之夫冥心泉石而畢志雲蘿者

非不膏肓空谷寤寐在阿矣然興寄而每以形  
旁神邁而動以迹累嚴君歎意於九州尚長嬰  
情於婚嫁時與事偕物與我并蓋自古難之矣  
余自結髮之歲雅好游觀北涉燕趙南登會稽  
舟車所歷萬里而半停鸞駐馬瞻賞徘徊非不  
眷戀名丘談討松桂爾已顧栖遲俗鞅骯髒名  
場姓未脫於公車籍尚沿乎計吏緇塵在袖素  
絲被領使黃鵠咲乎壤虫大鵬陋夫尺鷃且也  
茂陵消渴具乏濟勝萊蕪生魚豈竭羸糧待禽

生而不來命惠子兮夫至此猿鶴所以怨咨林  
嵐爲之躑躅者也括蒼何先生振卿淵岱奇琛  
人倫冠冕迴馭畏途抗情霞外身絳纓紱而性  
稟清真足蹈朱門而思凌遐曠蒐羅採摭輯爲  
此編大述五山小迨培塿之丘近標天皇甸遠  
踰窮髮之域靈區異境罔不登載鴻藻片撰靡  
有漏遺卷僅一十有七言盈七十餘萬俾尋岳  
者不必於佩圖采真者奚煩於問徑間關甌越  
寄我闔閭不鄙椎文屬序首簡使夫庭樹生色

床琴自鳴貯飛瀑於屏風染翠微於楣棟少文  
之室宛列衆山幼輿之顛置在丘壑矣嗟乎伐  
木開道禍於游也圍棋蠟屐名於游也華山慟  
哭險於游也天台不返僊於游也是皆行違高  
逸蕩荒凶恠中庸之道有所未取若夫九州之  
內可以卧游九州之外可以神游推而至於冥  
漠之濱無何之域蒼蚪之轅所未歷赤螭之駮  
所莫徧非夫天游之至人飈御之真侶惡能出  
入鴻濛蟬蛻埃壻之表乎異時得御元禮執鞭

晏嬰請從先生而前席可與太原王穉登序

浙江圖書館

游名山記

游名山記

卷一

十一

浙江圖書館



王林益

古今游名山記目錄

凡例

總錄

勝紀

名言

類考

卷之一

西苑

北京諸山泉附

卷之二

金陵

南京諸山泉附

卷之三

琅琊山

江北諸山泉附

卷之四

齊雲山

江南諸山泉附

浙江圖書館

卷之五

東嶽泰山 山東諸山泉附

卷之六

中嶽嵩高山 河南諸山泉附

卷之七

西嶽華山 陝西諸山泉附

卷之八

北嶽恒山 山西諸山泉附

卷之九

南嶽衡山 湖廣諸山泉附

卷之十上

鴈蕩山 兩浙諸山泉附

卷之十下

雪竇山 浙江諸山泉附

浙江圖書館

卷之十一上

匡廬山 江西諸山泉附

卷之十一下

武功山 江西諸山泉附

卷之十二

武夷山 福建諸山泉附

卷之十三

羅浮山 廣東諸山泉附

卷之十四

隱山 廣西諸山洞附

卷之十五

峩眉山 四川諸山泉附

卷之十六

點蒼山 雲南諸山泉附

浙江圖書館

游名山記

卷之十七

卷之十七

天然洞

貴州諸山泉附

古今游名山記目錄終

浙江圖書館

古今游名山記總錄

凡例五條

一勝紀名言稽條古今游者而逸人之致靜者之辭其離放囂侈而深賞適者皆錄焉雖不盡屬於游而游不通其趣卽勤於登陟亦徒役耳目而無當也

一類考簡其標表山川予夫洞天福地籍置玄經者其發物滋著英靈窟宅軌道夷易非十洲不據之質固方內游士之所取大也

一山記次列古今游而能言者暢布千篇卽巖壑奇詭燦入丹青情致彼我得之不遠伐柯之則一展誦石親披歷從之陟降山原其浮敘量存刪節亦類書之體非故肆心而矯奪之成言也賦則一二收之惟詩興寄多方牽喻靡壹以俟它撰

一諸游記作者惟著世代爵里以存考訂不詳其餘也

一載首二京次各省遵制也其近章得索究之便而遐僻者難致故有繁簡之異若貴州則希乎不登略檢所知以備一方尚有冀于博覽

海山詩

八八後

者



浙江圖書館

Faint vertical text columns, likely bleed-through from the reverse side of the page, containing various characters and possibly a library catalog or collection list.

古今游名山總錄

括君何錄振卿甫編輯  
廬陵吳炳用晦甫校正

勝紀

黃帝將見大隗於具茨之山方明為馭昌禹驂乘於襄城之野七聖皆迷適遇牧馬童子問途焉莊子

黃帝遊乎赤水之上登於崑崙之丘莊子

黃帝披山通道東至于海登丸山及岱宗西至于崆峒登雞頭南至于

江登熊湘北逐葷粥合符釜山而邑于涿鹿之阿外紀

歲二月東巡狩至于岱宗五月南巡狩至于南岳八月西巡狩至于西

岳十一月北巡狩至于北岳尚書

天子遂襲崑崙之丘遊軒轅之宮眺望鐘山之嶺玩帝者之寶勒石王母之山紀迹玄圃之上乃取其嘉禾艷草奇鳥怪獸玉石琰瑰之器重

膏銀燭之寶穆天子傳

周穆王少好神仙常欲使車轍馬跡徧於天下以倣黃帝焉八駿之馬  
奔戎為右造父為御又觴西王母於瑤池之上王母謠曰白雲在天道  
里悠遠山川問之將子無死尚能復來 太平廣記

秦始皇至雲夢壟祀虞舜於九疑浮江下觀丹陽至錢唐臨浙江上會

稽祭大禹壟於南海傍海北至琅邪 又記

東游登之罘刻石其辭曰維二十九年時在中春陽和方起皇帝東游

巡登之罘臨照于海從臣嘉觀原念休烈追誦本始祇頌聖烈請刻之

罘 史記

武帝行幸雍遂北出蕭關歷獨鹿鳴澤自代而還 行幸至甘泉宮賓

禮外國客又行幸東海獲赤鴈 又南巡至盛唐祀虞帝于九疑登天

柱山自尋陽浮江斬蛟江中遂北至琅邪傍海而還所過名山大川

冬巡狩壟祀虞舜于九疑登瀟天柱山自尋陽浮江親射蛟江中獲之

舳艫千里 漢書

上將祭后土乃帥羣臣橫大河凌汾陰既祭行游介山回長安顧龍門

覽鹽池陟西岳以望八荒迹殷周之虛眇然以思唐虞之風楊雄傳

上既封泰山之後三十年間車轍馬跡至于太原遷于長安時或謁太

廟祭南郊每歲孟春巡幸甘泉而已聖王以為王者之體告厥成功止

於岱宗可矣故不肯到崆峒訪具茨驅八駿於崑崙親射蛟於江水始

為天子之能事壯觀焉爾杜甫封西嶽賦序

周靈王太子晉好吹笙作鳳鳴游伊洛間道士浮丘公接上嵩山三十

餘年往來緱氏山其後告桓良曰告我家七月七日待我緱氏山頭果

乘白鶴往山頭望之不得到舉子謝時人而去列仙傳

伯夷以齊隱于首陽山采薇而食之歌曰登彼西山兮采其薇矣以暴

易暴兮不知其非矣神農虞夏忽焉沒兮我安適歸矣史記

齊景公遊于牛山而北望齊曰美哉國乎鬱鬱綦綦韓詩外傳

晉平公遊西河中流而歎曰嗟乎安得賢士與共此樂乎新序

昔楚王登疆臺而望崇山左江右湖以臨方湟其樂忘死戰國策

楚昭王欲之荆臺遊司馬子綦進諫曰荆臺之遊左洞庭之波右彭蠡

存  
卷之四  
一  
一  
楚漢列

之水南望獵山下臨方淮其樂使人遺老而忘死 說苑

南越宮在長樂里東到春申君府秋冬治城中春夏治姑胥之臺旦食於紐山晝游於胥毋射於驅陂馳於游臺興樂 越絕書

武侯浮西河而下中流顧謂吳起曰美哉山河之固此魏國之寶也起

對曰在德不在險昔三苗氏左洞庭右彭蠡德義不脩禹滅之夏桀之

居左河濟右泰華伊闕在其南羊腸在其北脩政不仁湯放之殷紂之

國左孟門右太行常山在其北六河經其南脩政不德武王殺之由此

觀之在德不在險若君不脩德舟中之人盡爲敵國也武侯曰善 通鑑

莊子與惠子遊濠梁之上莊子曰儵魚出遊從容是魚樂也惠子曰子

非魚焉知魚之樂也莊子曰子非我焉知吾不知魚樂也 莊子

暮春者春服既成冠者五六人童子六七人浴乎沂風乎舞雩詠而歸

夫子喟然嘆曰與點也 論語

陸通楚王遣使者聘通妻從市來曰先生少而爲義豈老違之哉門外

車跡何深也於是夫負釜甑妻戴紕器游諸名山食桂櫨實黃菁子隱

蜀峨眉山高士傳

盧遨遊玄關在北海至蒙轂之土見一士深目而玄準渠頭而爲肩軒軒然迎風而舞顧見遨慢然而下其臂遁乎卑下遨往視之方卷龜殼而食蛤蜊遨曰遨少好遊背羣離黨觀於六合之外夫子可與遨爲友矣若士傲然笑曰我方南游乎罔畏之野北息乎沉默之鄉西窮冥冥之里東貫鴻濛之光其外猶有沉沉之泥下無地上無天吾能往來子處矣吾與汗漫遊於九垓之上乃舉臂聳身入雲中遨仰視曰吾比夫子猶黃鵠與壤虫也終日行不離咫尺而自以爲遠不亦悲哉遨燕人秦始皇召爲博士使求仙

出淮南子

李少君齊國臨淄人也少好道入泰山採藥遇安期先生求隨奉給奴役便聽師事之安期將少君東至赤城南之羅浮北至太恒西游玉門周流五嶽觀看山川如此數十年

漢書

余嘗西至空峒北過涿鹿東漸於海南浮江淮矣至長老皆各往往稱黃帝堯舜之處風教固殊焉

史記

太史公有子曰遷遷生龍門耕牧河山之陽年十歲則誦古文二十而南遊江淮上會稽探禹穴闕九疑浮於沅湘北涉汶泗講業齊魯之都觀孔子之遺風鄉射鄒嶧厄困鄙薛彭城過梁楚以歸

史記

漢明帝時劉晨阮肇入天台山采藥失道食盡見桃實食之覺身輕行數里至溪澗持盃取水見一杯流出有胡麻飯溪邊二女子笑曰劉阮

二郎捉回所失杯來便迎歸作食既出無復相識至家子孫已十世矣

漢匡俗字子希少以孝弟著委心學道遊諸名山至覆笥山山頂有湖

周數里多靈草異物有石鴈春秋時能羣飛湖旁有石井及小石笥笥

藏玉牒記名山福地及得道人姓名

真仙通鑑

陳湯為人沉勇有大慮多策謀喜奇功每遇山川常登墜

漢書

梁竦自負其才鬱鬱不得意登山遠望嘆息曰大丈夫生當封侯死當

廟食如不然閑居足以養志詩書足以自娛州郡之職徒勞人耳

本傳

向長字子平讀易至損益卦喟然嘆曰吾已知富不如貧貴不如賤但

未知死何如生耳男女娶嫁既畢勅斷家事勿相關肆意與同好北海

會慶俱遊五嶽名公竟不知所終 高士傳

梁鴻與妻共入霸陵山中以耕織為業詠讀詩書彈琴自娛因東出關過京師作五噫之歌有頃居齊魯之間又去適吳居臯伯通廡下友人京兆高恢隱於華陰山中鴻東遊思恢作詩曰鳥嚶嚶兮友之期念高子兮僕懷思想念恢兮爰集茲 高士傳

韓康字伯休京兆霸陵人也常遊名山采藥賣於長安市中口不二價者三十餘年 高士傳

王烈嘗入太行山聞雷聲往視之見山石上破數百丈石中有一孔尺餘中有青泥流出烈取搏之隨手堅凝氣味如粳米 高士傳

王烈入河東抱犢山得一石室室中有兩卷素書烈讀不知其字不敢取頗諳十數字形體歸書之以示稽叔夜叔夜盡知其字烈乃將叔夜往識其徑分明了了往至失石室所在烈竊語弟子曰叔夜不應得道故也 本傳

許邁句容人擇餘杭懸雷山結廬居焉往來茅嶺間放絕世務以事仙

館惟朔望一歸定省而已及親終遂棄家徧游名山莫測所終高士傳

嵩高山北有大穴莫測其深百姓歲時每遊觀其上晉初嘗有一人誤

墜穴中同輩董儻不死投食於穴中墜者得之為尋穴而行計可十許

日忽曠然見明又草屋中有二人對坐圍棋局下有一杯白飲墜者告

以饑渴暮者曰可飲此墜者飲之氣力十倍半年許乃出自蜀中歸洛

下問張華華曰此僊館所飲者玉漿也所食者龍穴石髓也劉義慶世說

許真人少學道於王屋山周游各山洞府嘗至武夷絕頂險處題云許

碓自戕山尋偃月子到此武夷山志

郗詵數月山行喜聞樵語牧唱曰洗盡五年塵土腸胃欣然倚驂臨水

久之而去本傳

謝太傅盤桓東山時與孫興公諸人汎海風起浪湧諸人竝懼太傅吟

嘯自若舟人以公貌閑意悅猶去不止旣風轉急公徐云如此將安歸

衆即承響而回晉書

謝安寓居會稽與王羲之及許詢桑門支遁游處出則漁弋山水入則

言詠屬文無處世意常往臨安山中坐石室臨溪谷悠然嘆曰此亦去

伯夷何遠

晉書

道壹道人從都下還東山經吳中已而會雪下人問在道所經壹公曰

風霜固所不論乃先集其慘淡郊邑正自飄瞥林岫便自皓然

世說

謝車騎道謝公遊肆復無乃高唱但恭坐捻鼻顧睐便自有寢處山澤

間儀

世說

阮步兵嘯聞數百步蘇門山中忽有真人幾代者咸共傳說阮往觀見其擁膝巖間籍登嶺就之箕踞相對阮商略終古上陳黃農玄寂之道下考三代盛德之美以問之屹然不應復敘有爲之外棲神導氣之術以觀之彼猶如前疑矚不轉籍因對之長嘯良久乃笑曰可更作籍復嘯意盡退還半嶺許聞上啞然有聲如數部鼓吹林谷傳響顧看乃向人嘯也

晉書

嵇康遊於汲郡山中遇道士孫登遂與之遊康臨去登曰君才則高矣

保身之道不足

晉書

孔車騎少有嘉遁意未仕宦時嘗獨寢歌自箴誨自稱孔郎遊散山石

百姓謂有道術為生立廟 世說

康僧淵在豫章去郭數十里立精舍傍連嶺帶長川芳林列於軒庭清

流激於堂宇乃閑居研講希心理味使公諸人多往看之觀其運用吐

納風流轉佳處之怡然亦有以自得 本傳

許椽好遊山水而體便登陟時人云許非徒有勝情而實有濟勝之具

世說

顧長康畫謝幼輿在巖石裏人問其所以顧曰謝云一丘一壑自謂過

之此子宜置丘壑中 世說

陳留阮籍譙國嵇康河內山濤三人年皆相比康年少亞之預此契者

沛國劉伶陳留阮咸河內向秀瑯邪王戎七人常集于竹林之下肆意

酣暢故世謂竹林七賢 世說

稽阮山劉在竹林酣飲王戎後往步兵曰俗物已復來敗人意王笑曰

卿輩意亦復可敗耶 世說

羊祜與從事鄒潤同登峴，動泣曰：自有宇宮，便有此山。出來賢達勝士，登此遠望者，多皆湮滅無聞。潤甫對曰：明公德冠四海，道嗣前哲，今問今聖，當與此山俱傳。晉書

阮籍登廣武戰場，曰：時無英雄，使豎子成名。世說

王長史登茅山大，慟哭曰：瑯邪王伯輿，終當為情死。世說

王濬冲為尚書令，著公服乘輅車，經黃公酒壚。顧謂後車客曰：吾昔與稽叔夜、阮嗣宗共酣飲於此，壚竹林之遊，亦預其末。自嵇生夭，阮公亡以來，便為時所羈紲。今日視此，豈近邈若山河？世說

王恭始與王建武忱，甚有情。嘗行散至京口射堂，于時清露晨流，新桐初引，恭目之云：王大故自濯濯。世說

孫興公為庾公參軍，共遊白石山。衛君長永在坐，曰：此子神情都不關山水，而能作文。庾曰：衛風韻雖不及卿，諸人傾倒處亦不易。世說

庾太尉在武昌，秋夜氣佳，景清，佐吏殷浩、王胡之之徒，登南樓理詠，音調始適，聞函道中有屐聲甚厲，定是庾公。俄而率左右十許人步來，諸

賢欲起避之公徐云諸君少住老子於此處興復不淺因便據胡牀與諸人詠謔後王逸少與王丞相言及此事丞相曰元規爾時風範不得不小顏右軍曰唯丘壑猶存

世說

謝中郎萬經曲阿後湖問左右此是何水答曰曲阿湖謝曰故當淵注停著納而不流

世說

荀中郎羨在京口登北固望海云雖不覩三山便自使人有凌雲氣若秦漢之君必當褰裳濡足

世說

王羲之初渡浙江便有終焉之志嘗與同志宴集於會稽山陰之蘭亭羲之自爲之序後旣去官與東土人士盡山水之遊

晉書

王右軍與謝太傅共登冶城謝悠然遠想有高世之志王謂謝曰夏禹勤邦手足胼胝文王旰食日不暇給今四郊多壘宜人人自効而虛談廢務恐非當今所宜謝曰秦任商鞅二世而亡豈清言致患耶

世說

王徽之爲桓冲參軍冲曰卿在府日久當相料理徽之直高視以手扳拄頰曰西山朝來致有爽氣耳時聞吳中一士大夫家有好竹欲觀之

便出坐輿造竹下諷嘯良久主人灑掃請坐徽之不顧將出主人乃閉  
門徽之便以此賞之盡歡而去嘗寄居空宅中便令種竹或問其故徽  
之但嘯詠指竹曰何可一日無此君耶嘗居山陰夜雪初霽見色清朗  
四望皓然忽憶戴逵時在剡便夜乘小船詣之造門不前而友人問  
之曰本乘興而來興盡而反何必見安道邪過江諸人每至美日輒相  
邀新亭藉卉飲宴周侯顛中坐而嘆曰風景不殊舉目有山河之異皆  
相視流淚唯王丞相導愀然變色曰當共戮力王室克復神州何至作  
楚囚相對泣耶

世說

孟嘉爲桓溫參軍九月九日溫游龍山參佐畢集風吹嘉帽墮落初不  
自覺嘉門無雜賓嘗會神情獨行便超然命駕徑之龍山顧景酣宴造  
夕乃歸

陶靖節集

淵明嘗往廬山王弘欲識之命其僮隴通之齋酒具於半道栗里間邀  
之淵明脚疾使一門生二兒舁籃輿旣至欣然便共飲酌俄頃弘至亦  
無迕也嘗九月九日出宅邊菊叢中坐久之滿手把菊忽值弘送酒

至即便就酌醉而歸

梁蕭統撰陶淵明傳

陸機在洛忽思東頭竹篠之飲語劉寶曰吾鄉思轉深矣

語林

張翰謂同郡顧榮語欲去意榮執其手曰吾亦與子採南山蕨飲三江

水耳翰因見秋風起乃思吳中菰菜蓴羹鱸魚膾曰人生貴適志何能

羈它數千里以要名爵乎遂命駕歸

晉書

淵明在官八十餘日解印去縣未嘗有所造詣所之唯至田舍及廬山

遊觀而已

陶靖節集

郭文河內軹人年十三每遊山林彌旬忘返父母終服不娶辭家徧遊

名山洛陽陷乃步擔入吳興餘杭大辟山中窮谷無人之地

高士傳

劉麟之嘗採藥至衡山深入忘返見澗水南有二石困一閉一開水深

廣不得過欲還失道遇伐弓者問徑得還或說困中皆仙靈方藥麟之

至更索之不復知處也

高士傳

顧協方數歲外從祖張永嘗携內外孫同遊武丘山撫之曰兒欲何戲

協曰兒政欲枕石漱流永嘆息曰顧氏興於此子

晉書

宋勝之從兄褒為京平內史遣使召之勝之曰眾人所樂者非勝之願

也乃去遊太原從郇越牧羊以琴書自娛

高士傳

陶弘景性愛山水每經澗谷必坐臥其間吟詠盤桓不能自已謂門人

曰吾見朱門廣廈雖識其華樂而無欲往之心望高巖瞰大澤知此難

立止自恒欲就之又特愛松風庭院皆植松每聞其響欣然為樂有時

獨游泉石壑見以為仙人

南史

謝靈運好登山陟嶺必造幽峻巖嶂十數重莫不盡登躡嘗著大屐上

山則去前齒下山則去後齒

南史

宗炳每遊山水往輒忘歸入廬山就釋慧遠考尋文義後西陟荆巫南

登衡岳因結宇衡山欲懷尚平之志有疾還江陵嘆曰老疾俱至名山

恐難徧覩惟澄懷觀道臥以遊之凡所遊履皆圖之於室為之撫琴動

操欲令眾山皆響

南史

劉峻因遊東陽紫巖山築室居焉為山棲志其文甚美

孔淳之性好山水每有所游必窮其幽峻或旬日忘歸

南史

劉凝之性好山一日携妻子泛江湖隱居衡山之陽登高嶺絕人跡為

小屋居之採藥服食

高士傳

宗測少靜退不樂人間豫章王疑徵為參軍測荅府云何為謬傷海鳥  
橫斤山木欲遊名山乃寫其祖所畫尚子平圖於壁上齋莊老二書自  
隨子孫拜辭悲泣測長嘯不顧遂往廬山止祖舊宅其辭侯子響贈遺  
曰少有狂疾尋山採藥遠來至此量腹而進松木度形而衣薜蘿淡然  
已足豈容當此橫施又善畫自畫阮籍遇蘇門於行障上坐臥對之

高士傳

徐伯珍宅南九里有高山班固謂之九巖山後漢龍丘萇隱處也山多

龍鬚檉栢塋之五采世呼為婦人巖伯珍移居之

高士傳

沈麟士居貧織簾誦書不輟鄉里號為織簾先生家世孤貧藜藿不給

懷書而耕白首無倦挾琴採薪行歌不輟并日而食守操終老

高士傳

褚伯玉少有隱操寡嗜慾居剡瀑布山性耐寒暑時人比之王仲都在

山三十餘年隔絕人物

高士傳

山三十餘年隔絕人物高士傳  
庾詵性託夷簡時爰林泉十畝之宅山池居半 高士傳

庾承先少沉靜有志操與道士王僧鎮同遊衡嶽又居五臺山寄情丘壑徐則東海剡人嘗嘆曰名者實之賓吾其為賓乎遂懷棲隱之操杖策入縉雲山中又入天台山因絕穀養性五十餘年所資惟松栢水而

已高士傳

湘中姚祖大元中為郡吏經衡山墜岩下數少年竝執筆作書祖謂行旅休息乃過之未至百步少年相與飛颺遺一紙書在坐處前數句古

詩字字皆鳥跡 劉敬異苑

梁昭明太子性愛山水嘗泛舟後池番禺侯軌盛稱此中宜奏女樂太子不答詠左思招隱詩云何必絲與竹山水有清音 南史

王績嗜酒不任事有奴婢數人種黍春秋釀酒養鳧鴈時藥草自供以

周易老子莊子置牀頭他書罕讀也游北山東臯著書自號東臯子 唐

道吾山圓智禪師藥山問何處來曰遊山來藥曰速道將來曰山上鳥

兒白如雪澗底遊魚忙不徹 傳燈錄

昔高僧隱峰遊五臺山擲杖飛空而往西天

傳燈錄

李漬淳澹好古杜門不仕往來中條山中不親產業所居木石幽勝所乘馬嘗為宗人借憇于塵間人有見者以語漬漬即鬻之

高士傳

十有二載孟冬之月步自京邑幸於洛師亭鑿廟下清眺僊掌雲拂石

牀霓裳可接風過仙嶺仙駕始聞遲迴刻石梗槩名山萬姓瞻予言可

復也

唐玄宗大華山碑

唐中宗置修文館學士凡天子饗會游豫唯宰相及學士得從春幸黎

園則賜細柳圈辟厲夏宴蒲萄園賜朱櫻秋登慈恩浮圖獻菊花酒冬

幸新豐歷白鹿觀上驪山賜浴湯池從行給翔麟馬

李適傳

元德秀愛陸渾佳山水乃定居不為垣墻扇鑰歲饑日或不爨嗜酒陶

然彈琴以自娛房琯每語人曰見紫芝眉宇使人名利之心都盡

唐書本傳

司馬承禎事潘師正傳辟穀道引術後辭去遍游名山廬天台山不出

睿宗引問其術曰為道日損損之又損以至於無為夫心目所知見每

損之尚不能已况况異端而增智慮哉帝曰治國若何曰國猶身也故

遊心於淡合氣於漠與物自然而無私焉而天下治帝嗟曰廣成之言

也開元中再被召至都玄宗詔于王屋山置壇室以居 唐書本傳

王勃客劍南嘗登葛嶺山曠望慨然思諸葛亮之功賦詩見情 唐書

道信大師武德中登廬山絕頂望破頭山紫雲如蓋下有白氣橫分六

道 傳燈錄

比丘無染遊廬山苔滑仆地忽大悟 傳燈錄

杜甫少與李白齊名嘗從白及高適過汴州酒酣登吹臺慷慨懷古人

莫測也大曆中出瞿塘下江陵沅沅湘以登衡山因客耒陽游嶽祠本傳

李白客仁城與孔巢父韓準裴政張叔明陶沔居徂徠山日沉飲號竹溪

六逸浮遊四方嘗乘月與崔宗之自采石至金陵著宮錦袍坐舟中旁

若無人晚好黃度牛渚磯至姑孰悅謝家青山欲終焉 本傳

太白中峰絕頂有胡僧不知幾百歲眉已長數寸身不製繪帛衣以草

葉常持楞嚴經路僻迴絕人跡罕到遇東峰有鬪虎弱者將死而僧以

杖解之西湫有毒龍久而為患而僧以器貯之商山趙叟前年採茯苓

深入太白偶值此僧宿余嘗有獨往之意聞而悅之 岑參詩序

張志和居江湖自稱煙波釣徒築室越州東郭茨以生草椽棟不施斤

斧豹席櫻屨每垂釣不設餌志不在魚也陳少游表其居曰玄貞坊為

買地大其閔號回軒巷先是門阻流水無梁少游為構之號大夫橋陸

羽嘗問孰為往來曰太虛為室明月為燭與四海諸公共處未嘗少別

又語顏真卿曰願為浮家泛宅往來苾雲間 唐書

呂岩字洞賓會昌中兩舉進士不第去遊廬山遇異人得長生訣多游

湘潭岳鄂之間人莫之識嘗題岳陽樓詩云朝遊北粵暮蒼梧袖有青

蛇膽氣麤三人洛陽人不識朗吟飛過洞庭湖 風土記

摩詰題詩云自大散以往深林密竹磴道盤曲四五十里至黃牛嶺

花川 石丞集

田游巖嘗補大學生罷歸入太白山棲遲山水間自蜀歷荆楚愛夷陵

青溪止廬其側召赴京師行及汝辭疾入箕山居許由祠傍自號曰田

東鄰高宗幸高山遣使就問其母又親至其門游巖野服出拜帝謂曰

先生比佳否對曰臣所謂泉石膏肓烟霞痼疾者

唐書本傳

李白遊江淮去之齊魯入吳至長安北抵趙魏燕晉西涉邠岐歷商於至洛陽遊梁最久復之齊魯南遊淮泗再入吳轉金陵上秋浦尋陽臥廬山後流夜郎遂泛洞庭上峽江至巫山

唐書本傳

終南山隱者不知何許人也長慶間有嚴士則者採藥終南山誤迷於巖嶂之間所齎糧糗既盡四遠復無居人忽見茅屋數間遙出松竹之下煙蘿四合纔通小徑士則連叩其門竟無出者窺籬隙內有一人於石塌偃臥因推戶直造其前隱者方攝衣起士則拜罷自陳行止因遣坐于盤石之上亦問京華近事曰天子嗣位幾年吾自安史犯闕居此也遂於梁棟間啓紙囊其中有一日餘顆如菡豆狀取鑊捨薪汲泉煮之良久甚有香氣視之已如掌大曰可以食矣渴即取鑊中餘水飲之士則方啗其半已極豐飫乃告以歸路

高士傳

嵩山有神人焦鍊師者不知何許婦人也又云生於齊梁時其年貌可稱五六十常胎息絕穀居無室廬遊行若飛倏忽萬里世或傳其入東

海登蓬萊竟亦不能測其往也余訪道少室盡登三十六峰聞風有寄

洒翰遙贈云

李太白集

陸羽上元初隱居茗溪自稱桑苧翁闔門著書或獨行野中誦詩不得

意或慟哭而歸

唐書

秦系天寶末避亂剡溪客泉州南安有九日山大松百餘章俗傳東晉時所植系結廬其上穴石爲研註老子彌年不出

唐書曰隱逸傳

唐李約司徒汧公子雅度玄機蕭蕭冲遠有山林之致在湖州嘗得古

鐵一片擊之清越又養一猿名山公嘗以隨逐月夜泛江登金山擊鐵

鼓琴猿必嘯和傾壺達旦不俟外賓

雲麓漫抄

韓文公遊華嶽之巔顧視其險絕恐慄度不可下乃發狂慟哭而欲絕遺書爲訣王玄仲欲登蓮花峰約寺僧到峰頂當起煙爲信翌日持火而登僧候之數果有煙起留二旬乃下僧問之云峰頂有池菴菌盛開可愛其中又有破鐵舟焉

華山記

王休高尚不親勢利常與名僧數人或跨驢或騎牛尋訪山水自謂結

物外之遊

開元遺事

唐潘師正居逍遙谷高宗幸東都召見問所須對曰茂松清泉臣所須也既不乏矣

唐書

官

李觀遊南嶽有一人持釘鋏之具問曰聞君遊南嶽奉煩寄語養素先生藍方云劉處士奉問十月懷胎如何出得觀至南嶽訪方具道其語方驚曰其人眉間得無有白誌乎曰然方驚曰此劉海瞻也吾養聖胎已成念非斯人不足以出之吾之不遇命也

列傳

陸龜蒙嗜茶置園顧渚山下歲取租茶自判品第不喜與流俗交雖造門不見升舟設蓬席齋束書茶竈筆牀釣具往來時謂江湖散人

本傳

王維別墅在輞川地奇勝有華子岡欽湖竹里館柳浪茱萸泝辛夷塢與裴迪游其中賦詩相酬爲樂

王右丞集

韋應物守江州時嘗因觀省屬縣遂至簡寂諸處竝有題詠

韋蘇州集

宣城王士源者藻思清遠深鑒文理好遊名山年十八首事陵山踐止恒嶽資求通玄丈人又過蘇門問道隱者元知運入太行採藥經王屋

湯名山言 入錄金瓶經 十一  
小有洞至太白習隱訣終南脩亢倉子九篇

趙知微有道術中秋積陰不解衆惜良晨知微曰可借酒殺登天柱峰  
玩月既出門天色開霽及登峰月色如晝及下山歸則淒風苦雨陰晦  
如故 三水小牘

醉吟先生宦遊三十載將老退居洛下所居有池五六畝竹數千竿喬  
木數十株臺榭舟船具體而微與嵩山僧如滿爲空門友平泉客韋楚  
爲山水友彭城劉夢得爲詩友皇甫朗之爲酒友每一相遇欣然忘歸  
洛城內外六七十里間凡觀寺丘墅有泉石花竹者靡不遊人家有美  
酒鳴琴者靡不過有圖書歌舞者靡不觀 白氏長慶集

魏野居陝州之東郊手植竹樹清泉環遶旁對雲山景趣幽絕鑿土表  
丈曰樂天洞前爲草堂彈琴其中好事者多載酒殺從之游嘯詠終日

出則跨白驢

牙史

林逋恬淡好古客游江淮久之歸杭結廬西湖之孤山二十年足不及  
城市嘗蓄兩鶴或汎小艇出游客至則童子開籠縱鶴逋隨放棹而歸

高士傳

司馬公居洛嘗同范景仁過韓城抵登封懸峻極下院登高頂入崇福宮會善寺由轅轅道至龍門遊廣愛奉先諸寺上華巖閣千佛巖尋高公堂渡潛溪入廣化寺觀唐郭汾陽鐵象涉伊水至香山黃龕憇石樓臨八節灘過白公影堂凡所經從皆有詩公不喜肩輿山中亦乘馬路險策杖以行故嵩山題字曰登山有道徐行則不困措足於平穩之地則不跌其旨遠矣

聞見錄

章子厚與蘇子瞻游南山抵仙游潭之上絕壁萬仞岸甚狹子厚推子瞻下潭言壁子瞻不敢子厚履險而下以漆墨濡筆大書石壁上曰蘇軾章惇來子瞻撫子厚背曰子厚必能殺人子厚曰何也子瞻曰能自判命者必能殺人子厚大笑

合壁事類

予以嘉定十一年仲冬甲戌于歸宗訪墨池鏡溪乙亥自俞峰天宮萬華重雲上紫霄峰欵杏林覺性丙子至靈谿三將軍洞由隆教過翻經臺栗里醉石歸去來館濯足靈湯暮抵康王觀丁丑沂澗酌谷簾泉還

山與朱洙陳伯賢段日嚴向公莫同來子瀟侍釋元澄鑄石

宋劉元剛紀遊誌

蘇子瞻初謫黃州布衣芒屨出入阡陌多挾彈擊江水與客為娛樂每

數日必一泛舟江上聽其所往乘輿或入旁郡界經宿不返晚貶嶺外

無一日不遊山

蘇東坡謫黃州時嘗來遊廬山徘徊山南北奇勝多不可紀倦不賦詩

賦其尤作漱玉亭三峽橋二篇

廬山記事

春陵周茂叔人品甚高胸中灑落如光風霽月好讀書雅意林壑初不

為人窘束世故茂叔雖仕官三十年而平生之志終在丘壑湓城有水

發源於蓮花峰下潔靚紺寒下合於湓江茂叔濯纓而樂之築屋於其

上

黃魯直濂溪詩序

宋五甲寅夏閏乙未后山翁泳蔡公亮瑤田張復同遊九曲邂逅園田

詹然於大隱屏下相拉觀一字天之勝然之弟紹載酒來會引觴命酌

誦朱夫子神虎三章慨然有感援筆賦詩題名而歸公亮書然鑄石

武庚

山志

淳祐二年閏六月二十三日宛陵饒虎臣來遊是日也溪風歛雨山雲  
澄靄朝循一曲溯流而上暮宿五曲草廬而歸

武夷山志

宋陳知柔在天台奉安輿徧遊名山歸至會稽愛岩壑之秀留止二年  
罷賀州歸留惠陽三年暇日泛豐湖登白鶴峰追和東坡詩陶寫羅浮

風物殆盡

惠州志

王十朋遷官夔州時待命於廬山徧歷山南北多所題咏

宋陳舜俞嘉禾人由屯田員外謫監南康酒稅常騎牛往來廬山中初

劉凝之嘗為廬山記舜俞因增廣之為五卷又為俯視圖紀尋山先後

次第

文獻通考

朱文公每經行處聞有佳山水雖迂途數十里必往遊焉携樽酒一壺  
銀杯大幾容半升時引一杯登覽竟日未嘗厭倦又嘗欲以木作華夷  
圖刻山水凹凸之勢合木八片為之以雌雄筍相入可以折度一人之  
力足以負之每出則以自隨

鶴林玉露

石門澗在天池山下有小菴三四是日宿廣福菴來日登山道錦繡谷

再過小橋橋皆有亭下又有亭基二小亭二又盡錦谷登山稍高無復

林木坡陀而上至天池院俱朱文公北紀行

米芾風韻瀟遠趣向高潔山水佳處遊題殆徧本傳

宋周鄴酷愛山水丙午尋訪洞天作磨崖石船記通志

張穀居許之西城有園號小斜川花木泉石隱然一佳處公日在其間

行吟坐嘯至一觴一咏盡歡襟韻翛然君子儒也

竹溪逸民陳洄嘗抵掌于几曰人生百歲能幾旦暮所難遂者適意耳

戴青霞冠披白鹿皮裘所居近大溪篁竹翛翛然生當明月高照水光

潏灩共月爭清輝輒吹短簫乘小舫蕩漾空明月簫聲挾秋氣為豪直

入無際宛轉若龍鳴深泓絕可聽簫已叩舷歌曰吹玉簫兮弄明月明

月照兮頭成雪頭成雪兮將奈何白漚起兮衝素波人以爲世外人逸

傳

吳萊字立夫好游嘗東出齊魯北抵燕趙每遇中原奇絕處及昔人歌

舞戰鬪之地輒慷慨高歌呼酒自慰頗謂有司馬子長遺風及還江南

復游海洲歷蛟門峽過小白華山登盤陀石見曉日初出海波盡紅睜  
然長視思欲起安期羨門而與之游由是襟懷益疎朗文章益雄宕有  
奇氣嘗謂人曰胸中無三萬卷書眼中無天下奇山川未必能文縱能  
亦兒女語耳

浦陽人物記

范景仁致仕一朝思鄉里遂徑行入蜀至成都日與鄉鄰樂飲散財於  
親舊之貧者遂遊峨眉青城山下巫峽出荆門凡暮歲乃還京師  
騎牛者在婺州山中古貌中褐手執鞭光燦日色扣角滿歌曰靜居青  
嶂裏高嘯紫煙中世界連仙界增田前路通時有僧入山見之揖之不  
應馳步趨之不及望青松而去

古士傳

開封孫惟信嘗大雪登廬山至絕頂盡得景物之詳嘗撰廬山紀游一  
卷惟信能詩詞有官棄去不仕自號花翁游江淮間人多愛之

文獻通考

楊璞每乘牛往來郭店自稱東里遺民嘗杖策入高山窮絕處構思爲  
歌詩

永嘉陳謙嘉定己巳游山至絕頂得所謂鴈蕩者前人蓋未之識也撰

鴈山行記一卷

文獻通考

謝翱字臯羽福之長溪人個儻有大節會丞相文天祥開府延平長揖  
軍門署諮事叅軍聲動閩楚間已復別去及宋亡天祥被執以死翱悲  
不能禁隻影行浙水東逢山川池榭雲嵐草木與所別處及其別適相  
類則徘徊顧盼失聲哭嚴有子陵臺孤絕千丈時天涼風急翱挾酒登  
設天祥主荒亭隅再拜跪伏酹畢號而慟者三復再拜起悲思不可遏  
乃以竹如意擊石作楚歌招之曰魂朝往兮何極莫來歸兮關水黑化  
爲朱鳥兮有味焉食歌闋竹石俱碎聞者爲傷之然其志汗漫超越浩  
不可禦視世間事無足當其意者獨嗜佳山水如鴈山鼎湖蛟門候濤  
沃州天姥野霞碧雞四明金華洞天搜奇抉祕所至卽造游錄持以誇  
人若載七寶歸者游倦輒憇浦陽江源及睦之白雲邨尋隱者方鳳吳  
思齊晝夜吟詩不自休宋太史集

元黎前交南人居漢陽官湖之上著書種樹環堵蕭然賓客過從無虛  
日常以遠人自待性志山水餘不屑意泰定中再遊廬阜紀其所見并

人物藝文爲二卷 紀遊集

王冕買舟下東吳度大江入楚淮歷覽名山川或遇奇才俠客談古豪傑事卽呼酒共飲慷慨悲吟人目爲狂奴北游燕館泰不花家泰薦之曰不滿十年此中狐兔遊矣隱九里山種豆三畝粟倍之樹梅花千桃杏居其半芋一區薤韭各百本引水爲池種魚千餘頭結茅廬三間自題爲梅花屋

宋學士集

往者壬戌七月之望予偕葉夷仲張廷璧林公輔陳元采夜登巾山絕頂飲酒望月縱談千古竟夕不眠予謂葉君曰昔蘇子瞻夜登黃樓觀王定國諸公登桓山吹笛飲酒垂月而歸以爲太白死三百年無此樂矣斯樂又予瞻死三百年後所無也諸君皆大笑

方正學集

孫太初關中人年十八入終南山繼入太白山嚼草木居息大石厓上時有所得赤脚散髮走山最高峯持古松根扣巨奇石以歌久之東入華南浮湘漢登衡祝融峯返嵩山渡汴謁闕里思孔子遺風依依不忍舍去遂上岱宗日觀峯觀夜半日出滄海中發狂大叫自以爲奇偉復

南經吳入越探會稽禹穴訪天台石橋返渡揚子江訪殷雲霄東海上  
與登孤山矚海門月餘別去殷雲霄撰太白山人傳

石川子移病歸結屋石川上日取六經讀之自以為樂時獨登岱宗發  
狂大叫曰真能小天下不虛也靖江居大江中其東北孤山臨大海石  
川子坐孤山東望曰溟滓無他曠然絕世其有乘風凌波來顧我者乎  
酌酒海中浩歌而返居青田日多暇則入石門洞瞑目坐數日歸石川子傳  
張哲禱雨壺山絕頂謂翠渠周公曰子疇昔愛山每躡屐登高往往有  
翹視八荒塵穢下土之意八閩志

余自蘿山抵叔度時雨新霽水循石行注于溪潭遊魚相追逐可玩余  
立視久之叔度聞余至出迎余曰美哉水獨有而樂之何不兼也揖坐  
亭次聞疾聲砢訇若風雨驟至余駭顧蓋異之乃共飲飲已暮色蒼然  
叔度之季叔鄂歌蘇子瞻赤壁賦余亦為之喜叔度曰子瞻死三百年  
世豈復有斯人耶於是大笑方正學集

先生與余邂逅鏡潭莊舍已而順舟下青田暮泊少微山下邀予徧游

道院步松林陟峻坡訪鍾呂仙跡尋天然圖畫亭遺趾憇小軒予讀宋  
何宗姚掀蓬詩愛賞不已直齋傳

黃哲番禺人性好山水結廬蒲澗棲息其中往來羅浮峽山南華諸名  
勝自以爲未足乃辭家度庾嶺過吳楚游燕齊間當風雪時泊舟秦淮  
遇朱文昭余穎輩相與握手吟咏沽酒大噱廣東通志

宋何胤以會稽山多靈異往游焉居若耶雲門寺後遷秦望山山有飛  
泉迺起學舍卽林成樓因巖爲堵別爲小閣室寢處其中躬自啓閉僮  
僕無得至者南史

劉歊隱居求志性重興樂尤愛山水登危履險必盡幽遐人莫能及皆  
嘆其有濟勝之具南史

劉訐嘗著縠皮巾披衲衣每游山澤輒留連忘返神理閑正在林谷之  
間意氣彌遠南史

狄仁傑登太行山反顧見白雲孤飛謂左右曰吾親舍其下唐書

李白登華山落鴈峰曰此山最高呼吸之氣想通帝座恨不携謝眺驚

人詩來搔首問青天耳

本傳

仙遊潭中興寺寺東有王女洞洞南有馬融讀書石室過潭而南山石益竒潭上有橋畏其險不敢渡

東坡集

是日至下馬磧憇於北山僧舍有閣曰懷賢南直斜谷西臨五丈原諸葛孔明所從出師也

東坡詩題

予過池陽登郡樓望九華僅見一峰舟出清溪始見之然猶滅沒於雲霧之間晚泊梅根浦方了了見諸峰也

因作九絕 王梅溪集

與王郎昆仲及兒子邁遠城觀荷花登峴山亭晚入飛英寺分韻得月明星稀四首

東坡

無爲子嘗奉使登太山絕頂鷄一鳴見日出又嘗以事過華山重九日飲酒蓮花峰上今乃奉詔與高麗僧統游錢塘皆以王事而從方外之樂

東坡送楊傑詩序

連日與王忠王張全翁游西湖訪北山清澗道潛二僧登垂雲亭飲參寥泉

東坡集

辯才老師退居龍片不復出入軾往見之常出至風篁嶺左右驚曰遠  
公復過虎溪矣辯才笑曰杜子美不云乎與子成二老來往亦風流因  
作亭嶺上名之曰過溪亦曰二老

東坡集

都穆字玄敬清修博學好游山水雖居官曹奉使命有間卽臨賞名勝  
騁其素懷所得必撰一記齋居蕭然或至屢空輒笑曰天地之間當不  
令都生餒死

國寶新編

鄭善夫字繼之氣秀巖谷發情聲詩古色精言高映霞表飄飄然有逍  
遙遠舉之志好游名山嘗入武夷馮蕩峻陟冥搜都忘內顧時與衢州  
方豪同好意泊如矣

國寶新編

鐵脚道人嘗愛赤脚走雪中興發則朗誦南華秋水篇嚼梅花滿口和  
雪嚙之曰吾欲寒香沁入肺腑後去採藥衡岳夜半登祝融峯觀日出  
仰天大叫曰雲海盪吾心胸

心遠堂文章

予泊舟空艍灘上野服登岸眺望由曲徑窈窕入平林度石梁又斗折  
而西行數百步見峭壁攢峯如屏中有石潭水色幽絕可鑑鬚眉潭上

有石笋駢立勢欲墮有泉出石竇若噴雪花潺湲落潭中傍有磐石如  
席石傍有古松三株虬枝奇崛綠陰威蕤予欣然會心小憩石上以觀  
泉流俄有一翁曳杖而來灑然山澤之姿似有道者予揖而與之坐欵  
語移時因問翁居閒處獨亦觀書乎翁曰壯年服膺九字經今耄矣又  
曰人生分定機關計較都不濟事已而蒼然暮色自四山而至予遂與  
翁別

霞外雜俎序

宋景濂性踈曠每携友生徜徉梅花間轟笑竟日或獨卧長林下看晴  
雪墮松頂雲出沒巖扉間悠然以自適嘗與弟子入龍門山著書二十  
四篇曰龍門疑道記

王禘著宋太史傳

禹案黃帝中經九山東南大柱號曰宛委赤帝左闕之填丞以文王覆  
以盤石其書金簡青玉爲字編以白銀皆琢其文禹乃東巡登衡人血  
白馬以祭禹乃登山仰天而笑忽然而卧夢見繡衣男子自稱玄夷滄  
水使者却倚覆釜之山東顧謂禹曰欲得我山神書者齋於黃帝之岳  
巖巖之下三月季夏登山發石禹乃登宛委之山發石乃得金簡玉字

知水泉之脉山中又一穴深不見底謂之禹穴

吳越春秋

阮藉字嗣宗志氣宏放傲然獨得或閉戶讀書累月不出或登山臨水經日忘歸當其得意忽忘形骸

稽康字叔夜常採藥游山澤會其得意忽焉忘反時有樵蘓者遇之咸謂為神

唐魏萬號王屋山人嘗自嵩歷交遊梁入吳計程數千里來訪李白不遇因下江東尋諸名山觀謝公石門後於廣陵與白相見白稱其愛交好古獨立物表

孫綽字與公博學善屬文少與高陽許詢俱有高尚之志居于會稽游放山水十有餘年乃作遂初賦以致其意

元結為道州刺史搜攬山水佳處被之詩歌由是此邦山水甲天下

本傳

孫統字承公誕任不羈家于會稽性好山水乃求為鄞令轉在吳寧居職不留心碎務縱意肆游名山勝川靡不窮究

白居易與弟知退及元微之會於夷陵尋幽踐勝知退曰斯景勝絕天

地間有幾乎遂號三游洞 方輿勝覽

樂天由江州司馬除刺史為稍遷故為郡最暇豫有聲迹又其在州東樓以宴賓佐西樓以瞰鳴玉溪登龍昌上寺以望江南諸山張樂巴子臺以會竹枝歌女東坡種花東澗種柳皆相傳識其處所  
滕王唐高祖之子武德中出為洪州刺史喜山水酷愛蝴蝶尤攻書妙音律暇日乘青雀舸遊江漢甚得其趣自選芳渚基址不大高低得宜遠瞰湘雲近枕漢水仍便以王而名閣焉

有江叟者好吹笛常遇樵叟而髣髴遺江鐵笛每於君山龍潭吹之無聲一日携笛登白鶴山吹於紫荆臺響震林谷忽有兩女子出授神藥云服此當為水仙後不知所終女子蓋龍云

何徵君隱吳郡多游臨華寺九經堂飲鹿塘靈寶院涵星澗 高隱外書

簡先生上隱亭望九里山七日不能下但食鵝蒸三千段 琴莊美事

潘勺字叔治登第為吳興都掾絕意祿仕遍游天下佳山水有鴈蕩百味自號癸甲先生 吳中舊事

宋謝臯羽佃儻有穴飾嘗布衣杖策過姑蘓望夫差之臺慟哭終日過  
勾踐行禹穴間北向哭乘舟至鄞過蛟門登候濤山感夫子浮桴之嘆  
則又哭所歷浙東西州佳山水必作有游記有浙東西游錄九卷謝翱傳  
宋方鳳隱仙華山徃徃遇遺民故老於殘山剩水間握手歔歔低回而  
不忍去 宋遺民志

羅疇字疇老授滁州法椽或曰滁山郡也以公高才處此非宜公曰此  
歐陽之醉鄉也雖草木禽魚皆能出祥光發妙音庶子紫薇香泉萬斛  
以為供給瑯琊幽谷白雲千頃以為職田何謂貧僻耶

予昔至九江上石室之崖以瞰書牛蓋天下山川秀拔處也 張固白鶴山記

太史公嘗登姑蘓臺以望五湖

徐武功平生好竒每遇游覽必窮其勝林屋洞天在包山其中深窈幽  
黑久無游者武功列炬而入行頗久至一處平敞寬崇特為幽妙四壁  
上下皆作金色有石乳自上滴下相接至地瑩如白玉謂之曰金庭玉  
柱者是也中設石林類為仙者之外室再欲進步則有流水阻絕漸為

深杳不能前矣題曰隔凡字勢飛逸疑非人間書也 蕪談

廬山有三石梁長數尺廣不盈尺杳然無底吳猛與弟子躡石梁而度

見金闕王房地皆五色見一老翁坐桂樹下以王杯承露與猛 壽陽記

攝泉居士許彥明雅好山水金陵名勝無不至樂與禪宿游清齋玄論

坐以終日嘗因事南游三茅虎丘以躡武林汎西湖北渡淮涉沛歷齊

魯至燕冀西山諸陵之槩賦奇焉古往徃寄懷其間晚乃買田東海上

期扁舟徃來效張志和陸魯望之樂 顧麟著許彥明誌

錢塘楊祐年十九領鄉貢入京師道鄒魯之虛過稷下周游渤碣之間

登郭隗之臺慷慨悲懷有統揖千古之意 許應元著誌

采蕭思話嘗從文帝登鍾山北嶺中道有盤石清泉使扞石上彈琴因

賜以銀鍾酒曰相賞有松石間意 所

謝靈運與族弟惠連東海何長瑜穎川荀雍泰山羊疇之以文章賞會

共爲山澤之游時人謂之四文

又中子游馬頰之谷遂至牛首之溪龔氏本云子游黃頰之谷遂至白

牛之溪注云王績嘗題詩黃頰山壁王無功又曰吾往見薛收白牛  
溪賦韻趣高奇詞義曠遠嗟哦蕭瑟真不可言壯哉邈乎楊班之儔  
也高人姚義嘗謂吾曰薛生此文不可多得登太行俯滄溟高深極  
矣

子游汾亭坐鼓琴有舟而釣者過曰美哉琴意傷而和怨而靜在山澤  
而有廊廟之志非太公之都磻溪則仲尼之宅泗濱也

子遊馬頰之谷遂至牛首之谿登降信宿從者樂姚義竇威進曰夫子  
遂得潛乎子曰潛雖伏矣亦孔之昭

子遊河間之渚河上丈人曰何君乎斯人也心若醉六經目若營四海  
何君乎斯人也文中子去之薛收曰何人也子曰隱者也收曰盍從  
之乎子曰吾與彼不相從久矣似文中子

北魏李謐不飲酒好音律愛樂山水高尚之情長而彌固一遇其賞悠  
爾忘歸

唐崔咸素有高世志造詣蘄遠間游終南山乘月吟嘯至感慨泣下

孟郊少隱嵩山性介少諧合後為深陽尉縣有投金瀨平陵城林薄蒙

翳下有積水郊間往坐水旁徘徊賦詩

天華宮在羅浮山之西蘇軾曰南漢主建有甘露羽蓋等亭雲華閣命

中書舍人鍾有章作記初南漢主夢神人宿羅浮山之西去延祥寺

西北有兩峰相疊一洞對流可以為宮訪之得其地又夢金龍起於

宮所遂改為黃龍洞此地即葛僊西菴至宋朝革命四方僭叛以次

誅服劉氏懼焉將欲潛遁羅浮為狡兔之穴又命於增江水口鑿濠

通山往來山峒倉卒為航舟之計開寶四年乃始歸命則知劉氏為

寶宮於山間無事則為臨賞之樂有事則為逋逃之所其計審矣萬惠

錄

錫杖泉在羅浮寶積寺即景泰禪卓錫之地亦謂之卓錫泉蘇軾曰

余昔自汴入淮泛江泝溪歸蜀飲江淮水蓋彌年既覺至井水腥澁

百餘日然後安之以此知江之其於井也予來嶺外自楊子江始飲

江水及至南康江益清駛水益其則知南江賢於北江也近夔嶺入

清遠峽水色如碧玉味亦益勝今日游羅浮酌景泰禪師錫杖泉則  
清遠水又在下矣嶺外惟惠人喜鬪茶此水不虛出也同前

白水山在象頭南蘇軾曰羅浮之東麓也有懸泉百仞山八九折折  
處輒爲潭深者繼石四五丈不能及旁有巨人跡數十謂之佛跡巖

巖西故有院亦曰佛跡同前

宋嘉熙二年十二月陸務觀與何德器張仲玉韓無咎游焦山題名云  
踏雪觀瘞鶴銘置酒上方烽火未息望風檣戰艦在煙靄間慨然盡  
醉薄晚泛舟自甘露寺以歸

紹興五年乙卯夏石林葉少蘊避暑于山中每旦起命一僕夫負榻擇  
泉石清曠松竹幽茂處偃仰終日賓友罕至又自云家藏書數萬卷  
歲出曝之閱兩旬始畢每盛夏避暑時命門生輩讀而聽之不覺至  
晏

汪藻斥居永州積十二年間遇勝日幅巾葛屨登西山循鈇鋤潭入愚  
溪並湘流沉文以弔古人而自肆於山水與柳儀曹相望於數百載

後

向子恣隱于衡之伊山乃晉桓伊書堂故基結茅爲堂置書其中茂竹  
幽蘭蔭鬱前後春葩秋穠以時自獻猿啼近嶂鷓鴣由沼馬屎車喧  
杳然于雲水之外胡寅韓璜自天柱峯南襍被枝筇歲一再往焉或  
商較文義或把觥賦詩逍遙裘羊興盡而後別

胡寅有裕堂記

浦江吳萊嘗應貢舉東經齊魯梁楚之郊北抵燕趙每遇中原奇絕處  
輒瞪然長視平岡灌莽一望千里昔人歌舞爭戰之地皆前迎後却  
畢在塵沙霜露中遂與當塗李翼餘姚方九思臨川傅斯正貫酒高  
歌天寒風急毛髮上豎自謂綽有司馬子長遺風尋歸田里出游海  
東洲歷蛟門峽過小白華山登盤陀石見曉日初出海波盡紅瞪然  
長視思欲起安期羨門而與之遊著觀日賦以見志由是襟懷疎朗  
文章益雄宕有奇氣嘗謂人曰胷中無三萬卷書眼中無天下奇山  
川未必能文縱能亦兒女語耳還寓同縣陳士貞家士貞之居與龍  
湫五洩鄰榛篁蒙幕似不類人世先生日欸詠其中暢然自得或至

秋五澗御棹篔簹幕似不類人世先生日飲談其中暢然自得或至

暮忘返

宋濂著  
淵頴傳

徐有貞晚年遊浪山水縱情幽賞  
携妓樂歌嘯傲晚風態超逸  
輝照巖谷宛然古高賢  
復出嘗遊林屋洞天有中昇之想  
焉性喜夜燒燈與客語  
徹且無倦狀或孤步遐逝  
若有遇竒流至人下  
祝汗濁糠粃如免耳

浙江圖書

浙江圖書館



浙

Vertical text columns on the left side of the page, including the characters '浙江圖書館' and other faint text.

名言

游之樂所玩無故人之游也觀其所見我之游也觀其所變壺丘子曰  
凡所見亦恒見其變故務外游不如務內觀外游者求備於物內觀者  
取足於身於是列子自以爲不知游列子

禹本紀言河出崑崙崑崙其高二千五百餘里日月所相隱避爲光明  
也其上有醴泉瑤池今自張騫使大夏之後也窮河源惡覩本紀所謂  
崑崙者乎史記

君厭承明之廬勞侍從之事懷故土出爲郡吏會稽東接于海南近諸

越北枕大江間者閩焉久不聞問

漢武帝賜嚴助書

固今年五十有七鬢髮已白所謂容身而游滿腹而去周觀天下獨來  
見益州耳昔嚴夫子嘗言經有五涉其四州有九游其八欲類此子矣

李固與弟圖書

仲長統常欲卜居清曠以樂其志曰濯清水追涼風釣遊鯉弋高鴻不  
受當世之貴求保性命之期則可以凌雲霄出宇宙之外矣

余南登廬山觀禹疏九江遂至于會稽太滄上姑蘇望五湖東闕洛汭  
大邳邈河行淮泗濟漯洛渠西瞻蜀之岷山及離堆北自龍門至于朔  
方曰甚哉水之爲利害也 史記

夫何事於冀州聊託公以游居歷九土而觀風亦哲人之所虞遂發軔  
於京洛臨孟津而北厲想尚甫之威虞號蒼兕而明誓既中流而嘆息  
享烏魚之瑞命瞻淇澳之園林萋綠竹之猗猗望常山之峩峩登北岳

而高游嘉孝武之乾乾親飭躬於伯姬建封禪於儲宗瘞玄王於此丘

徧五岳與四瀆觀滄海以周流且休精於故邑聊卒歲以湏臾 班彪居賦

余諱離騷天問哀郢悲其志適長沙觀屈原所 自沈淵未嘗不垂涕想見其爲人。史記

行遊目以南望覽太室之威靈顧大河于北垠覩洛汭之始并牽陵阿

以登降赴偃師而精勤壯田橫之奉首義二士之夾墳 秦邕述行賦

馮子以大人之德不碌碌如玉砾砾如石風興雲蒸一龍一蛇合道翔

翔與時變化夫豈守一節哉上隴阪騰高岡遊精宇宙流目八紘眈然

有思凌雲之意乃作賦以自廣曰開歲發春百卉含英甲子之朝兮汨

有思發雲之意乃作賦以自廣曰開歲發春百卦合英甲子之朝兮

吾西征發軔新豐兮徘徊鎬京凌飛廉而太息登平陽而懷傷棄衡石  
而意量兮隨風波而飛揚陟九嶷而臨巖聽涇渭之波聲陟隴山以  
踰聖耿然覽於八荒覽天地之幽奧兮統萬物之維綱馮衍顯志賦

上隴阪陟高岡游精宇宙流目八紘歷觀九州山川之體追覽上古得  
穴之風疆理九野經營五山眇然有思陵雲之意馮衍自論

趨蜀道履黃牛因覩江山之勝亂石排空驚濤拍岬歛巨石於江中崔  
嵬嶺岫列作三峯平治泮水順遵其道非神扶助於禹人力奚能致此

耶僕縱步環覽乃見江左大山壁立林麓峯巒如畫熟視於大江重複  
石壁間有神像影現焉髮鬢鬚眉冠裳宛然如綵畫者前豎一旌旗後

駐一黃犢猶有董工開導之勢古傳所載黃龍助禹開江治水九載而  
功成信不誣也諸葛孔明黃陵廟記

每念昔日南皮之遊誠不可忘既妙思六經逍遙百氏高談娛心同乘  
其載以遊後園清風夜起悲笳微吟樂往哀來愴然傷懷 昔日遊處

行則連輿立則接席每至觴酌流行絲竹竝奏酒酣耳熱仰而賦詩當

此之時忽然不自知其樂也 追思昔遊猶存心目既痛逝者行自念也 魏文帝與吳質書

崇山隱天幽林穹谷陸海珍藏藍田美玉商洛緣其隈鄠杜濱其足倚高臺之曲隅處幽僻之閑深望翔雲之悠悠羗朝躋而夕陰信有心而在遠重登高以臨川 曹植幽思賦

去峻溪之鴻洞觀日月之朝陽釋叢棘之餘刺踐檟林之柔芳皦玉粲以曜日榮日華以舒光 劉禎遂志賦

知諸君子復有漳渠之會西有伯陽之觀北有曠野之望高樹翳朝雲文禽蔽綠水沙塲夷敞清風肅穆是泉臺之樂也得無流而不返乎 應

與蒲公談書

建安十年始定冀州濊貊貢良弓燕代獻名馬時歲之春勾芒司節和風扇物弓燥手弱草茂獸肥與兄子丹獵於鄴西手獲獐鹿九狐兔三十 田游錄

魏應璩與從弟若泉書間者北遊喜歡無量登芒濟河曠若發蒙風伯

掃涂雨師灑道按轡清路周望山野亦既至止酌彼春酒接武茅茨京  
過大厦扶寸肴脩味踰方丈逍遙陂塘之上吟味菹柳之下結春芳以  
崇佩折若華以翳日弋下高雲之鳥餌出深川之魚蒲苴贊善便猥稱  
妙何其樂哉雖仲尼忘味於虞韶楚人流遯於京臺無以過也班嗣之  
書信不虛矣未還京都塊然獨處營宅濱洛困於囂塵思樂汶上發於  
寤寐昔伊尹輟耕郢惲投竿思致君於有虞濟蒸民於塗炭而吾方欲  
執耒於山陽沉緡於丹水知其不如古人遠矣然山雨不貪天地之樂  
曾參不慕晉楚之富亦其志也

諸葛亮造八陣圖於魚復平沙上壘石爲八行相去二丈桓溫征譙縱  
見之曰此常山蛇勢也文武皆莫識吾常過之自山上俯視百餘丈凡  
八行爲六十四蘊蘊正圍不見凹凸處如日中蓋影及就視皆卵石漫  
漫不可辨甚可怪也

東坡志林

法

衛洗馬玠初欲渡江形神憔悴語左右云見此茫茫百端交集苟未免  
有情亦復誰能遣此世說

王司州胡之至吳興印渚中看歎曰非唯使人情開滌亦覺日月清明  
袁彥伯宏爲謝安南奉司馬都下諸人送至瀨鄉將別旣自悽惘歎曰  
江山遼落居然有萬里之勢世說

簡文入華林園顧謂左右曰會心處不必在遠翳然林木便自有濠濮  
間想也不覺鳥獸禽魚自來親人世說

林公見東陽長山曰何其坦迤世說

顧長康從會稽還人問山川之美顧云千巖競秀萬壑爭流草木蒙籠  
其上若雲興霞蔚世說

左據函谷二嶠之阻表以秦華終南之山右界褒斜隴首之險帶以洪  
河涇渭之川華實之毛則九州之上腴焉防禦之阻則天下之奧區焉  
王子敬云從山陰道上行山川自相映發使人應接不暇若秋冬之際  
尤難爲懷 王子敬自會稽經吳聞顧辟疆有名園先不識主人徑往  
其家值顧方集賓友酣燕而王遊歷旣畢指麾好惡傍若無人世說  
明帝問謝鯤君何如庾亮荅曰端委廟堂使百僚隼則臣不如亮一丘

一壑自謂過之世說

撫軍問孫興公自謂何如曰託懷玄勝遠詠老莊蕭條高寄不與時務  
經懷自謂此心無所與讓也世說

陳林道遠在西岬都下諸人共要至牛渚會陳理既佳人欲共言折陳

以如意拄頰望雞籠山嘆曰孫伯符志業不遂世說

支道林因人就深公買印山深公荅曰未聞巢由買山而隱世說

桓公入洛過淮泗踐北境與諸僚屬登平乘樓眺矚中原慨然曰遂使

神州陸沉百年丘墟王夷甫諸人不得不任其責世說

衡州石鼓山據蒸湘之會江流環帶最爲一郡佳處石鼓書院記

松江漁翁者不知其姓名每棹小舟游長橋往來波上扣舷飲酒酣歌

自得嘗曰養志者忘形養形者忘利致道者忘心心形俱忘其視軒冕

如糞土耳高士傳

阮光祿在東山蕭然無事常內足於懷有人以問王右軍右軍曰此君

近不驚寵辱雖古之沉冥何以過此世說

乃素志無廊廟王丞相欲內吾誓不許之手跡猶存由來尚矣不於足  
下參政而方進退自兒婚女嫁便懷向子平之志數與親知言之非一  
日也

王逸少荅殷深源書

坐而獲逸遂其宿心比常與安石東遊山海願養閑暇之餘欲與親故  
時共歡宴街孟引滿語田里所行故以為撫掌之資其為得意可勝言  
耶常依依陸賈班嗣之處世老夫志願盡於此也

王右軍與謝安石書

知彼清晏歲豐又所使有無鄉故是名處且山川形勢乃耳何可以不  
遊目足下今年政七十耶知體氣常佳此大慶也想復勤加頤養吾年  
垂耳順推之人理得爾以為厚幸但恐前路轉欲逼耳以爾要欲一遊  
日汝嶺非復常言足下但當保護以俟此期勿謂虛言得果此緣一段  
奇事也

王右軍與周益州書

省足下別疏其彼土山川諸奇楊雄蜀都左太冲三都殊為不備悉彼  
故為多奇益令其遊目意足也可得果當告卿求進少人足耳至時示  
意遲此期真以日為歲想足下鎮彼土未有動理耳欲及卿在彼登汶

嶺峨眉而旋寶不朽之盛事但言此心以馳於彼矣同上

蜀中山水如峨眉山夏含霜電碑板之所聞崑崙之伯仲也王右軍與謝安書

衡山九疑沅湘千里九向九背乃不復見湘中記

鏡湖澄澈清流瀉注山川之美使人應接不暇王獻之書

此二日東行遊步園中已極有在家湖行模也姊想觸亦小有可散謝

尋米望山率情便去抱琴引酌興盡而返

居家大都無所為正以畱綸為事足以求日北固山下大有鱸魚一手

釣得四十九枚謝玄暕兄書

此間萬頃江湖撓之不濁澄之不清而百姓投一綸下一筌皆奪其魚

器不輸十疋皆不得放不知漆園吏何得持竿不顧漁父何得鼓枻而

歌滄浪也王胡之與庾安西笺

吾童稚之年已懷遠畧弱冠託廬山事釋和尚遊道餐風二十餘載淵

匠既傾復與汝曹歸耕先隴山居谷飲忽復十年及今未老尚可厲志

成西歸之津梁自今以往家務大小一勿見聞雷次宗與子好書

自山陰至臨安多有金堂玉室仙人芝草左元放之徒漢末諸得道者  
皆在焉許玄與王羲之書

潘子憑軾西征自京徂秦牧疲人於西夏携老幼而入關越平樂過街  
郵秣馬臯門稅駕西周澡孝水而濯纓嘉美名之在茲登峭坂之威夷  
仰崇嶺之嵯峨臯託墳於南陵文違風於北阿躡函谷之重阻看天險  
之衿帶發閩鄉而警策遡黃巷而濟潼眺華岳之陰崖覲高掌之遺蹤  
寶鷄前鳴甘泉後涌面終南而背雲陽跨平原而連嶓嶷九嶷截辟太  
一巖從南有玄灞素滄湯井溫谷北有清渭濁涇蘭池周曲浸決鄭白  
之渠漕引江淮之粟林茂有鄠之竹山挺藍田之王爾乃階長樂登未  
央汎太液凌建章徘徊桂宮惆悵栢梁潘岳西征賦

過武昌以逍遙登樊山以流盼訪遺老以證往乃西鄂之舊縣曩有吳  
之初基升員丘而豹變爾乃出桑落會通川背彭澤而長泉洲渚迢迢  
巖岫虛懸卽雲似嶺望水若天日月出乎波中雲霓生於浪間袁宏東  
拜洛浦之遙遙浮黃川之裔裔遵河曲以悠遠觀通流之所會啓石門

而東縈汭湫渠其如帶越河山而託景眇四載而遠期陸機行思賦

赤城霞起而建標瀑布飛流以界道濟楫溪而直進落五界而迅征跨  
穹隆之懸磴臨萬丈之絕冥踐莓苔之滑石埒壁立之翠屏過靈溪而  
一濯疏煩想於心胸凝思幽巖朗詠長川孫綽遊天台賦

衡山有二峯極秀一峯名芙蓉峯最為竦傑自非晴霽之朝不可望見  
峯上有泉飛派如一幅絹分映清林直注山下威弘之荊州記

歲大荒之孟夏余將往乎蜀都朝發軔于京宇夕予宿於穀洛踐有周  
之舊墟槐丘荒以廖廓讚王孫於北門問九鼎于東郭入函谷而長驅  
歷新安之鹵阜行逶迤以登降陟二嶠之重阻經嶽岑之險巖想姬文  
之避雨出潼關以迴逝仰華岳之崔巍勤大禹之疏導豁龍門以洞開  
緣阻岑之絕崖蹈偏梁之懸閣石壁立以切天岌嶇隗其欲落造劍閣  
之崇關路盤曲以掩藹山嶸嶸以峻狹仰青天其如帶張載述行賦

巖下老人者不知何許人漢武帝南巡狩過潯陽詔舉逸民時老人澹  
然處於巖下左右強以應詔老人曰堯仁如天孤雲自飛一水一石臣

之樂也帝曰卿不願仕耶曰東身王朝其如此山之雲何南康志

或命中車或棹孤舟既窈窕以尋壑亦崎嶇而經丘木欣欣以向榮泉

涓涓而始流善萬物之得時感吾生之行休又云懷良辰以孤往或植

杖而耘耔登東臯以舒嘯臨清流而賦詩陶潛歸去來辭

仰承發止已次新林三湘與區九疑形勝加以夏石奇雲秋江迥月翰

飛紙落理豐辭富賞未興餘時希逮憶陸景與從兄安成王書

仰承縱賞山中遊心人外往而忘返有會昔言牽物從務無由獨往仰

此高蹤寸心如結晉安王答廣信侯書

果歸期於願言獲素念於思樂於是舟人告辦佇楫在川背海向溪乘

潮傍山時旻秋之杪節大既高而物衰林承風而飄落水鑒月而含輝

發青田之枉渚逗白岍之空亭停余舟而淹留搜縉雲之遺迹漾百里

之清潭見千仞之孤石謝靈運歸途賦

聞惡道溪中九十九里有五十九灘王右軍遊此惡道歎其奇絕遂書

突星瀨於石謝靈運與弟書

會境既豐山水是以江左嘉遯竝多居之但季世慕榮幽棲者寡或復  
才爲時求弗獲從志至若王弘之拂衣歸耕踰歷三紀孔淳之隱約窮  
岫自始迄今阮萬齡辭事就閑纂成先業浙河之外棲遲山澤如斯而  
已既遠同義唐亦激貪厲競殿下愛素好古常若布衣每意昔聞虛想  
巖穴若遺一介有以相存真可謂千載盛美也

謝靈運與廬陵王義真書

山川之美古今共談高峯入雲清流見底兩岸石壁五色交輝青林翠  
竹四時俱備暗霧相歇猿鳥亂鳴夕日欲流沉鱗競躍實是欲界之仙  
都自康樂以來未有能與其奇者

陶弘景答謝中書書

褚先生從白雲舊矣古之逸人或留慮兒孫或使華陰成市而此子索  
然惟明松石介於孤峯絕嶺者積數十載近故要其來此冀慰口夜比  
談討芝桂借訪荔蘿若已窺烟夜臨滄洲矣

王僧達答丘珍孫書

登北邙遠眺衆美都盡光武墳邊杏甚美今送核

朱超真兄書

僕去月謝病還覓薜蘿梅溪之西有石門山者森壁爭霞孤峯限日幽  
岫含雲深溪蓄翠蟬吟鶴唳水響猿啼嚶嚶相雜綿綿成韻既素重幽

居遂葺宇其上幸富菊花偏饒竹實山谷所資於斯已辨仁智所樂豈

徒語哉 吳均與顧章書

故鄆縣東三十五里有青山絕壁千尺孤峯入漢歸飛之鳥千翼競來

企水之猿百臂相接秋露為霜春蘿被徑信足蕩累願物娛衰散賞

與施從事書

自富陽至桐廬一百許里水皆縹碧千丈見底游魚細石直視無礙急

湍甚箭猛浪若奔夾峯高山皆生寒樹負勢競上互相軒邈爭高直指

十百成峯泉水激石泠泠作響好鳥相鳴嚶嚶成韻經綸昔務咸窺谷

忘返矣 吳均與朱元思書

性同鱗羽愛止山壑眷戀松筠輕迷人路縱宕巖流有若狂者忽不知

老至而今髮已白豈容課虛責有眼魚鳥慕哉 宗測答豫章王書

蹲林卧石藉卉班荆不過田峻野老漁父樵客酌醴焚枯嗚嗚相勞藜

藟含糗果然滿腹詠高梧而賦修竹背清淮而遊長范留東閣以從容

登石室而高祝 王僧儒答江陵書

三峨高出五岳秀甲九州震旦國第一山也

西竺千歲和尚與行脚僧

始得優游山林之下縱心孔釋之書觸興為詩凌峯採藥服餌蠲痾樂

有餘也但不與足下同日以此為恨耳

常道猷與道壹書

貧道棲荆累稔年衰疹積厭毒人喧所以遠託岷界卜居斯阜抱郭懷

邑迴望三方負巒背岳遠矚九流以去年四月創功覆篋輒疏山讚以

露愚抱

玄暢與傅琰書

蕭子褰帷九水作牧三宮乃盱衡而言曰將遊目於五湖夕結覽於姑

蘇臨閭門之跨水聳重闕而開都張素蓋而縈洲嶼馳白馬而赴江沱

登舜橋而延首瞰禹井而淹留御史之牀猶在督護之門不修登釣臺

而高邁過鄂渚而西浮臨章華而留盼見舊楚之淒涼試極目乎千里

何春心之可傷

梁元帝玄覽賦

夙有尚於清靜叨再入於鄢郢東窺文命之穴南望鴻崖之井對灌木

之修聳觀激水之飛奔聞賓鴻之夜飛想過沛而沾衣况登樓而作賦

望淮海而思歸

梁元帝言志賦



下以爲結繩之政已薄矣及堯舜作爲千鍾百壺之獻因姑射神人以  
假道蓋至其邊鄙終身太平禹湯立法禮繁樂雜數十代與醉鄉隔其  
臣羲和棄甲子而逝冀臻其鄉失路而道夭故天下遂不寔至于末孫  
桀紂怒而昇其糟丘階級千仞南向而望卒不見醉鄉武王傳于世乃  
命旦立酒人氏之職典司五齊拓土七千里僅與醉鄉達焉三十年刑  
措不用下逮幽厲迄于秦漢中國喪亂遂與醉鄉絕而臣下之愛道者  
往往竊至焉阮嗣宗陶淵明等十數人並游於醉鄉沒身不返死葬其  
壤中國以爲酒仙云嗟乎醉鄉氏之俗豈古華胥氏之國乎其淳寂  
也如是余將遊焉故爲之記

**宋鮑照**

**遊醉鄉**

吾自發寒雨而全行日少棧石星飯結荷水宿以今食

時僅及大雷塗登千里日踰一辰去親爲客如何如何向因步頓憑觀  
川陸遶神清渚流睇方曛東顧三洲之隔西眺九派之分闕地門之絕  
景望天際之孤雲南則積山萬狀爭氣負高含霞歛景參差代雄陵跨  
長隴前後相屬帶天有匝橫地無窮東原隰亡端靡際寒蓬夕卷古

樹雲平旋風四起思鳥群歸靜聽無聞極視不見比則陂池潛演湖澤  
 脉通棲風之鳥水化之蟲以智吞愚因疆捕小號噪驚駘紛勃其中西  
 則迴江來指長波吞合滔滔何窮漫漫安竭左右青藹表裏紫霄從嶺  
 而西氣盡金光半山以下絕為黛色信可謂神居帝郊鎮控江漢者也  
 夕景欲沉曉露將合孤鶴寒嘯游鴻遠吟樵蘇一嘆舟子舟泫誠足憂  
 悲不可說也

鴈蕩山自古圖牒未嘗言山頂有大池相傳為鴈出石下二潭為龍湫  
 山南有芙蓉峯下有芙蓉驛西竺經諾矩羅尊者居震旦東南大海際  
 山以鳥名村以花名懷素與律公書

按九真圖越裳四十里杉谷古崇山竹谿從道明國來於崇山北二十  
 五里合水缺缺藤竹明昧有三十峯夾水直上千餘仞諸仙窟宅在焉

沈佺期從崇山  
向越裳詩序

太行之陽有盤谷盤谷之間泉甘而土肥草木叢茂居民鮮少或曰謂  
 其環兩山之間故曰盤或曰是谷也宅幽而勢阻隱者之所盤旋友人

李愿居之 韓文

烟駕不逢羽人長往去驚世走青雲登玉女之峰窺石人之廟見司馬  
子微馮大和霓裳渺然冥壑獨立直朋羽會金漿玉液則有楊仙公玄  
默洞天賈上士幽棲牝谷玉笙吹鳳瑤裝駐鶴 陳子昂真誥

僕去年秋始游廬山到東西二林間香爐峰下見雲水泉石勝絕第一  
愛不能捨因置草堂前有喬松十數株修竹千餘竿青蘿為墻垣白石  
為橋道流水周於舍下飛泉落於簷間綠柳白蓮羅生池砌大抵若是  
每一獨往動彌旬日平生所好者盡在其中不惟忘歸可以終老 白樂天與

元微之書

夫曹官紱冕者大賢處之若游青山卧白雲逍遙偃傲何適不可小才  
居之窘而自拘悄若桎梏則清風朗月河英嶽秀皆為棄物安得稱焉  
所以名教樂地無非得俊之場也 李白集

唐王維山中與裴迪書近臘月下景氣和暢故山殊可過足下方溫經

猥不敢相煩輒便往山中翹感配寺與山僧飯訖而去北涉玄灞清月

映郭夜登華子岡輞水淪連與月上下寒山遠火明滅林外深巷寒犬  
吠聲如豹村墟夜春復與踈鍾相間此時獨坐僮僕靜默多思曩昔攜  
手賦詩步仄逕臨清流也當待春中草木蔓發春山可望輕儵出水白  
鷗矯翼露濕青皋麥隴朝雉斯之不遠儻能從我遊乎非子天機清妙  
者豈能以此不急之務相邀然是中有深趣矣無忽因賦黃蘗人往不  
一山中人王維白

**唐法象志**天下山河之象存乎兩戒北戒自三危積石負終南地絡之  
陰至滌貊朝鮮謂之北紀天所以限戎狄南戒自岷山幡冢負地絡之  
陽至東甌閩中謂之南紀天所以限蠻夷河源曰北河由北紀首達華  
陰與地絡會又分而東流與涇渭濟瀆相表裏江源曰南河自南紀首  
達華陽與地絡會又分而東流與漢水淮瀆相表裏觀兩河之象與雲  
漢之終始而分野可知矣

天下山分爲四條上應二十八宿中州負險用武之國四戰用文之國  
負海貨殖所阜之國

北紀東至北河北為邢趙南紀東至鹵河南荆楚自北河下流南距岱  
山為二齊夾石碣石為北燕自南河下流北距岱山為鄒魯南涉江淮  
為吳越此負海之國也 天原發微

見蒼梧塗山則思舜禹恤民之艱覩窮荒大漠則悟秦漢勞師之弊覽  
齊墟晉壤則想桓文勤王之霸觀洞庭荆門則知苗蜀恃險之敗 呂溫地誌

圖序

李太白餞二翁尋桃源序 昔祖龍滅古道嚴威刑煎熬生人若墜大火

三墳五典散為寒灰築長城建阿房并諸侯殺豪俊自謂功高羲皇國  
可萬世思欲凌雲氣求仙人登封泰山風雨暴作雖五松受職草木有  
知而萬象乖度禮刑將弛則綺皓不得不遁於南山曾連不得不蹈於  
東海則桃源之避世者可謂超升先覺夫指鹿之儔連頸而同死非吾  
黨之謂乎二翁耽老氏之言繼少卿之作文以述大雅道以通至精卷  
舒天地之心脫落神仙之境武陵遺跡可得而窺焉問津利往水引漁  
者苑藏仙谿春風不知從來落英何許流出石洞來入晨光盡開有良

田名池竹果森列三十六洞別爲一天耶今扁舟而行笑謝人世阡陌未改古人依然白雲何時而歸來青山一去而誰往諸公賦桃源以美之

河東吾土也家世遷徙莫能就緒其間有大河條山氣蓋關左吾因翹翹褰裳奮懷舊都

平泉山居戒子孫記

茲岳殊沁衆山經綸中外上秩乾門黑帝之宮下捺坤軸玄神之府豈止磅翼衛截幽燕拒洪河撐大海涵洞合沓半天下之襟帶差哉寔巖一字內之標格者也

張嘉貞恒山碑序

廬山者江陽之名嶽也背岷流面彭蠡蟠根亘數百里又曰重嶺桀嶸

仰挿雲日

伏滔游廬山序

乘興踏月西入酒家不覺人物兩忘身在此外

李太白書

元豐六年十月十一日夜解衣欲睡月色入戶欣然起行念無與樂者遂至承天寺尋張懷民懷民亦未寐相與步於中庭庭中如積水空明水中藻荇交橫蓋竹栢影也何夜無月何處無竹栢但少閑人如吾兩人

又在江湖不見偉人前在金山見滕元發乘小舟破巨浪來相訪出船

巍然使人神從游錄

官

洛陽古帝都山川風氣清明盛麗居之可樂平川廣衍東西數百里嵩

山少室天壇王屋岡巒靡迤四顧可挹伊洛瀍澗流出平地故其山川

之勝泉流之潔雖其間閭之人與公侯共之一晦之宮上矚青山下聽

流水奇花修竹布列左右而其貴家巨室園圃亭觀之盛實甲天下東坡

今日游白水詳跡山山上布水三十仞雷輓電散大畧如項羽破章邯時也東坡

元豐三年夏六月過廬山涉其山之陽入棲賢谷谷中多大石及業相

倚水行石間其聲如雷霆如千乘車行者震掉不能自持雖三峽之險

不過也故其橋曰三峽渡橋而東依山循水水平如白練橫觸巨石匯

為大車輪流轉泓湧窮水之變院據其上游右倚石壁左俯流水石壁

之跡僧堂在焉狂峯怪石翔舞於簷上杉松竹箭橫生倒植葱蒨相糾

每大風雨至堂中之人疑將壓焉問於習廬山者雖茲山之勝栖賢蓋

以一二數矣 山游錄

白鹿舊游恍然夢寐但聞五老峯下新泉三疊頗為奇勝計此生無由

得至其下嘗託黃商伯陳和成摹畫以來摩娑素墨徒以慨嘆也 文公

秋潦方漲水面千里 房心開風露浩然獨與兒子邁掉小舟至赤

遐想山林之勝他處真未易得令人悵然興懷也 與葉永卿諸人書

白鹿知亦嘗一到甚善其善每念疇昔相與登臨遊從之樂未嘗不發

於夢寐 游廬山題名云晦翁與程正思丁復之黃面卿俱來覽觀江山

山間勝處皆有前賢題詠可尋獨新泉近出最名殊勝非三峽激石所

及而余未之見黃石巖絕高而漱王之原眼界特曠遠余嘗一詣而不

能及近聞故吏張生棄家居之老守益有愧焉 朱文公送耳叔懷遊廬

五日下午山至東西林兩寺相去不百步一溪清駛橫貫其間皆自方丈

前廊廡下過他處所無有也白蓮池在東林法堂前白公草堂基在寺

東久廢近歲復創數楹制殊狹陋然亦非其正處矣 朱文公山北紀行

余自得石林山樂其泉石欲為藏書之所且携數僕夫荷鍾持畚平夷

澗谷搜剔巖竇雖風雨不避旁勸皆以爲甚勞而余實未嘗倦殆其役  
於物耶

葉夢得樂壽堂記

懸溜分流以飛湍七嶺重標而疊勢峭門百尋峻閣千仞香鑪吐雲以  
像烟甘泉滴溜而先潤

宋支曇諦廬山賦

胡寅嘗與劉兼道游武夷山兼道善吹鐵笛有穿雲裂石之聲寅詩曰  
更煩橫鐵笛吹與衆山聽

武夷山志

慈湖陳氏草堂瀑流出兩山間落於堂後如懸布崩雪如風中雲如羣  
鶴坐於南軒對修竹數百野鳥數千

田畫字承君陽翟人剛介自守兄弟五人聖出繼伯父後盥仲觀粹中  
巨元邈皆有氣節博學能文家居兄弟相從能自樂也與崔鶻德符陳  
恬叔易爲友諸田兄弟在陽翟縣南十里竹林店居其地多竹故名竹  
林店有屋十數間文史足用陽翟人張宗文秀才與諸田親戚自言頃  
年自城中月夜步謁諸田適值酒熟花方盛開留連十許日商確文字  
意足而後歸

宋馬

才贈益邦式子長

子友蓋邦式嘗爲子言司馬子長之文章

有奇偉氣切有志於斯文也子其爲說以贈我子謂子長之文章不在書學者每以書求之則終身不知其奇子有史記一部載天下名山大川壯麗可怪之處將與子周遊而歷覽之庶幾可以知此文矣子長生平喜遊少年自負之時足跡不肯一日休非直爲景物役也將以盡天下大觀以助我氣然後吐而爲書則其平生所嘗遊者皆在焉南浮長淮沂大江見狂瀾驚波陰風怒號逾走而橫擊故其文奔放而浩漫墜雲夢洞庭之陂彭蠡之瀦混爛虛呼吸萬壑而不見介量故其文停瀟而淵深見九疑之芊緜巫山之嵯峨陽臺朝雲蒼梧暮烟態度無定靡曼綽約春粧如濃秋飾如薄故其文妍媚而蔚紆泛沅渡湘吊大夫之魂悼妃子之恨竹上猶有斑斑而不知魚腹之骨尚無恙者乎故其文感憤而傷激北過大梁之墟觀楚漢之戰場想見項羽之喑鳴高帝之慢罵龍跳虎躍千兵萬馬大弓長戟俱遊而齊呼故其文雄勇猛健使人心悸而膽慄世家龍門念神禹之巍功西使巴蜀跨劍閣之鳥道上

人心悸而膽慄世家龍門念神禹之魏功西使巴蜀跨劍閣之鳥道上

有摩雲之崖不見斧鑿之痕故其文蘄絕峻拔而不得攀躋講業齊魯  
之都觀夫子之遺風鄉射鄒嶧彷徨乎汶陽洙泗之上故其文曲重溫  
雅有似乎正人君子之容貌凡天地之間萬物之變可驚可愕可以疑  
心使人憂使人悲者子長盡取而爲文章是以變化出沒如萬象供四  
時而無窮今於其書而觀之豈不信矣子謂欲學子長之爲文先學其  
遊可也不知學遊以采奇而欲操筆弄墨紉綴腐熟者乃其常常耳昔  
公孫氏善舞劍而學書者得之乃入於神庖丁氏善操刀而養生者得  
之乃極其妙事固有殊類而相感者其意同故今天下之絕蹤詭觀何  
以異於昔子果能爲我遊者乎吾欲觀子矣醉把盃酒可以吞江南吳  
越之清風拂劍長嘯可以吸燕趙秦隴之勁氣然後歸而治文著書子  
畏子長乎子長畏子乎不然斷編敗冊朝吟而暮誦之吾不知所得矣  
去歲與子野游逍遙堂日欲沒因並西山叩羅浮道院至巴二鼓矣棘  
惠州近城數小山類蜀道春與進士許毅野步會意處飲之且醉作詩  
以記迺參寥專使欲歸使持此以示西湖之上諸友庶使知余未嘗一

日忘湖山也 東坡

今春在都下嘗到龍山周覽舊游未免室邇人遠之嘆 尤袤寄江道錄

行李至山中便有登臨之樂豈與奔走塵埃中者同味耶然老夫於此

興復不淺山中有新作不惜時見寄也 黃山谷刀筆

閑居多病人事廢絕遇風日晴暖從門生兒姪輩扶杖逍遙林麓山水

之間忽不知日月之成歲 山谷

**宋廬裏西行記** 予嘗謂人生以七尺男子軀為天地中最靈物造物者

剖裂元氣取其精英而與之使呼吸至和發露天光超然出於塵垢之

外苟甘心旒鬻如醢雞然老且死是造化棄物爾寧不媿古人以桑弧

蓬矢射天地四方而示其有志哉予欲長遊遠睇窮極天下壯麗奇偉

卓絕之處南窮滄溟北抵幽都東折若木之枝西奄濛汜之谷頂摩太

清轍環八埏以助夫造物所以與予者生抱此志二十三年矣更念衢

為小邦處會稽姑蔑之地山川形勝不足為天下偉觀居常病是不足

廣吾胸中之氣思得隨穆滿造父董齊驅並馳於瑤池之宮闔風之苑

亦欲乘雲御風於日月出沒之際煙霞歛散之表况宇宙中可足跡至者邪故過洞庭彭蠡之浩漫太行孟門之巖從豈不知不修德而恃險者終啣壁而來歸者乎過岷峨王壘劍閣棧道之險豈不知不保國而貪利者終爲亡國之虜乎過塗山思神禹會諸侯之盛尙有專車之骨枕荒草而淒淒者乎過瀟湘思二妃望九疑之雲尙有琅玕之上帶淚痕而斑斑者乎過嶠函而思秦以虎狼之強而自爲楚齒也過烏江而思項羽以拔山之力而卒爲漢擒也登泰山梁父尙有秦皇漢武芝函王檢金篆石刻之書可讀也過朔庭王關尙有投筆書生伏波將軍燕然銅柱之蹟可復也過謝家青山而不知今日尙有佳士能爲蒼生特起者乎過卧龍南陽而不知今日尙有抱膝長嘯以邀三顧之寵者乎凡天下之奇形異狀陣雲回鴈之峯浮天浴日之波與夫通衢大邑遐邦異壤之遠周遊歷覽以廣吾胸中之氣豈不洋洋然浩浩然足以吞雲夢而飛天池哉去年秋舉郡計鄉老里大夫推予爲冠今年求試春官擔登裹糧走數千里雖風俗形勢不出吳越江淮之近而山川之勝

槩前賢之遺蹟亦已多矣因談笑之暇姑記其所遊之畧尚有遺賞未  
出於車輪馬足之間者缺之以載諸楮中云吳越之地牽牛織女之分  
野秦伯句踐之故墟有鑿山煮海之利三江五湖之險亦江東之都會  
也獨衢東接甌閩西連婺女至新安曰睦州歛三江之水會合於亭下  
有山隆然直壓其首如渴鰲怒鯨奮迅鬣鬣奔而衝水之狀上有桐君  
祠乃戴顓飛仙之地祥氛瑞氣氤氳回薄鶴駕往矣靈蹤儼然自桐君  
祠而西有羣山蜿蜒如兩蛇對走於平野之上三江之水並流於兩間  
驚波鬪馳秀壁雙峙上有東漢故人嚴子陵之釣臺孤峯特操聳立千  
仞奔走名利汨沒爲塵垢中客者一過其下清風襲人毛髮爲豎使人  
有芥視功名之意自釣臺而西曰浙江羣水赴焉衆山截焉海門二峯  
屹然孤立頃聞巨聲轟盪驚裂地軸如雷霆之奔擊萬軍之決怒天吳  
爵躍水怪萬狀擁銀山而爲六漢意其子胥之竟尚含屬鏤之怨怒而  
激爲此乎抑江神海若以謂不如是不足以震天地之威乎抑形勢使  
然而自爲此奔突乎竊悲子胥之忠腸義骨感激發憤欲身存國家詭

鍾射人卒詆誅死真天下奇男子有不幸者如此也自浙江艤舟古岬  
不登其上曰杭州橫控列城爲國大藩乘熊軾而建隼旟者必王公大  
人非州刺史郡太守常二千石比也觀閩商海賈舟車輻湊犀貝魚鹽  
駢羅其中龍山據其首西湖盤其腹天隱聳其臂胥丘卧其背樓臺上  
下如錦繡圖披髮文身者閩粵之舊俗也水犀射手者戰國之餘勇也  
金堤王渠虛臺廣榭者錢氏之故基也霓裳羽衣綽約靡曼者蘇小之  
遺態也故過其地者必駐軾焉自杭而西至嘉禾曰秀州自秀而西登  
吳江橋如長虹欲舒橫截水面左瞰太湖一壘千里篙工柁師風謳雨  
吟征人動江鄉之悲游女弄採蓮之歌思昔拂袖去國扁舟五湖者鷗  
夷子之遠遊也蓴羹半糝鱸魚自香者張季鷹之思歸也行歌長吟興  
屬雲水者陸魯望之嘉遯也後人高之作祠堂於笠澤之右予登三賢  
之堂悅三賢之風自吳江橋而西至姑蘇曰蘇州予求其所謂姑蘇臺  
者有遺址存焉父老尚能言之曰今天祐我宋統一寰宇四方遠近無  
敢據土地擁甲兵效戰國醜解柁依者是臺也今雖版籍入于王府亦

亡國之餘辱使當時知范蠡之有謀悟句踐之崑膽俯取忠言却西子而不顧斬宰嚭以謝三軍則江山之王氣猶存而東門之懸睛不抉矣言訖涕數行下予亦悵然而悲自姑蘇至毗陵曰常州自常州至京口曰潤州謁水府祠渡揚子江登金山見巨浪拍天鯨鯢出沒蜃樓駕空朱碧相照呼雲吸霧一息萬態紛紛紜紜不可名狀遂泐揚子江至儀真曰真州見江臯有魏然古宇長廊復壁間有所謂小龍之祠試造觀之有小蛇盤旋几案上朱鱗火髯目赫赫有異光尸祝指曰此非虻蝮鱗蝮之儔伍也喜則俯首搖尾僅可玩弄稍怒則搖撼坤輿翻海摧岳而後已所以艤舟而禱者袂相屬焉自儀真至維揚曰揚州自維揚至山陽曰楚州至淮陰登韓信廟使人扼吭太息思昔帶長劍游五陵俛首出惡少年跨下氣帖帖然不敢喘何其弱也及其登壇泐大將軍印虜魏豹滅項籍斬成安君泝水上名動諸侯南面稱孤又何壯也觀其用兵制勝神技鬼畫出入古兵法中言取楚三策如指諸掌何其智也烏盡弓藏豕死狗烹雲夢之擒未幾而死於婦人之手又何其愚也大

烏盡子藏死狗亨雲夢之補味幾而死於婦人之手又何其愚也大

丈夫抱超世絕俗之才負安時經濟之畧顧用不用何如耳自淮陰出  
龜山泛長淮入汴口曰泗州觀青蓮寶宇連榭曲榭雄視耽耽以窮土  
木之壯麗浮圖屹立若柱擎天委珍貝絕毛血騰踏道路動以萬計亦  
靈德忭懽於民而歸依乞憐者如是多也更念汴水者出於崑崙黃河  
之源濁浪奔馳自上而下與淮俱流數千里間清濁異色久則與俱如  
涇渭然遂念隋大業間煬帝所以浚闢使達于揚州者不過事游幸爾  
柰何錦帆未張而神器移膏血未乾而生民瘠天怨神怒假手于唐龍  
舟鳳楫鼓枻而回者不其無聊哉今則東南歲漕上給於京師者數千  
百艘舳艫相銜朝暮不絕蓋有害於一時而利於千百載之下者天以  
隋爲吾宋王業之資也遂上所謂黃金堤與友生對坐古柳下感今悼  
昔自泗州抵宿州歷南京至雍丘乃張許二公保障江淮之地也昔胡  
羯梟鳴腥我嵩岱哆然四顧有橫吞天下之志二公提孤兵挫強虜扼  
東南咽喉以江淮財用濟中興非古烈丈夫疇能哉吾見其悲風擊地  
林木心號意者南霽雲之喑鳴也古木蒼瘦怪石孤聳意者雷萬春之

壁立也殘陽滿地餘霞一抹則愛妾之血肉尚在也寒鴉悲鳴林鳥爭  
飛則侍童之精魂猶存也自雍丘至陳留乃漢張子房所封之壤也觀  
其以經世之畧出為王者師躡帝足而封韓信迎四皓以定太子功成  
名遂翻然從赤松子游可謂豪傑之士矣使當時僥倖一擊之勝以不  
貲之軀填餓虎口是與軻荆聶政朱亥郭解輩同為匹夫勇矣烏能垂  
光虹蜺哉然而悠焉遐鶩脫軒冕如弊屣則其所得有大過人者不知  
絕粒茹芝挹朝霞而餐之果能却老而不死乎所謂黃石公者吾意其  
隱君子尚得從而游乎又不知圯下兵符之書尚無恙乎鄙夫漢庭之  
臣甘心鼎鑊視死而不顧胡不謝去朝市而從子游也自陳留至大梁  
曰汴州始禹畫為豫周封為魏邶鄘之始都楚漢之戰場今為開封府  
是謂京師也思昔戰攻之初壯士之悲吟戰馬之嘶風九江舞陽按長  
劍而叱咤之地今則萬國之朝會集焉昔之鋒鏑交加兩虎並隅而相  
睨棘門刁斗羅黃幟而擁千刃以術掩襲之虞者今則萬方之玉帛赴  
焉昔之荒蹊斷塹猩鼯狐兔之窟宅朝風號而暮雨悲今則龍樓鳳

閣正玉繩而方紫極焉昔之白葦蕭蕭有螭頭馬鬣之象過其下者莫不酸鼻出涕今則龍池鳳沼集水戲而競娛樂焉以至虞韶夏濩犧琴瑤鐘者太常作也神虬龍馬氈麕龜貝者異方貢也天球河圖赤鴈白魚者瑞物賓也丹禁紫宇格熊裂豸者上林樂也黑鞞腳突騎勇也虎翼龍驤戰士躋也飛廡連袞居人繁也輦金橐王大賈至也樓櫓相望雉堞新也法象穹極帝門隆也鴈行鷺列百官入也龍墀日角天王朝也環流積餼置博上而列羣書則庠序之設嚴也重研負笈起草萊而叩帝閣則羣賢之樂而來游也至於其餘不可殫記雖班孟堅二京之筆左六冲三都之才楊子雲五柞之手與夫芝房寶鼎之作歌金馬碧雞之馳辯不可得而窮矣當使曳裾金馬門下出入承明廬中厠迹於賢公卿大夫之列庶幾觀朝廷之制作稔祖宗之故事尙能賦之覆醬甌貴紙價詎可必哉

宋 深源 游錄 敘太史東萊先生晚歲卧家深居一室若與世相忘

而其高覽山川收拾人物之意未能已也因有感於宗少文卧游之語

每遇盲人記載人境之勝輒命門人隨手筆之而日之曰卧游錄非直以爲怡神玩志之具而已嘗遺益國周公書曰近書新衙時初授毫譙州明道宮譙沛真源恍然在目若更十年不死則嵩之崇福究之太極華之雲臺皆可卧遊也觀此則先生故國之念未嘗一日去心卧遊之意抑又深遠矣此書未及成編而已迫夢奠後二十餘年先生之從子喬年既取卧游二字扁先生燕寢之堂復以是編屬東陽郭君淇書之且屬深源識其顛末深源曩待大愚先生見先生之愛玩是書也因請刻之祠中以惠同志觀者儻自得之庶幾遺意之尚可追乎

**宋洪景廬西山亭記**

天地發育萬物孳成于西故名山川多西今夫所

謂瑤池崑崙閬風玄圃日月之所避隱神仙之所窟宅正在流沙弱水外中州指爲西故其扶輿英淑之氣渙而宅之雖一巖壑一硯臺地無中邊亦莫不爾杭漢汝陰之西湖洪蜀永之西山嘉之娥眉巴陵岳陽之樓黃之臨臯金陵之賞心白鷺揚之平山吳之蘇臺茂苑荆楚之雲夢郢之白雪滁之瑯琊九江之庾樓皆延庚挹辛賓夕陽而導初月皎

夢野之白雲淙之瑯琊九江之度樓皆正庚挹子賓夕陽而導初月校  
奇品勝於登臨最宜

嶺南氣候不齊吾嘗云菊花開時乃重陽涼天佳月即中秋不須以口  
月為斷也今歲九月殘暑方退既望之後月出愈遲然予嘗夜起登合  
江樓或與客遊豐湖入栖禪寺扣羅浮道院登逍遙堂逮曉乃歸杜丁  
美云四更山吐月殘夜水明樓此殆古今絕唱也 寓惠錄

紹聖二年三月四日詹使君邀予游白水山佛迹寺浴于湯泉風于懸  
瀑之下登中嶺望瀑所從出出山肩輿却行觀山且與客語晚休于荔  
浦之上曳杖竹陰之下時荔子纍纍如芙蓉矣父老指以告予曰是可  
食公能携酒復來乎意欣然許之 寓惠錄

登州蓬萊閣上望海如鏡面與天 相際忽有如黑豆數點者郡人云海  
船至矣不一炊久已至閣下東披

熹少踈懶書史之外酷好山水今得為吏廬阜之下其山林泉石號為  
東南最勝固已私愜所願而去歲勞農山間又得所謂白鹿洞者溪山  
邃密林樾茂美尤有幽絕之致 文公與尚書劄子

宋本 蘇轍自王書 晉王右軍聞成都有漢時講堂秦時城池門屋樓

觀慨然還想欲一遊曰其與周益州帖蓋所致意焉近時呂太史有宗  
少文卧遊之語凡昔人紀載人境之勝爲一編其奉祀毫社也自以爲  
譙沛真源恍然在目視究之太極嵩之崇福華之雲臺皆將卧遊之噫  
嘻弧矢四方之志高人達士之懷古今一也顧南北分裂蜀在境內雖  
遠患不往爾往則至矣毫充嵩華視蜀猶爾封也欲往其可得乎然則  
太史之情其可悲也已予近得此記手寫一通與東京記長安河南志  
夢華錄諸書並藏而時自覽焉是亦卧遊之意云爾

趙季仁謂余曰某生平有三願一願識盡世間好人二願讀盡世間好  
書三願看盡世間好山水余曰盡則安能但身到處莫放過耳大抵登  
山臨水足以觸發道機開豁心志爲益不少季仁曰觀山水亦如讀書  
隨其見趣之高下

鶴林玉露

家藏太白墨蹟八字又太白象耳山留題云夜來月下卧醒花影零亂  
消人襟袖如濯魄於冰壺也此帖在雅州郡齋未知今存否然皆不可  
得見今觀其詞超出物表要自是太白口中語他人不能道也又樓虛

月白秋宇物化于斯憑闌身勢飛動非把酒自忘此興何極此亦太白語也見胡文穆廣雜著

余往年讀劉玄靖山栖志見所載紫岩靈岩勝槩分明如畫時正當

暑不覺涼颼生肘腋間何文定公跋其志有云想玄靖一時飛屐上

下千峯紫翠間左浮丘而右洪崖其風致猶前日也

浦陽人物志

荊州記載鹿門事云龐德公居漢之陰司馬德操宅州之陽望衡對宇歡情自接泛舟褰裳率爾休暢記沮水幽勝云稠木傍生凌空交合危巖傾岳恒有落勢風泉傳響於青林之下巖猿流聲於白雲之上遊者常苦日不周玩情不給賞記三峽水急云朝發白帝暮宿江陵凡一千二百餘里雖飛雲迅鳥不能過也丹鉛餘錄

余與會稽胡公謚聯舫北上次吳門酌毘陵菊酒雨滯朱方涉江登蜀岡以眺隋煬陳迹歷歷在目爲太息者久之乘月帆鬣社湖越呂梁宿彭城挹二蘇之芳風渡開沂濟沿衛河以趨平原歌吟亂棹謳揮洒趁帆蔭日以是爲樂

楊中修書

趙要夫與余談浙中山水之勝云瑤華洞最佳君往必宜游之後余至  
杭牽於公事但得到西湖上諸山及天竺靈隱而已然亦一認卽歸不  
復能得其味所謂瑤華洞者竟負君言不得游余可謂浴客矣 楊循吉  
關中山蓋著於南山歷慶率荒漠堆埼坡陀不可名紀惟平涼有崆峒  
臨洮有烏鼠積石河外有葱嶺崑崙斯古之名紀然崑崙固弗可睹矣

雍大記

水竹之間結一茅菴題曰面壁啜粥茹蔬以送昏曉無日不在是間也  
携家南來汎錢唐登草坪度分水嶺入閩游武夷諸峯徘徊歸宗巖皆  
滿向來山水之願宿病老態恨此行太晚也

輕舟軟輿上下山水間如在畫圖不知身是遷客也入閩尤勝大都丹  
厓碧潭隨處而有至於橫嶂絕壁倚天卓立白雲英英卷舒其下剗削  
點綴疑有神工鬼斧不可名狀每每忘返

清明時節樓船簫鼓行江南道中亦復奇勝三月三日渡江過儀真從  
陸抵環滁雨中望醉翁亭甚適自此渡淮泗遡黃河登太行陟上黨涉

沁橫汾入晉湯卽日料出鴈門入雲中歷覽長城之塞帥諸生較射慨  
然有北向燕然之志每當意會處未嘗不念東濱同之出巡將及千里  
往返山川有極往者大率太行西麓爲山西萬山中得一平曠有水處  
便立州縣城堞外四面皆山眞所謂萬疊雲屏也五臺尤靈恠而長松  
喬木高下森矗如虬龍肩輿只行樹稍也六月湏挾纈都無暑氣尚欲  
抵雲中觀漢武五將軍出塞之地上醫巫閭然後南還耳

夜歸宿山中晨起觀初日散影遙田滿地皆白雲以軟輿經過瀟漫  
霽俯見城郭此身眞在天上湏臾扁舟亂流如汎瀛洲還坐南榮映從  
兒子寫漢書一兩段方啜新稻飯一盃此樂恨不與東濱共之往時看  
海月宿百菊亭扁舟短服出沒浦雲荻花間與知己者奕棋飲酒比一  
思之恍如隔世

山居新作榭在王華之巔昨乘月登之殊有異境

棧道劍閣瞿唐巫峽水陸極天下之至險而寔亦天下之至奇

俱儼山集

溪上從游樂甚於今不忘自歸田廬取倡和之什觀之意未嘗不在仙

華山之間也天下山川可翫者多而可喜者少天下之士鄙陋者多

者少人之所遇役於事者多游乎物外者少聚而兼有三者其溪上之游乎

道出剡中行崇山絕壑間煙姿霧氣環擁疊出爛若霞錦東南之奇觀

也乃知靈運泰者良有所爲恨不得與執事同之但遜志齋集

始與親友別離憂慮盈心翹首縱目雖暫爲披豁而竟不能攬擷奇勝

與所游者相頡頏於編翰間以此愧古人耳

四月七日至長安又半月至寶鷄由寶鷄渡渭始入山歷棧道凡十日

以閏月一日抵漢中離家至此一百二十四日水陸幾千里蒙被國恩

例得舟車與妻子輩幸免徒步之勞途中過虎牢嶠函潼關之壯瞻華

嶽終南太白之秀觀周秦之故都弔賢君哲士之陵墓循漢祖就國之

故道追惟一時俊傑竒謀雄烈令人慨然而思惻然而感忘乎所經之

險所之之遠也第恨病餘才思拙澁不能悉見諸詠歌以發胸中之所

蘊以是慚負古人耳

方正學與盧希曾書

當其適意時或携節陟崇嶺看雲起卧石林聽泉瀑聲久則大笑而別

亭記

吾嘗絕江淮而北行登泰山而望之四方矣昔之英雄豪俊高車大纛

馳騁乎名都壯邑之中田夫巷婦嘖嘖隨而瞻望之以爲人神者皆是

百年以來唯見斷碑殘壘狐狸窟而烏鳶號其上豈非借之於造物者

復歸之冥漠之中乎 借竹軒記

尚語山靈待我東歸尚當約同志重游因歷覽海上諸山以盡宇宙之

大觀其樂蓋未艾也 俱巾山草堂記

濯大江以滌胸中之塵觀名山以窮天下之壯 上蜀王牋

大江之南衡嶽之東山之名者以百數博大雄奇吾得廬山焉 桑喬廬山疏

踰浙江以東多大山東南極海上尤秀絕其最著天台四明鴈蕩天姥

皆穿窿嵒峻爲天下奇觀

十五六時侍父北游濟上歷齊魯之故墟覽周公孔子廟宅求七十子

之遺跡問陋巷舞雩所在慨然有願學之志嘗在郡城會集林張陳四

君子登巾山絕頂縱談千古竟夕不寐自以此樂乃蘇子瞻死後三百年所無也

方正學事狀

**明王鏊游名山記**

吾少也有四方之志思欲如司馬子長縱游天下

以大吾觀及官侍從地近職親雖燕南諸山未獲數至焉今茲告歸謂可如志而耄及之雖吳中諸山未及徧游焉靜言思之蓋未嘗不以爲嘆玄敬乃能以使事聘四方旣月終南之巔過首陽挹夷齊之高風登華山弔希夷蛻函登嵩山憇少林寺濯驪山溫泉入王屋扣司馬子微之扃三門砥柱龍門伊闕皆極天下壯觀近如兩京畿甸諸山皆遐探遂討搜竒抉怪而又能以文字發之讀名山記雖不識其地若身至其地者可謂善游而能言者矣然吾與玄敬約如天之福假我以年吾方與子北游長江觀廬山瀑布沅湘上岳陽樓望衡岳窺瞿唐三峽歷劍閣岷峨入關中覽秦漢故都還登秦岱慨想七十二君之遺封南出武林觀湖江潮上會稽探禹穴佇子陵釣臺歷天台雁宕至武夷歛羅浮上韶石望蒼梧九疑而還子肯從吾游乎雖然太湖有山焉是爲洞

天福地願子先之

明徐禎卿重與獻吉書僕以攝提格之歲仲春南徂出齊魯之郊經淮  
沛之墟直視平原蕭條千里于時雉雖於野麥秀油油瞻日月之勤感  
東山之嘆雖脊眇傷神未足以振心而惕慮也旣而道指東吳彷徨故  
都棲棲焉若仲尼之去魯也乃遵錢唐薄眺會稽控湖山以爲郭環江  
海以爲池昔日神宮嶢闕椒房綺榭之餘或歸然於魯甸徒彷彿於丘  
夷顧瞻周道不能不爲之興哀也傍引桐江之谿遡澗富春之渚豈惟  
望風而思其人抑可以樂焉而終其身矣又西南行渡穀水陟常山越  
餘干沿弋陽山谿澗沚之濱玉水澄澈則有參差之毛丹碧之石遊鱗  
翔泳白鳥棲止可以瑩神而悅心也橫涉彭蠡仰瞻廬嶽其波濤則騰  
涌奔伏噴薄日月其峯嶂則盤迴峭絕亘接霄漢香爐五老之形瀑布  
青峽之觀特爲卓詭靈芝異草彌山布谷金符玉冊窮幽極玄信赤霄  
之神都老氏之玄宮也又西遡九江南望全楚與夫扼巴蜀之喉舌據  
吳會之上流通五嶺之門戶接雍梁之要樞此其大勢也若乃鎮以衡

陽之阜表以武當之山五峯森拔三門凌啓雲霞絢繪紫氣燭耀其中  
四候蚤暮七曜運行往往與人間殊別爰有黃金之堂白玉之祀琉璃  
爲鋪檀桂爲柱制侔天居勢轍海嶽目所希見窈窕難說又有江漢之  
波沅湘之流洞庭之湖雲夢之澤千條萬派混原同塗縱貫脉理經帶  
其間極壘浩漫際天薄海陽春獻而百草芳涼風至而兼葭落猿子噉  
蕭鴻鴈成羣魚龍倏忽暘晦互分可以觀天地之變化驗時序之榮悴  
也故徵水族之饒萃材木之珍論舟楫之利及畋魚之樂九州之內未  
有踰於此者也然其民俗苦瘠尚利薄義戶無困廩之食人無相固之  
心雜以山夷輕躁易動非久安長治之國又其山川包絡四要固用武  
之場聚爭之地也故東望樊口則慕周瑜之雄西顧峴山則感叔子之  
惠載觀荆門則悲昭烈之績極眺中原則痛武穆之忠山河昔是人物  
已非心傷嘆矣悽其漣如嗟乎死生命也理亂時也命有矣而志無涯  
時可遘而身不逮此屈原所以流亡於江夏賈誼所以憂傷於長沙者  
也所賴豪賢發憤映帶礪以垂名章縫樂道假竹帛以昭志生人之業

庶爲不朽耳僕自惟無卓犖之材寡礪錫之川進不揚眉於天下退不能甘心於一壑徒放情於江海之間抗志於宇宙之表將以搜竒獵秘咀華納靈則水土而函蘊法景曜以摛文聊希子長之風庶幾虞卿之志乃知干役之云豫茲遊之豈徒哉惟是足下與吾同懷遭時齟齬良圖弗遂抱膝空林之中棲神窮跡之境雖槍榆之爲樂固知大鵬之逍遙也故聊述其畧以當抵掌方有簿牒不盡所言

明唐寅

覽勝序

吾黨袁臣器少年氣逆温然王暎蓋十室之髦懿

也弘治丙辰五月忽詔然理篙楫北泝楊子歷彭城漸于淮海抵大梁之墟九月來歸乃繪所經歷山川陵陸并衝隘名勝之處日夕展弄目游其中予忝與鄉曲得藉訪道里宛宛盡出指下蓋其知之素而能說其詳也予聞丈夫之生剡蒿體揉柘幹以麗別室固欲其遠陟遐舉不齷齪牖下也而愿慙者懷田里沒齒不窺闥閤曰世與我違耳與菑木委灰同棄雖有分寸而人莫之知也后世因莫之建白也是余固欲自展以興而頽然青袍掩脛馳鴛士伍中而身未易自用也雖然竊亦不

能久落落于此臣器新從魏地來今不知廣陵有中散之遺聲歟彭城  
項氏之都也今麋鹿有幾頭歟黃河故宣房之基在否歟大梁墟中有  
持盃羨爲信陵君祭與無也臣器其爲我重陳之余他日當參驗其言  
見本集

知章一代異人天機卓絕不入名法轍迹而放意縱適超詣縣解無道  
心蓬塊至於風情所寄托於言者則妙絕玄奧浩浩乎放乎南溟不知  
其津涯所際也當時所見者知晚年尤縱誕無復規檢極飲狂肆豈知  
道假顛頡者亦自有本來制度者元和己亥知章已百年矣往來會稽  
武夷吳興山水間以藥爲市人賴以濟祖貫嘗於天台授其斷穀卅經  
其論有理非常時道家流所說也貫得其術九十六年而言知章猶在  
世間然則誠得仙矣

廣川畫跋

蘇子瞻志林有三江味別之說蔡傳深非之然以禹貢本文論之楊江  
言三江旣入而於經言江漢朝宗於海則同流而自爲道可知矣許敬  
宗謂濟入河泆地南出亦以味別以今楊子江心有南零比零之異則

宗謂濟入河狀地南出亦以味別以今楊子江心有南東北零之異則知其入而不合正不疑也古有五行之官水官得職則能辨其性味潛而復出合而更分皆可辨之故師曠易牙俞兒張華王劭陸羽張又新劉白芻李季卿品天下之水性味不同蓋古水官之遺法豈獨爲口腹哉蘇子之說蓋本於此味別之說恐不可廢沈蔡氏於後章之傳亦性別鹹苦之說何獨怪蘇子哉

又考郭緣生述征記緣生於河上過一書生問之曰何知濟與河上源不異物之不同猶鉛錫也比濟旣入於河性與河別不能合混滲漉入地伏行而溢爲滎爾今之歷下發地悉是流水濟所過也東阿之井濟所溢故今阿膠上濁住吐下膈踈痰正以性趨下清而且重故治於濁逾上之病譬如油之與水固不同情九夏之辰冷熱之風亦各爲隊豈必謂無水過水哉涇渭分曹南北異零此理不少鄭樵謂山過山則分水過水則合世無山過山水過水之理謂漢入於江其文止此有脫文況入於河其文亦止於此而溢爲滎之上當更有導汎水數句說經不通不以爲脫必以爲誤此書生之竺疾也慎嘗關其說云山過山則分

雖分而性不分如羅浮二碣以風雨而合離蓬萊兩山隨波濤而上下  
玄中記云名山有孔竅相通是也水過水則合雖合而性不合沈括云  
水以漳名者從水於章章者別也文也謂兩物相合有文章可別也清  
漳濁漳合於上黨當陽者沮漳合流也灑上者章貢合流也鄣郡者西  
江合流也壘漳者漳渦合流也雲夢者漳鄖合流也凡此數處皆清濁  
合流色理如蠅蝮又數十里如璋璋者判合之器也白公問於孔子曰  
以水投之何如孔子曰淄澠之味易牙能知之斯固味別之說也蔡氏  
之譏蘇子亦過矣

或問余水味之說則詳矣水性之別何如曰班固司馬遷貨殖傳地理

志備矣論其極則庭州瀚水金鐵皆漏庭州瀚水在大荒之外以金鐵

夷山中有流水亦知之 廊延之川日夜脂流廊延安石油也以爲煙墨松脂不及

陽弱水弱毛黑溪玄髓商荒黑有溪水其水以塗水象至輒不去崑崙

之象摩弱水弱毛黑溪玄髓兒以塗身即能乘象如家畜占所謂黑崑崙今

奴也之象 悉唐制角畔怯腐手經見佛 水性不同有如此者學所以貴博物也  
司馬子長自敘云上會稽探禹穴此子長自言徧遊萬里之目上會稽

總吳越也探禹穴言巴蜀也後人誤解遂言禹穴在會稽按蜀之石泉縣禹生之地其石沓深人跡不到古碑有禹穴二字李白所書也古人作文決不重複如禹貢曰雲土夢作又雲在江南夢在江北以五言而括千餘里又曰蔡蒙旅平蔡在雅州蒙在雲南亦四字而括千里餘蔡沉等繆云蒙在雅州誤矣

潞有東潞西潞西潞今山西潞州東潞今北京潞河潞有南潞北潞北

潞琅琊靈門南潞在九疑零陵雲夢有南夢北夢見左傳註

俱丹錫錄

羅咸嘗受薦使西域由汴道秦入巴蜀出納口歷滇池逾乾崖緬里之地又轉而之陰山過古輪臺放靈州抵瓜州縱觀先代遺跡乃歎曰子長之遊不過是也於是沿朔涉代遵幽薊畧燕趙而歸作西遊錄凡山川人物花木鳥獸與夫土地所宜風俗所尚靡不畢識

羅氏族譜內傳

崑崙天下山之頂也迺天下山之至高處山之起勢處其東面中原也所以江淮河濟水皆東流也其西面西域諸國也自流沙以西水皆西流也南自吐蕃兩廣水皆南趨也北即沙漠又天下岡脊至高之處直

北虎林至海都木鉢子田地地勢又逐漸而低水皆北流南視陰山之  
地反為極南之境矣以此觀之地形如一亭子中高而四方下崑崙乃  
其結頂處四下之簷乃四方之國土考其流水可見必皆會同於四海  
草木子

三月辛丑同徐靖國至愚溪過羅氏脩竹園入朝陽洞蔣彥回陶介石  
僧崇廣及余子相步及余於朝陽巖裴回水濱久之有白雲出洞中散  
漫洞口咫尺欲不相見

山谷集

圖

天水張茂先南昌黃魯直弟叔向建中靖國三年丁卯同來時新雨晚  
晴同登鍾閣觀白塩之崇嵒想少陵之風流歎大雅之不作徘徊久之

山谷題周  
陵寺碑

朝奉郎新當塗守黃庭堅於崇寧元年四月丁未來謁叔元晚登秀江  
亭澄波古木使人得意於塵垢之外蓋人閑景幽而奇絕耳

山谷集

韓城元丰雙井黃庭堅同游石門霜清木落山川高明掃逕上冠雲可  
以志歸

山谷石門寺題名

楊億至道中知處州與李起居書郡齊迥在霄漢石磴盤曲策馬征登  
嵐靄滴衣烟霞滿目

余往歲登山臨水未嘗不諷詠王摩詰輞川別業之篇想見其人如與

並世 黃山谷集

歐陽率更鄱陽帖亦翰墨中異人也繫舟樊口蕭散於寒溪西山之上

携此書往來研味髣髴見古人 山谷別集

周走數千里外踰閩嶠泝劍川竝朝陽南海之涯出庾嶺下已乃浴章

貢奏廬陵道淦水以望豐城繇撫信衢巖入干吳中少留錫山冢舍航

漕渠瞰浙江之濤窺禹穴徑剡谿循天台路以還五六年轍跡半天下

山行野宿登高望遠慨然想見古人而尚友於千載 瀟慶集

唐李太白周覽四海名山大川一泉之旁一山之阻神林鬼冢魑魅之

穴猿狖所家魚龍所宮往往游焉故其為詩踈蕩有奇氣 瀟慶集

去年夏中因飲淦水甚甘問之有一土泉在城東百步許遂往訪之乃

一山谷中山勢一面高峯三面竹嶺回抱泉上舊有佳木一二十株乃

天生一好景也遂引其泉為石池甚清甘作亭其上號豐樂亭亦宏麗  
又於州東五里許靈溪上有二恠石乃馮延魯家舊物因移至亭前廣  
陵韓公聞之以細芍藥十株見遺亦植於其側其他花竹不可勝紀山  
下一徑穿入竹篠蒙密中豁然路盡遂得幽谷歐陽永叔與梅聖俞書

承諭以嵩山之游豈勝跂羨此樂常為山人處士得之衣冠仕宦比其  
汲汲得如其志不老則病矣雖有登臨之興勉強而為之已不勝其勞  
也若神完氣銳惟意所適如公之樂者百無一二人也歐陽永叔與郭

彭城佳山水魚蟹爭訟寂然盜賊衰少聊可截拙寓居去江無十步風  
濤烟雨曉夕百變江南諸山在几席此幸未始有也東坡與司馬溫公

詩編多寫洞庭君山境物讀之超然神馳於彼矣所居臨大江望武昌  
諸山如咫尺時復乘舟縱游其間風雨雲月陰晴蚤暮態狀千萬恨無  
一語畧寫其髣髴耳東坡簡上官長

遷居江上臨皇亭甚清曠風晨月夕杖屨野步酌江水飲之想味風義  
以慰孤寂東坡與朱康叔

明盛...送廖山大還豫章屋廖山人一日過予秦冠楚服飄飄平塵

埃之外予乃挈之由金阜出石岫泛韓江上流登玉華東西兩峰之絕  
頂俯瞰巨海晚而休于獨松之廬時皓月初出山虛夜靜少飲披衣共  
步以石擊廬左投龍洞中若有神物哮嗥之聲相與驚恠不敢復回廬  
側遂尋舟順流而下泊于越王走馬埭下山人謂予曰子游江湖升廊  
廟日談月評得乎山川之名文物之英當為予第之予曰天壽之山龍  
翔鳳舞自天而下其旁諸山則玉帶軍都連亘環抱銀山神嶺羅列拱  
護勢雄氣固以莫皇圖鍾山龍蟠石城虎踞颯颯乎大江之險汪汪然  
彭蠡之湖地控三山洲分白鷺惟茲形勝寔南北之兩都者次則太華  
少華芙蓉明星鴻門之坂長平之坡漆沮水涇河渭河四塞之國關  
中奧區太室少室嶢嶢之瀆左伊右瀍昔河沂洛嶽崆函嶠天壇王屋  
偉哉周南中華之域太白之山大明之湖三觀岱宗二門天啓石閭梁  
父云云亭亭憑山負海臨漳枕津太公用之而富管氏資之以興蒙羽  
東峙鉅野西馳尼阜鍾靈泗源萃氣乃玄聖之所生實速肖之闕里反

夫祝融紫蓋之蜿蜒君山洞庭之吞吐金焦京口之竒天目吳越之秘  
青城玉壘雲烟之外匡廬厭原星辰之裏五羊之羅浮八閩之武夷若  
斯者皆韞乾坤之精英萃萬有之神竒吾子亦曾盡得千載未探之玄  
而間可泄之機歟山人起而謝曰是乃宇內之大觀吾微夫子之言幾  
何不爲損彈於栗林而墮於虞人所諱之地耶乃相視撫掌大笑不覺  
江雷歛晴東方向曙矣遂別去

間與二三友携酒壺出由白鹿城登華蓋山持盃浩歌聲振林木或擢  
短舸具笮簪垂綸於江水中或呼小奚奴相隨行吟夢艸堂上詩句不  
逼古人不欲休當其適意時乾坤空闊竟不知榮辱之代遷而寒暑之  
往來也

宋學士集水北山居記

孟秋避暑靈山宮七日甫至見山峰峭拔滴泉飛流越夕雲霞爭變風  
雨橫天亦竒矣山房橫入半石爲題與木石居四字終日靜坐清風灑  
然近菴殘稿

禹曰天下名山經五千三百七十山六萬四千五十六里地也言其

禹曰天下名山經五千三百七十一山六萬四千五百六十六里地也言其

五減蓋其餘小山甚衆不足記云天地之東西二萬八千里南北二萬六千里出水之山者八千里受水者八千里出銅之山四百六十七出鐵之山三千六百九十此天地之所分壤樹穀也戈矛之所發也刀鍛之所起也能者有餘拙者不足封於太山禪於梁父七十二家得失之數皆在此內是謂國用

山海經

穆王享王母于瑤池之上賦詩往來辭義可觀遂襲崑崙之丘遊軒轅

之宮眺鍾山之嶺玩帝者之寶勒石王母之山紀跡玄圃之上

郭璞山海經序

穆王駕八駿之乘右服盜驪左驂騶耳造父為御韓戎為右萬里長騫

以周歷四荒名山大川靡不登濟東升大人之堂西燕王母之廬南躒

鼉鼉之梁北躡積羽之衢窮歡極娛然後旋歸

同上

怡然長咲脫去十洲三島相期拾瑤草吞日月之光華共輕舉耳

東方朔與

友人書

望聞烏氏有龍池之山微徑南通與漢相屬其旁時有奇人聊及閒暇

廣求其人

方望辭隗囂書

存名山記

總錄名書

三七一

比嘗與安石東游山海并行田視地利順養閑適衣食之餘欲與親知  
特共懽讌雖不能興言高詠銜杯引滿語舊里所行故以為撫掌之資  
其為得意可勝言耶 王羲之與謝萬書

余別業在輞川山谷其遊止有孟城坳華子岡文杏館斤竹嶺鹿柴木  
蘭柴茱萸泝宮槐陌臨湖亭南坨歌湖柳浪藥家瀨金屑泉白石灘北  
坨竹里館辛夷塢漆園椒園等與裴迪閑暇各賦絕句云爾

晉晉鑿齒登萬山與謝安書曰西望隆中想卧龍之吟東眺白沙思鳳  
雛之聲南眷城郭懷羊公之舊風北臨楚墟存鄧老之高蹤游目檀溪  
念崔徐之交肆覽漁梁追二公之迹若乃裴杜和傳之故居繁欽王粲  
之舊宅遺事滿目 襄陽耆舊傳

仰承縱賞山中游心人外徃而忘返有會昔言牽物從務無由獨徃仰  
此高蹤才心如結 梁簡文帝答廣信侯

暮春美景風雲韶麗蘭葉堪把沂川可浴盡游玩之美致足樂耶 梁簡文答

初東王書

性愛山泉頗樂閑曠雖復服膺堯門情存魏闕至於一丘一壑自謂出處無辨嘗頓卜居幽僻屏絕喧塵傍山臨流面郊負郭而王畿陸海畝號一金涇渭上膏豪傑所競此園左帶平湖修陂千頃右臨長薄清潭百仞前逼通陌朝夕爽塏後望鍾阜表裡煙霞每勝春巡夏華卉競發背秋向夕雲物澄霽歸瞰戶牖不異登臨升降堦墀已窮歷覽

張續謝東宮賚

園啓

據虎之岫川途不遙翔鷺之濤風煙相接必願振忍辱之衣赴翹勤之望

王暕與智叅書

虎丘山者吳嶽之神秀者也雖復峻極異於九天隱磷殊於太乙衿帶城傍獨超衆嶺控繞川澤順絕群岑若其峯崖刻削窮造化之瑰詭絕澗杳冥若鬼神之髣髴珍木靈草瓊林碧葉飛禽走獸茂義膺仁是以歷代高賢輕舉栖托梵臺雲起寶刹星懸自非玉牒開祥金精蘊耀豈其神怪若此者乎

張種與沈炯書

三江五湖洞庭巨麗寫長洲之茂苑登九曲之層臺山高水深雲蒸霧

吐其中之秀異者實虎丘之靈阜焉冬桂夏栢長蘿修竹靈源秘洞轉側超絕遠澗深巖交羅戶穴

沈炯答張種書

周游名山看望八海回翔五嶽休息洞室樂林草之垂條與鳥獸而相

激川瀆吐精丘陵翦鬱弋釣長流遨游玄籟靜心山岫念真養氣

泊子別蘓林

始得優游山林之下縱心孔釋之書觸興為詩陵峰採藥服餌蠲痼樂

有餘也

帛道猷與道壹書

自到靈溪泰然心意高低峯頂振錫當游石室巖龕拂巾宴坐青松碧

沼明月自生風掃白雲縱日千里名花異果蜂鳥銜將猿嘯長吟遠近

皆聽鋤頭當枕細草為羶世上崢嶸競爭人我心未達方乃如斯儻

有寸陰願垂相訪

胡禪師召玄覺大師山居書

敬想結廬人境植杖山阿林壑地之所豐煙霞性之所適蔭丹桂藉白

茅濁酒一杯清琴數弄誠足樂也

杜之松與王績

入峭峽安居溪伐木溪源幽邃林嶺相映石竒致

陳子昂詩題

司空圖侍郎舊隱三峰天枯末移居中條山王官谷其谷周迴十餘里

泉石之美施于此山此巖之上其瀑水在瓶谷中沈良曰收質三

泉石之美冠于此山北巖之上有瀑水注流谷中溉良田數頃至今爲司空氏之莊宅子孫猶存

賈氏談錄

唐沈全明峽山寺者名隸端州連山夾江頗有奇石飛泉迴

落悉從梅竹下過渡口至山頂石道數層齋房浴室眇在雲漢神龍二年夏六月余投棄南裔承恩北歸結攬山隅周謁精舍爲之賦焉

贊皇公平泉莊周迴十里構臺榭百餘所今基址猶存天下奇花異草珍松怪石名品甚衆各爲洛陽城族有力者取去唯禮星石及獅子石

今爲陶學士徙置梁園別墅

賈氏談錄

是來也余黜於徐州將西居於洛陽汎舟於清冷池泊於文雅臺下西望高立東望修竹園入微子廟求鄒陽枚叔司馬相如之故文人立於廟陛間悲那頌之不作於是者已久隴西李翱太原王涯上谷侯喜實與同焉

韓愈題李生壁

楚北有山者即禹貢所謂岐東之荆也巖崑高敞可以遠望余簿領之暇蓋嘗游斯俯鏡八川周瞻萬里悠悠失鄉縣處處盡雲煙不知悲之

所集也 李嶠楚望賦序

山行良佳少留龍門賞雪無遽歸也

錢惟演與謝希深諸君

西北則行陳蔡譙苦與睢汴淮泗出千京師東方則絕江舟漕河之渠  
踰五湖並封禹會稽之山出于東海上南方則載大江臨夏口而望洞  
庭轉彭蠡上庾嶺繇真陽之瀧至南海上此予之所涉世而奔走也蛟  
魚洶湧湍石之川巖崖莽林羆虺之聚與夫雨暘寒燠風波霧毒不測  
之危此予之所單遊遠寓而冒犯以勤也 曾南豐學舍記

廣陵嘗得明公鎮撫民俗去思未遠獨平山堂占勝蜀岡江南諸山一  
目千里以至大明井瓊花二亭此三者拾公之遺以繼盛美爾汝陰西  
湖天下勝絕養愚自便誠得其宜 歐陽修與韓忠獻書

宋景文公筆記云仲厄登泰山見七十二家字各不同

春色遂爾藹然草木魚鳥各有佳意廣陵多登臨之美臨風把盞所得  
故應不貲 秦觀簡邵彥瞻

臨川山水佳絕別墅又領其高要情思超然獨擅一壑每讀九章想見

其處而以不得從杖屨一快同心該目之觀以為良也 蘇觀與張右丞

其處而以不得從杖履一快洞心駭目之觀以為恨也

孫觀與張右丞

膠西東並海南放于九僊北屬之牢山其中多隱君子可聞而不可見

蘓東坡蓋公堂記

鍾陵舊國故都江山雄竒天下絕境部使者風采震疊百城而有方外

之樂一行作吏豈復有一適如公者乎

孫觀與無為道守

管子曰凡天下名山五千二百七十

東郡領郡十六而山川瑰竒資中為之甲資中勝游十數而北巖又為

之最

宋京北巖記

棲賢石橋不為混沌氏之所設非工能之開先瀑不可量其高遠奔騰

傾涌若决星漢此尤天下之勝處世間不復更有之絕觀也

文與可妙明菴記

嶠南山水竒絕多異人神藥先生不畏嵐瘴可復一游則小人當奉杖

屨以從矣

東坡與劉宜翁

扁舟草屨放浪山水間與漁樵雜處往往為醉人所推罵輒自喜漸不

為人所識

東坡答李端叔

鬱孤臺在麗譙坤維隆阜鬱然孤起平地數丈冠冕一郡之形勝而襟帶千里之江山唐李勉為虔州刺史登臨北望慨然曰余雖不及子牟而心在魏闕一也鬱孤豈令名乎改為望闕

新居在大江上風雲變態足娛老人也與毛澤民

雪霽清境發於夢想此間但有荒山大江脩竹古木每飲村酒醉後曳杖放脚不知遠近亦曠然天真與武林舊游未見議優劣也荅士言

胸山臨海石室信如所諭前軾嘗携家一游時家有胡琴婢出又中作

渡索涼州凜然有水車鉄馬之聲與蔡景敏

漁游浦陽仙華山問思齋舊游處見其石壁題名尚隱隱可辨故老云

思齋與方鳳謝翺無月不游游輒連日夜宋漁吳思齋傳

究心老莊保愛性命江湖乘興漲則不舟雅好雲嶠苔滑磴危鮮不緩

却此僕大畧也王廷陳寄余懋昭

班馭既仙東南洞天曼隔塵世羨慕之極不能為情李東陽與王濟之

文惠公守臨江首訪先大父王笥隱居適公客何時先生亦自臨川來

會相與入紫霄巖登九仙臺賦凌雲之篇悲歌忼慨聞者悽愴山中人  
至今傳之 曾魯題西臺記後

平生山水稍癖待明年服闋後采藥羅浮訪醫南岳上下黃龍洞嘯歌

祝融峯少償夙願 陳獻章荅李憲長

秋且盡矣拉何山人駕扁舟出扶胥口東望羅浮鐵橋之勝遂登飛雲

訪朱明洞天此其時乎近藁十數錄別紙早晚東游則此紙或可隨行

有至飛雲頂且令從者歌之為我通一語於山靈也 與左行人

從上震入四明觀白水尋龍溪之源登似錫至於雪竇上千丈巖以望

天姥華頂若可睹焉 王守仁與黃宗賢

久不挹碧梧翠竹之姿時入懷抱鑑湖風月無恙否雲霞出海其樂何

如校多病杜門聊以拙自脩時出觀化俯仰宇宙氤氳寥廓欣然會心

物我俱忘虛名在人間世譬猶閒雲在大浮漚在海聚散起滅何常之

有 魏校荅黃起亨

今春長居墓田舊時草堂移入山中數舍四面竹松前通古道可步尋

諸寺後有崇岡飯食一登南對牛峰石嶺西望大江令人灑然忘死麟  
與陳魯南

自抵家削迹荒村與野老無別天下將太平吾輩耕巖釣海何適不樂  
秋末天台諸友欲往少谷遂為羅浮之行非漫說也鄭善夫荅倪宗正

分當縱放山水間近者臨安天目富春巖灘遠則天姥赤城一一游之  
陶朱五湖子長萬里豈獨昔人耶九日有客期登碧巖聞此地有瀑水

數十丈殊可觀公嘗游否表表復劉司空

鄙人茲歸請家君倘果五岳之志則武夷天台之上有丹竈在焉足下  
能早遂初服僕將遣白龍而候之浮世紛華已盡耳目即使白頭于此  
亦何佳况宗臣報張助甫

金陵多佳麗之地如牛首諸山棲霞諸寺皆號稱殊絕公暇日曾一臨  
眺否標品所加澤及林木自非巖棲者之比也近兩經華陰瞻望三峰  
縹緲煙嵐如在天上不知公之足跡已嘗一躡其巔矣誦虎谷費我招  
呼總不聞之句令人目眩而心惛豈洞天福地類非分緣淺薄者所能

至邪 朱應登東喬白巖

夫情以物感而心由目暢非歷覽無以寄杼軸之懷非高遠無以開沉鬱之緒是以騷人發興於臨水桂史詮妙於登臺不其然與

李嶠楚望賦序

去國十五年重游太平堤上湖山如畫如夢樹木日以茂盛矣而知已益稀堪以話此者惟樾岡耳

李立卿

金陵勝地玄武尤號佳絕兩岸湖山蒼翠隱映領取乾坤生意透入園扉燕笑滿堂豈復有向隅之泣惟時王宇澄霽潦水盡而寒潭清煙光凝而暮山紫此長空與吾掛畫也天趣逸發其樂只且

魏校與周伯明書

泰山之上有日觀峯者夜半可以眺而見浴日彌望如鋪金者海也綠色微茫中有若掣電者海島溪山相間也金色漸淡日輪浮動水中如大王盤適海濱望而見海口是矣登天台之巔曰華頂者乃知此特小海耳諸山環列外乃為大海文公嘗同南軒登衡山絕頂晨起遙見霧氣在下若大瀛海海遠山高者僅露其頂有飛動之勢自謂天下奇觀吾嘗以問彭石屋荅曰我以為混沌也太山有日觀者觀日於未出也

有月觀者觀月於已沒也長安觀者西望秦間諸山也越觀也者南望  
 會稽諸山也衡山有七十二峯亦有日觀月觀不及泰山者當卯位也  
 長江萬里人言出於岷山而不知元從雪山萬壑中來山亘三千餘里  
 特起三峯其上高寒多積雪朝日曜之遙海晃若銀海杜子美草堂正  
 當其勝故其詩曰窓含西嶺千秋雪正足謂也 莊渠書

覽賓之此錄其間在南都時登臨題詠尤崇臺榭古廟幽亭與乎仙  
 宮佛廬之映帶乎江山者皆予舊所經游而裴徊者也閉目了然殊深  
 東坡龍井之歎 吳寬跋李賓之北上錄

始登崑崙峰晚過何山飲僧舍詰朝與客由支硎過禪關度西嶺萬松  
 間遂入天平謁忠烈廟既乃飲白雲泉扣大小石屋望龍門而歸 鮑翁集  
 休寧佳山水縣北松蘿山其勝處不減蘭亭武夷縣西齊雲巖尤其絕  
 與武當相雄長縣東古城巖石門天險庶幾仇池而縣南紋溪之水澄  
 碧如帶沿溪上下石人峯落石臺玉几山諸可以登涉釣游處至不可

名狀 篁墩集

吳中多湖山之勝予數與沈君啓南往苻其盟无勝處輒有詩紀之然

不若啓南紀之于畫之似也吳寬跋沈周畫

穆天子傳七萃之士生博虎而獻天子命為神而畜之東號是曰虎牢

四嶽三塗陽城太室荆山中南九州之險也是不一姓左傳司馬侯晉侯

博物記曰河東有山澤近鹽沃土之民不才漢興少有名人衣冠三世

皆衰絕也

古之至人假道於仁託宿於義以遊逍遙之虛食於苟簡之田立於不

貸之圃逍遙無為也苟簡易養也不貸無出也古者謂是采真之遊

東陽記太末縣龍丘山有九石特秀林表色丹白遠望盡如蓮花龍丘

菴隱居于此因以為名其峰際復有巖穴外如窓牖中有石林巖前

有桃樹其實甚甘非山中自有莫知誰植東漢郡國志註

齊桓公稱曰寡人南伐至召陵望熊山北伐山戎離枝孤竹西伐大夏

涉流沙東馬懸車登太行至卑耳山而還吾欲封泰山禪梁父

楊佺期洛陽記曰河東鹽池長七十里廣七里水氣紫色有別御監四

面刻如印齒文章字妙不可述

谷口去雲陽宮八十里流潦沸騰飛泉激洒兩岸峭壁孤豎橫盤凜然

凝洹每入穴中朱明盛暑當晝暫暄涼秋晚候緼袍不煖所謂寒門

也漢世以為避暑之處

雲陽記

陸魯望云金華山枝峰蔓壑秀氣旁魄不啻神僊登臨

海山微茫而隱見江山嚴厲而峭卓溪山窈窕而幽深塞山童頽而堆

阜

鞏氏耳  
目志

春山淡冶而如笑夏山蒼翠而如滴秋山明淨而如粧冬山慘淡而如

睡

郭熙

余書峩眉山寺簡板曰奇勝冠三蜀震旦第一山劉東阜云不如以王

右軍崑崙伯仲地易奇勝冠三蜀

藝林伐山

東夷有識山川者徧禮五嶽一拜而退惟入關望華山自關西門步步

拜禮至山下而望歎詫七日而去謂京師衣冠文物由此而至

唐語

晉王弘之雅好山水始寧沃川有佳山水弘之依巖築室謝靈運顏延

晉王弘之雅好山水始寧沃川有佳山水弘之依巖築室謝靈運應延  
之並相欽重靈運與廬陵王義真牋曰會境既豐山水是以江左嘉  
遁並多居之至若王弘之拂衣歸耕踰歷三紀孔淳之隱約窮岫自  
始迄今阮萬齡辭事就閑慕戎先業既遠同羲唐亦激貪厲競若遣  
一介有以相存真可謂千載盛美也

謝子卧疾山頂覽古人遺書與其意合悠然而笑曰夫道可重故物爲  
輕理宜存故事斯忘合宮非縉雲之館衢室豈放勛之堂邁深心於  
鼎湖送高情於汾陽嗟文成之却粒願追松以遠遊嘉陶朱之鼓棹  
迺語種以免憂判身名之有辯權榮素其無留孰知牽犬之路既寡  
聽鶴之塗何由哉

山居賦

石傍林而插巖泉協澗而下谷淵轉渚而散芳岸靡沙而映竹草迎  
冬而結葩樹凌霜而振綠向陽則在寒而納煦向陰則當暑而含雪  
連岡則積嶺以隱嶙舉峯則羣竦以巖嶻浮泉飛流以寫空沈波潛  
溢於洞穴山中兮清寂群紛兮自絕周聽兮匪多得理兮俱悅愒  
層臺兮涉雲根坐澗下兮越風穴在茲城而諧賞傳古今之不滅

廣滅景於崆峒許遁首於箕山愚假駒以表谷有隱巖以舉芳萊蒙  
庇以織畚皓樓商而頤志卿寢茂而敷譎鄭別谷而求逝梁去霸而  
之會高居唐而胥宇臺依崖而穴墀同上

曩余泛舟武昌登盤龍磯以望西山則見長江蜿蜿蜒蜒而來兩峯  
秀結嘉樹鬱蒼雲氣冉冉墮山水間令人意興超忽未嘗不想昔游  
之勝而嘆九曲之蕪也喬世寧

謝靈運游名山志序曰夫衣食生之所資山水性之所適今滯所資之  
累擁其所適之性耳俗議多云歡足本在華堂枕巖漱流者之於大  
志故保其枯槁余謂不然君子有愛物之情有救物之能橫流之弊  
非才不治故有屈已以濟彼豈以名利之塲賢於清曠之域耶語萬  
乘則鼎湖有縱轡論儲貳則嵩山有絕控又陶朱高揖越相留侯願  
辭漢傳推此而言可以明矣

元王暉游釣臺詩序至元十六年己丑歲仲冬九日予自桐廬舍鞍鼓  
枻取道嚴瀨艤舟祠下登拜遺像肅如也因留詩招隱柱間入客星

閣眺羊裘軒降觀釣臺書院山光叢簇江流有聲若有以回俗駕而  
謝逋客也江行有程促之而去回望雙臺顏厚有忸

去秋重蒙提携游仙都洞天好山好水心目一清但恨巖壑深僻處未  
得徧歷明年二月間必約重遊窮幽歷險放歌長嘯續徐疑之詩留  
爲他日佳話吾兄可藏酒以俟

胡深

弘治己酉冬雪寒甚梅不時花獨吾家南山株開特盛未有知者庚戌  
二月八日教諭南海劉孟純景文訓導太平黃倫汝彝自下紋溪挈  
舟並載徑造花所而友人汪思恭克敬詹貴存中塾師汪尚琳廷貢  
先後偕至同倒瓦盆擷園蔬對花大嚼至暮倡爲聯句酌花神而告  
之以爲歲歲賞約張本賓主樂甚景文遂放舟下屯溪汝彝與思恭  
廷貢還邑中存中還流琥而予獨大醉留宿南山讀騷亭

程敏政

秋官主事黃巖施君彥器奉命央嶽江南與黃司訓汝彝請予同登雲  
巖值雨至陽山寺小酌予以病先歸君及汝彝冒雨而往興竒且健  
是日宿巖上相與倡酬甚富明日山下至予家值梅花盛開復爲聯

句三章遇南山料理詩裝得二十餘篇天寒歲晏王事倥偬而君厭  
飲山水間若不知案牘之勞非其遠識過人殊不及此

程敏政

成化壬寅五月望日予嘗過岑山渡岑山在歙南十五里淞溪中水四  
面環之其勢孤絕故師山先生嘗易名小金山山舊有寺曰周流以  
人跡罕至移北岸寺堅上人邀予作茶供因留一詩

程敏政

良辰美景尋我同好蔬食菜羹芒屨藜杖披蒙茸踞虎豹登虬龍遇會  
意處快飲數觴浩歌一曲大書翠壁之地所復如此以樂吾餘不亦  
可乎

羅倫復立正學

金陵多佳麗之地如牛首諸山棲霞諸寺皆號稱殊絕公暇亦曾臨眺  
不標品所加澤及林木自非巖栖者之比也近兩經率陰三峰縹緲  
煙嵐如在天上不知公之足跡已嘗一躡其巔矣誦虎谷費我招呼  
總不聞之句令人目眩而心怳豈洞天福地類非分緣淺薄者所能

至耶

朱應登與喬白巖

主出

往余客京邸時秋高興發嘗與客遊西山諸寺酌平坡宿香山射獵西

湖之上輒越旬忘歸焉嵩渚集

憶昔正德辛巳八月余舟過潤州弭棹江流醜酒金焦之巔夕風層閣  
山若飛動下瞰洪濤鼉鼉出沒信天下奇觀也已酌于甘露寺東望  
滄海北眺廣陵烟波混茫無限秋色愧無奇句以寫其勝同前

憶昔公參藩于汴政事之暇時辱枉顧敝廬劇談清話教益良多自辛  
丑春郭園之別歲序荏更忽復十載仰念高風可勝向往今年春三  
月始得公去年書札情篤意勤如奉顏色乃謬以鄙人爲可與言者  
而商及游覽之事大意謂古人游跡傳諸後世者多羈旅寄寓之士  
而仕宦者恒無聞焉惓惓以阮公蓬池吹臺之杜高李爲說吾竊以  
爲不然古人杖屨所臨其跡不泯者亦惟以其人之可重言之可傳  
云爾而顯融之與漂泊固弗論也昔謝靈運爲東嘉守每遇佳山水  
輒留詠如宵濟漁浦潭旦及富春郭揚帆采石攀挂席拾海月人至  
今誦之嗣爲臨川內史初發石頭城而曰游當羅浮行息必廬霍期  
入華子岡而曰且申獨往意乘月弄潺湲遂爲古今佳話謝玄暉爲

宣城太守出新林浦向板橋而曰天際識歸舟雲中辨江樹晚登三  
 山還望京縣而有澄江靜如練之句迄今膾炙人口夫二子分閩專  
 城隼旟熊軾豈羈旅寄寓者而杖屨所臨其跡不泯如此矧尤有不  
 為二子者乎公行誼醇雅詞翰兩絕苟振衣一出海內名流望風迎  
 候治具以從願侍几席者當隨地有之不知幾何人公顧憂其被侮  
 見譏禮不繼而樹遭伐何過計之甚也吾自丙戌免歸杜門不出者  
 逾二十年乙巳之春遊興偶發漫有河北看山之行聿入王屋陟天  
 壇濯纓濟池造李愿之盤谷還經窰邑過山陽訊竹林遺蹟迤邐至  
 六真山尋列仙丹竈揖駕共城登蘇門山酌酒嘯臺之巔循嶺而下  
 憇孫登土窟邵子安樂窩盤桓旬日興盡而返凡得雜詩暨文若干  
 首而前巡撫池陽公見以為奇鉞梓以傳吾欲掩其醜而不可得矣  
 屬者復擬出游將東登泰山謁日觀坐待鷄鳴眺日出之景下上山  
 坂觀秦松漢栢及古帝王封禪處停驂曲阜謁闕里廟覽夫子手植  
 檜問陋巷舞雩所在西游嵩山跨盧鴻巖逍遙箕山之陽因弔許由

冢云又欲南游武當諸宮觀玉芝瑤草行或見之便道趨滄中訪諸  
葛氏草廬舊址而後歸此區區之夙志也束裝戒發客有阻吾游者  
曰古之高賢貞逸如陶淵明尚矣然其興之所寄不越乎田園籬落  
之間松菊桑麻之畔而已子足跡半天下而行役靡息似非逸老攝生之道也  
竒游篇章已富今以遲暮之年而行役靡息似非逸老攝生之道也  
吾聞其言異之諦觀其意亦愛我者也乃詰之曰沈覽周王傳流觀  
山海圖非柴桑翁之詩乎其遠遊之志已畧見於此既窈窕以尋壑  
亦崎嶇而經丘非柴桑翁之辭乎而以敖以游亦翁之所不廢也想  
其遭時多故日抱隱憂故托諸酒以自晦夫何暇於遠游吾生際昌  
期心無它慮得以肆志游覽焉能匏繫一室以自縶乎吾既以是答  
客而併以告公抑聞武夷九曲爲天下第六洞天飛泉疊嶂澄徹心  
骨寔昔賢棲遁之地公家溫陵去此爲甚邇安得偕公往游其間聯  
榻紫陽書院莫猶數日面訂昨所論聖門狂簡之學不特攬山水之  
竒變縱目於風塵埃瑤之表而已公寧無意於茲游乎烏乎人生斯

較諸蓬池吹臺之跡其遠近大小何如也伏冀俯鑒同心裁度期約

則千里盍簪之朋百年麗澤之益不在古人而在吾輩矣豈非逸民

之孤踪斯文之雅集哉飛鴻南來佇聽嗣音

李濂答王參政論游覽山水書

東吳名區雅稱偉觀僕性疎野以賞為好先圖陟虎丘之顛泛震澤之

渚訪僚差之宮弔離胥之墓窮搜陳迹下達韋白招要豪傑演繹風

雅勒石紀文傳之百世亦何偉哉

顧璘與金仁甫

曉入院署春陽暉暉松枝布庭踈陰晝靜玉河水漣漪與雲光迤邐輕

儵出游群鷗上下悠然鶴鳴時復與飛泉雜響此時心清神娛徜徉

忘倦矣

屠應峻與呂士

足下講茶巖山松陰擁蓋石流漱玉即酷暑自生涼也孰與不佞苦熱

哉不佞得無妬耶山靈倘不逐客當渡湖上陟山椒掃石賦坐相與

探浮丘訪容成天風冉冉自雲中下也足下獨能斬之乎

吳守和簡范德昭

頃過富春山下維舟徘徊登臺長嘯薄暮清風響籟明月窺人咄咄此

頃過富春山下維舟徘徊登臺長嘯薄暮清風響巖明月窺人吐吐此

君安能為漢有哉恨不携吾弟來與客星相揖讓也

程潞簡弟

武夷為南國隩區仙遊更多靈異願伯兄乘秋命駕昆當勅山靈擁簪

待之 汪道昆書

浙江圖書館

存正

息錄

四十一

頁



類考

漢東方朔十洲記敘漢武帝既聞下母說八方巨海之中有祖洲瀛洲  
玄洲炎洲長洲元洲流洲生洲鳳麟洲聚窟洲有此十洲乃人跡所稀  
絕處又始知東方朔非世常人是以前至曲室而親問十洲所在所有  
之物名故書記之方朔云臣學仙者耳非得道之人以國家之盛美將  
招名儒於文教之內抑絕俗之道於虛詭之迹臣故韜隱逸而赴王庭  
歲養生而侍朱闕矣亦由尊上好道且復欲仰挹其威儀也曾隨師主  
履行比至朱陵扶桑脣海冥夜之丘純陽之陵始青之下月宮之間內  
遊七丘中旋十洲踐赤縣而遨五嶽行陂澤而息名山臣自少及今周  
流六天廣陟天光極於是矣未若凌虛之子飛真之官上下九天洞視  
百方北極勾陳而并華盖南翔太丹而棲大夏東之通陽之霞西薄寒  
穴之野日月所不逮星漢所不與其上無復物其下無復底臣所識乃  
及於是愧不足以酬廣訪矣

唐杜光庭中國五嶽記東嶽泰山嶽神天齊王領仙官王女九萬人山

周迴二千里在兗州奉符縣羅浮山括蒼山為佐命蒙山東山為佐理  
南嶽衡山嶽神司天王領仙官玉女三萬人山周迴二千里以霍山潛  
山為儲副天台山句曲山為佐理中嶽嵩高山嶽神中天王領仙官玉  
女一十二萬人為五土之主周迴一千里洛州告成縣少室山東京武  
當山為佐命太和山陸渾山同佐理西嶽華山嶽神金天王領仙官玉  
女七萬八山周迴二千里在華州華陰縣地肺山女几山為佐命西城  
山青城山峨眉山嶧冢戎山西玄吳山同佐理北嶽恒山嶽神安天王  
領仙官玉女五萬人山周迴二千里在鎮州河逢抱犢山為佐命玄隴  
山崆峒山洛陽山為佐理

**程光庭十大洞天記**第一玉屋洞小有清虛天周迴萬里王褒所理在  
洛州王屋縣第二委羽洞大有虛明天周迴萬里司馬季主所理在武  
州第三西城洞大玄總真天周迴三千里王方平所理在蜀州第四西  
玄洞三玄極真天廣二千里裴君所理在金州第五青城洞寶仙九室  
天廣二千里竇真君所理在蜀州青城縣第六赤城洞上玉清平天廣

八百里王君所理在台州唐興縣第七羅浮洞朱明曜真天廣一千里  
葛洪所理在博羅縣屬修州第八句曲洞金壇華陽天廣百五十里茅  
君所理在潤州句容縣第九林屋洞左神幽墟天廣四百里龍威丈人  
所理在蘇州吳縣第十括蒼洞成德隱真天廣三百里平仲節所理在  
台州樂安縣

**杜光庭五鎮海壇記**東鎮沂山東安王在沂州南鎮會稽山永興公在  
越州中鎮霍山應聖公在晉州西鎮吳山成德公在隴州北鎮醫巫閭  
山廣益公在營州東海廣德王在萊州界南海廣利王在廣州界西海  
廣潤王在同州界北海廣澤王在洛州界江瀆東廣源王在益州立春  
祭淮瀆南長源王在唐州立夏祭河瀆西靈源王在同州立秋祭濟瀆  
北青源王在洛州立冬祭漢瀆漢源在梁州

**杜光庭三十六洞天記**霍童山霍林洞天三千里在福州寧德縣太山  
蓬玄洞天一千里在兗州乾封縣衡山朱凌洞天七百里在衡州衡山  
縣華山總真洞天三百里在西嶽常山總玄洞天一百里在北嶽高山

司真洞天三千里在中嶽峨眉山虛凌太妙洞天三百里在嘉州峨眉山  
縣廬山洞虛詠真洞天三百里在江州潯陽縣九天使者四明山丹山  
赤水洞天一百八十里在越州餘姚縣劉樊得道會稽山極玄陽明洞  
天三百里在越州會稽縣夏禹採書方白山德玄洞天五百里在京兆  
盩厔縣太上所現壇西山天寶極玄洞天三百里在洪州南昌縣洪崖  
所居大圍山好生上元洞天三百里在潭州醴陵縣傅天師所居石室  
仙壇潛山天柱司玄洞天一千三百里在舒州桐城縣九天司命武夷  
山昇真化玄洞天百二十里在建州建陽縣毛竹武夷君鬼谷山貴玄  
思真洞天七十里在信州貴溪縣華蓋山容城太王洞天四千里在温  
州永嘉縣王笥山太秀法樂洞天百二十里在吉州新淦縣蓋竹山長  
耀寶光洞天八十里在台州黃岩縣葛仙公所居都嶠山太上寶玄洞  
天八十里在容州白石山秀樂長真洞天七十里在容州北源句漏山  
玉闕寶圭洞天三十里在容州石室丹井九疑山湘真太虛洞天三  
十里在道州延唐縣洞陽山洞暢隱觀洞天百五十里在潭州長沙縣

十里在道州延唐縣洞陽山洞陽隱觀洞天五百五十里在潭州長沙縣

幕阜山玄真太元洞天二百里在鄂州唐軍縣吳孟上昇處大酉山大酉華妙洞天一百里在辰州界金庭山金庭崇妙洞天三百里在越州  
郟縣褚伯玉沈休文居之麻姑山丹霞洞天一百五十里在撫州南城  
縣麻姑上昇仙都山仙都祈仙洞天三百里在處州縉雲縣黃帝上昇  
青田山青田大鶴洞天四十里在處州青田縣葉天師居之天柱山大  
祿玄蓋洞天一百里在杭州餘杭縣天柱觀鍾山朱湖太生洞天一百  
里在潤州上元縣良常山良常方會洞天三十里在茅山東北中茅君  
所居桃源山白馬玄光洞天七十里在朗州武陵縣金華山金華洞元  
洞天五十里在婺州金華縣有皇初平赤松觀紫蓋山紫玄洞盟洞天  
八十里在韶州曲江縣

**地肺山**在茅山有紫陽觀乃許長史宅石磻源

在台州黃巖縣嶠嶠領東仙源在温州白溪南田在處州青田玉瑠山在  
温州海中青嶼山在東海口崆峒山在夏州黃帝所到郁木坑在吉州  
王笥山王梁觀乃蕭子雲宅武當山在均州七十二洞君山在岳州青

草湖中桂源在連州抱福山廖先生宅靈墟在台州天台山司馬天師  
居處沃洲在越州郊縣天姥岑在台州天台南劉阮迷路處若耶溪在  
越州南樵風徑巫山在夔州大仙壇清遠山在婺州浦陽縣東白山安  
山在交州安期先生居處馬嶺在柳州蘇耽上昇處鵝羊山在長沙縣  
許君斬蜃處洞真壇在長沙南嶽祝融峯洞宮在長沙北洞靈源在衡  
州南嶽招仙觀上峯陶山在温州安固縣貞白先生修藥處爛柯山在  
衢州信安縣龍虎山在信州貴溪縣天師宅勒溪在建州建陽縣靈應  
山在饒州北施真人宅白水源在龍州金精山在虔州虔化縣張女貞  
修道處閣阜山在吉州新淦縣天師行龕始豐山在洪州豐城縣逍遙  
山在洪州連西山許真君修道處東白源在洪州新建縣鍾真人宅鉢  
池在楚州北王真人脩道處論山在丹徒縣毛公壇在蘇州洞庭湖中  
包山七十二壇劉根先生脩道處九華山在池州青陽縣竇真人上昇  
處桐栢山在唐州桐栢縣淮水上源平都山在惠州豐都縣陰君上昇  
處綠羅山在常德武陵北章觀山在澧州澧陽縣抱犢山在潞州上黨

苴周所居大面山在蜀州青城山羅真人所居虎溪在湖州安吉縣方  
真人修道處元晨山在江州都昌縣馬跡山在舒州王先生修洞淵法  
處德山在朗州武陵縣善卷先生居古名枉山鷄籠山在和州歷陽縣  
王峯在藍田縣商谷在商州上洛縣四皓所隱處陽羨山在常州義興  
縣張公洞長白山在兗州中條山在河中求樂縣侯真人上巒霍山在  
壽州雲山在朗州武陵縣四明山在梨州魏道微上昇處緱氏山在洛  
州緱氏縣子晋上昇處臨邛山在邛州臨邛縣白鶴山相如所居少室  
山在河南府連中嶽翠微山在西安府終南太一觀太隱山在明州慈  
谿縣天寶觀白巖山在杭州天柱山吳天師所隱大若巖在温州永嘉  
縣真白先生修真誥處嶧山在萊州嶧嶧山仙公會真處西白山在越  
州知縣趙廣信上昇處天印山在昇州上元縣洞玄觀仙公行化處全  
城山在雲中郡三皇井在温州仙巖山沃壤在海州東海縣三踈修道  
處

**山類賦**

夫山者宣也宣氣生萬物者也

出說苑

爾其天孫日觀

博物志

泰山一曰

天孫言為天帝孫也王召人寬鬼東方萬物始成知人生命之終南太

長短應劭漢官儀曰泰山東南名曰日觀雞一鳴時見日始出終南太

一風武功縣與終南山相連蓬萊九氣十洲記曰蓬萊山外則負海謂

九氣丈人崑崙五色博物志曰崑崙從廣萬一千里神物所集天台赤

城孫綽天台賦曰赤城霞起龍門積石書曰浮于積石訪至道於崆峒

莊子曰皇帝聞廣成子識神人於姑射見冰賦想賦江郎之一子還家

在崆峒之上往問道焉郡國志曰江郎山三峯上又各有巨石昔山下民兄弟三人化於此晉

永嘉之亂湛滿者亦居山側有一子仕宦不得歸禱於石旬日中湛

子出洛水見三少年使閉目入林慮之雙童不食顏修內傳曰橋順二

人盧子基於林慮山棲霞谷服飛龍藥一丸于節彼南山詩曰瑞節彼南

年不飢故魏武詩曰西山有雙童不飲亦不食節彼南山山維石巖巖

始於一拳禮曰今夫山一拳石之多及其廣皮懸之祭爾雅曰祭配林

是先禮曰齊人將有事於泰故梁為晉望爾雅曰梁岷實江源書曰岷

聳香爐之秀出南雍州記云武當山山高隴峻抗射的高懸水經註

有射的山遠望如射侯土人以占晴則米至若觸石吐雲說苑曰五嶽

貴諺云射的白斛一百射的女斛一千春秋說題辭曰山之為言宣鳴

焉能大斂雲雨焉觸石而出含澤布氣也含澤布氣調於百神者也鳴

陳倉之寶雞秦記曰太白山南有陳倉山山石與雞不別趙高翔

陳倉之寶雞 三秦記曰太白鳥 南有陳倉 山頭有陳倉 三千里 或人謂是 王維越 高翔

淳于之白雉

武陵記曰淳于山與白雉山相近絕壑之半有白雉石雉遠望自尾可長二丈仲足翺翼若虛中翬飛既舍

於度木

左傳曰山有木工則度之亦游心於覆篲 論語曰譬如為山未成一簣進吾往

也登宛委而得書

吳越春秋曰禹傷父功不成登衡山血白馬而祭之夢赤繡文衣男子稱玄夷管水使者謂禹曰欲得我

仙書者齋於皇帝之嶽禹乃退齋三日發死委后得金簡玉字之書言治水之要

出器車而表瑞禮曰山出器

黃帝之遊具茨

陽城記曰黃帝登具茨之山升於夏王之登會計 吳越

曰禹巡越大會計治國之道更名茅山曰會計

爾其探禹穴

水經注會稽山東有穴深不見底謂之禹穴東遊者多探其穴紀

秦功

水經注云秦始皇登會稽山刻石紀功李斯所篆或形標九子 九華山錄曰峯巒異狀其

號九

或禮視三公

禮曰五嶽視三公四瀆視諸侯著屐嘗聞於靈運 宋書曰謝靈運好

山則去前齒下朽壤曾聞於伯宗

左傳曰梁山崩晉侯召伯宗伯宗辟重曰避傳重入曰待我不知捷之速

也問其所曰絳人也問絳事曰梁山崩將召伯宗謀之問將若之何曰山有朽壤而崩可若何國主山川故山崩川竭君為之不舉降服乘縵

徹樂出次祝幣至若汶為天井

河圖曰汶山之地為井絡天岐為地乳

史辭以禮焉維應桐柏

河圖曰桐柏山為畢連鳥鼠 河圖曰鳥鼠

河圖曰岐山在崑崙東南為地乳

掩畢星

嘉無恤之臨代 史記曰趙簡子謂諸子曰吾蔽寶符於常山

常山臨代可取也簡立之美仲尼之小魯

孟子曰孔子登東山而小天下或形類

存記

大德錄

冠幘宣城圖經曰幘山層或狀同抱鼓隋圖經曰燕山在易縣巖側有石鼓去地百餘丈望之若數百

石困左右梁貫之鼓東南有石人援感叱馭之忠臣漢書曰王陽為益州刺史行部至中

郊九折阪嘆曰奉先人遺體奈何數乘此險後以病去及王遵為刺史至其阪問吏曰此非王陽所畏道邪遵叱其馭曰驅之王陽為孝子王

忠臣識擣衣之玉女郡國志曰靈山昔有神女於此擣衣因號擣衣縣

圃嘗留於穆滿淮南子曰崑崙山去地萬一千里上有層城九重或上

至於崑崙丘季夏丁卯升於春山之上以望四野是惟天疎屬會拘於

貳負山海經曰貳負之臣曰危與貳負殺窳窳帝乃梏之於疎屬之山

孤出夏侯曾先志曰會稽山有石砥柱分流水經注曰砥柱者禹治洪

山以通河河水分流包山巨靈之碑太華郭緣生述征記曰華山與首

見水中若柱然故曰砥柱工折行注秦望則金簡玉書靈祕之所潛

掌跡在焉隱水經註曰會稽秦望山在州正南為眾峯之傑涉境便見吳越春秋

夏禹發之得羅浮則璿房瓊室神仙之所嬉遊日南志曰羅浮山本蓬

七十又聞羸政曾驅見石賦秦愚公欲徙列子曰太行與土屏二山方

二所通海賦

年且九十而居懲山北之塞出入之迂也聚室而謀曰吾與汝畢

力平險可乎雒然相許其妻曰以君之力曾不能損鬣文之丘如太行

王屋何且焉置土石雜曰投諸海渤之尾隱士之北遂率子孫荷擔者

三夫叩石墾壤運於渤海之尾隣人京城之婦妻者有遺男始戲往助

之寒暑易節始一天焉河曲智叟笑而止之曰甚矣汝之不慧以殘年

餘力曾不能毀山之一毛其如土石何北山愚公長息曰汝之心曾不

若孺妻弱子雖我也死有子存焉子又生孫孫又生子孫孫子無窮

置也如山不加增何苦而不可乎河曲智叟無以應操蛇之神聞之懼

其不已告之於帝帝見感其誠命夸

娥氏二子負山一措朔東一措雍南

覲修羊於華陰列仙傳曰修羊公

山石室中有懸石榻見王喬於緱氏好吹笙作鳳鳴遊伊洛之間浮丘

公接以上石盡穿陷見王喬於緱氏好吹笙作鳳鳴遊伊洛之間浮丘

我於緱氏山頭至日果乘白鶴驛山巔望之不得到舉手謝詩人數日

去指闕遠屬於牛頭晉書曰元帝渡江草創欲立石闕於宮門未定王

宗從積甲逆齊於熊耳陳觀漢記曰赤眉初降輦輪至有群玉冊府

子傳曰癸巳至於群玉之山四徹中繩先王崑崙下都搜神記曰崑崙

之所謂冊府也注四徹中繩言皆平直也

下都環以洞臺瀟霍道經曰霍山下有洞臺方員嶠方壺

炎火之山洞臺瀟霍二百里司命君之府也

其中有一山曰大輿二曰員嶠三曰方壺四曰瀛州五曰蓬萊其上有

臺觀有金玉珠琅之樹皆叢生實皆有滋味食之不死人皆仙聖一日

一夜飛翔觴百神者帝臺

來往焉觴百神者也今名鍾山在陸渾縣

高車高士傳曰高車山上有四皓碑及祠皆漢惠帝所立

也漢高后使張良詣南山迎四皓之處因名高車山及夫瞻掛鶴

也漢高后使張良詣南山迎四皓之處因名高車山及夫瞻掛鶴

也漢高后使張良詣南山迎四皓之處因名高車山及夫瞻掛鶴

也漢高后使張良詣南山迎四皓之處因名高車山及夫瞻掛鶴

也漢高后使張良詣南山迎四皓之處因名高車山及夫瞻掛鶴

也漢高后使張良詣南山迎四皓之處因名高車山及夫瞻掛鶴

也漢高后使張良詣南山迎四皓之處因名高車山及夫瞻掛鶴

也漢高后使張良詣南山迎四皓之處因名高車山及夫瞻掛鶴

之悠揚

臨海記曰郡西有白鶴山山上有池泉望盤龍之宛轉

葛亮以為鍾山

蘇門之清嘯

登蘇門

訪酉陽之逸興

興

詠千言之飲宿

書曰光武封奉山

亦有蘭巖啖鶴

榮陽縣有蘭巖

朝陽夕陽

金華叱羊

再成三襲

日朝

吳宮採香

香山

凜冽而風門激吹

生草

其戴石為祖

戴石

摘天柱之仙桃

土山上

采華容之雲母

巖有一桃

志曰華容方臺

無不大獲

惡毒謝敷之紫石

矣

謝敷少時經始諸山往遷易功費千

計生業將盡後遊此境夢山神語之曰當以五十萬相助但見土人牀  
下有異石色甚明徹試取瑩拭乃紫石因問所從來云出此山遂往攝  
果得利訪桓溫之白紵宣城圖經曰白紵山本名楚山桓溫駭媯宮  
不訾

之臺榭南康記曰石山翠麗鮮明遠若臺榭名曰識仇池之樓櫓秦州

仇池山本名丘維山形似覆囊上廣百頃壁立千亦有烏龍白騎湘川

汝城縣有烏龍白騎山紫蓋青泥荆州記曰衡山三峯其一名紫蓋

有黑石如龍白石如馬羊腸鳥翻郡國志曰羊腸塞在龍門西山海經曰大翻山

雲雨屢成泥羊腸鳥翻郡國志曰羊腸塞在龍門西山海經曰大翻山

淖遂以為名羊腸鳥翻郡國志曰羊腸塞在龍門西山海經曰大翻山

舊文為今隸書用之大嘉使徵不至始皇大怒檻車迫之次仲馬鞍牛

化為大鳥出于車外翻然高翔至於西門山落二翻因名之馬鞍牛

脾郡國志曰柳州馬嶺山本名牛脾山續南越志曰馬鞍山始皇時望

名馬鞍山劉弘又襄陽記曰楚山猿門聳拔益州記曰猿門山在涪

豎如鴈塞透迤荆州記曰景山鴈南翔北歸仙翁種玉見玉賦羊公種

烈女磨笄隋圖經曰磨笄山在懷戎縣昔趙襄子殺代王其夫人曰代

山言聽蔡誕抱朴子曰蔡誕者自云被謫至崑崙問曰崑崙似何答約

信安期列仙傳曰安期生瑯琊阜鄉人皆言壽千歲秦始皇與語賜金

我蓬萊見祝融之降崇聞鸞鷲之鳴岐國語云夏之興也祝融降於嵩

崇嵩字古

通用耳

復聞馬援壺頭

武陵記壺頭山在縣東援所穿室也

羊公峴

首十道志曰羊祜嘗與從事鄒湛共登峴山垂泣曰自有宇宙便有此

人悲傷我百年後魂魄猶當登此山也湛對曰公德冠四海挹少室之

道符前哲今聞今望當與此山俱傳若湛輩乃當如公語耳

石膏河圖云少室山有飲洞庭之美酒居傳物志曰洞庭君山帝之二女

湘君所遊故曰君山也有道與吳包山潛通上有美酒數斗得飲者不

死漢武帝齋七日求得之東方朔曰臣識此酒請視之因一飲至盡帝

欲殺之朔曰殺朔若死此為不驗以其有驗殺亦不死乃赦之又若望朝霞於赤岬

山南臨江中羅君章云赤岬若朝祝黃石於穀城見石賦祠雖陽岐之

能買荆州記曰石首縣陽岐山無所出不足可書本屬南平界范玄平

豈北邙之可平魏志曰明帝欲平北邙使登臺可觀孟津辛毗諫曰天

民不堪陳音以之而立號會稽記曰陳音山昔有善射者陳音越王使

役乃止射之象因張噤因之而得名宋書曰張稷為刻令至噤雲氣或成於宮

以名山後漢書曰光武風雨曾避於嶠陵左傳曰秦穆公使孟明潛師

闕封泰山雲氣成宮闕風雨曾避於嶠陵於東門之外蹇叔之子與師

哭而送之曰晉人禦師必於嶠嶠有二陵焉其南陵夏后臯已夫少室

之墓也其北陵文王之遊風雨也必死是問余收爾骨焉

登仙之臺藥漢武筆登仙臺於其山向山華陽之洞茅君內傳曰茅山

登仙之臺... 漢書曰霍去病以驃騎將軍擊匈奴至祁連山獲首虜三萬去

名爲燕然勒名後漢書曰竇憲與單于戰于稽落山大破祁連作冢

陽洞天漢書曰霍去病以驃騎將軍擊匈奴至祁連山獲首虜三萬去或功伐

病薨上悼之發屬國玄甲軍陣自長安至茂陵爲冢象祁連山

攸彰或靈仙所重若過之而身熱經之而頭痛漢書曰杜欽說大將軍

頭痛山小頭痛山赤土身熱之阪徒爲患於蠻陌而無資於財用

水類賦夫潤萬物者莫潤乎水若乃翫文章於濶渙述異記濶渙二

文故名續水修禊除於溱洧見春賦飲玄洲之似蜜北海中去南岸十萬

如醴水過甚迅以器取得少許以餉陶晉安或見漸車

裳即婦人或稱濡軌濟盈不濡軌歌屈原之濯纓楚辭曰滄浪之水

浪之水濁可或稱濡軌濟盈不濡軌歌屈原之濯纓楚辭曰滄浪之水

以濯吾足或稱濡軌濟盈不濡軌歌屈原之濯纓楚辭曰滄浪之水

繫而還耻令半飲若夫挹彼注茲潦挹彼注茲泳之游之

舟之就其淺傳既聞於流惡左傳曰有汾詩亦言其樂飢詩曰就其

象存習坎易曰水洊性在乘衰淮南子曰水之性循勢而湛靈源於踈

勒後漢書曰耿恭爲戊巳校尉以踈勒城旁有澗不可固乃據之匈奴

存之山已

恩錄頁考

山而泉湧乃整衣向井拜於是神遂引去湧清流於貳師巴見上注至於

懷山襄陵書曰湯湯洪水方割蕩浮天載地玄中記曰天下之多者水

萬物無滿而後進楊子法言曰或有是哉滿而後進者其水乎盈而不概

子曰孔子見大水必觀焉曰夫水柔而無為也似德其浩浩乎不屈似

有道其赴百仞之谷不似似勇主量必平似法盈不求概似正發源必

東似知檻沈之殊名爾雅曰檻泉正出湧出也沃泉涉冬春而凝泮南

子曰夫水向冬則凝而為冰深淺而揭厲爾雅曰深則厲淺則揭爾其

為冰迎春則半而為水量深淺而揭厲爾雅曰深則厲淺則揭爾其

流虻沸詩曰感道靈長並用嘉木德之靈長天齊之泉漢書曰秦始皇

神將一曰天主祠天齊天齊淵水帝臺之漿山海經曰高前之山其上

居臨蓄南郊山下注云五泉並出帝臺之漿有水焉甚寒而清帝臺之

乘水驚迅湍於灑預夔州圖經曰灑預在瞿唐口夏水迅激至為艱難

也驚懸流於呂梁莊子曰灑預大如撲瞿唐不可觸灑預大如馬瞿唐

不敢駭懸流於呂梁莊子曰灑預大如撲瞿唐不可觸灑預大如馬瞿唐

信則有臭過椒蘭列子曰禹治水士迷之一國無風雨霧露不生鳥獸

出則有臭過椒蘭列子曰禹治水士迷之一國無風雨霧露不生鳥獸

日神漢臭過椒蘭列子曰禹治水士迷之一國無風雨霧露不生鳥獸

蘭味過醪醴利穿金石淮南子曰水之為物擊之無創射之不傷

分簡潔見河賦簡渠名鄭白漢書溝洫志曰鄭國韓之水工韓欲疲秦

山西邸鞅口為渠以溉田禾就而詐覺秦欲殺國國曰臣為韓延數歲

之命為秦建萬世之功遂成之名鄭國渠又漢太始二年趙大夫白公

復奏穿秦渠傍引涇水注渭名曰白渠民歌曰田於何所池陽谷口鄭  
國在前白渠起後舉鍾為雲決渠為雨涇水一石其泥數斗且既日  
長我禾黍衣食

京師億萬之口美君子之為交如醴君子淡以成小人其以饗歎小人

之是溺禮曰小人溺於口禮著淵泉如天淵泉如淵祭名清祭禮曰祭宗

濬偉文公之獨見後漢書曰在文公巴郡人為治中時天大旱白刺史

儲大船百姓或信之公頗為勞者至其月日中雲起須美公沙之先識

史兩至補時瀦水湧起十餘丈突壞廬舍所害數千人美公沙之先識

後漢書曰公沙穆銳思河洛推步之術永壽元年大雨水三異出兮同

輔以東無不漂沒穆豫告百姓徙居高地故弘農人獨免

流見上瀦肥載舟兮覆舟袁宏三國名臣贊序曰江湖所以載舟亦美

斯異注彼上善老子曰上善若水水嘉其至柔老子曰水天下之至

置坐唐書曰孔若思常謂人仕至中即足矣及遷為左慈之逆流抱朴

左慈以氣禁水水為逆流一二至於閔彼流漣詩曰河水清且漣漣乘之

丈禁水著中旋露之大寒不水至於閔彼流漣詩曰河水清且漣漣乘之

汧汧尚書傳曰順流而下曰潤下潛滋書曰水朝宗遠鶩詩曰沔彼流

歎逝者之如斯論語曰子在川上曰逝處衆人之所惡老子曰水善利

衆人所惡美夫不雜則清莫動則平離則清莫動則平五色不得不彰

禮曰水無當於五

色五色不得不彰

百事不得不成

天則為雨露下地則為潤澤萬物不

彰

序名已

得不生百事識武都之泥紫隴右記曰武都紫水有泥其色紫而粘見

幽土之蛇青唐書曰楊朝晟為州刺史奏方渠合木波焉賦路請城

水隨而流築防之軍次方渠無水師徒囂然遽有青蛇垂高而立視其迹

侏江則不如出房陵者以粉為名華陽國志曰成都道西城故錦官

故名錦里取其水為粉鮮紫異於餘水別有

夫餘沈毛廣志曰弱水在夫襄城化血古今註曰漢安帝延平中河東

化為血不流范雲慕仁而不怠水齊范雲為始興至修仁

三風何習習五渡何悠悠且飲修倉水不挹皆和流吳隱酌食而愈潔

晉書曰吳隱之為廣州州石門有貪泉傳云飲者貪隱之酌而飲新豐

則時平乃清唐書曰新豐鸚鵡谷水清臨淄則世亂而竭述征記曰臨

女水齊人諺曰止治則女水流世亂則女水竭淮為許江為沱漢為潛

慕容起時乾涸彌載及宋武北征乃激洪流美陳宣之納諫後漢

洛為波爾雅釋水曰濟為楚汝為瀾洛為波漢為濟美陳宣之納諫後漢

書口建武中洛水出造津城門或欲築塞之陳宣諫曰避王商之止訛

昔王尊正身金隄而水退况聖人也言水絕而水夫漢書曰建始中京師民無故相驚言大水至成帝召公卿議大將軍平王

漢書曰建始中京師民無故相驚言大水至成帝召公卿議大將軍平王從鳳議左將年王商獨曰自占無道之國水猶不冒賊則今聖政利平

止有頃長安中稍  
定問之果訛言也投舒姑而靈變宣城記曰臨城縣蓋山有姑泉俗傳

挽不動父遠告家比還唯見清泉湛然母有舒氏女與父折薪女坐泉處忽牽

云女好音樂乃作絃歌泉湧流雙鯉赴節或曰

坳堂莊子曰水之積也不厚則其負大舟也無力覆杯水於或稱灑洊

尔雅釋水曰泉一見一否為濺一有水味識溜澠列子曰白公問於孔

孔子不應白公曰若以石投水如何孔子曰吳之善遊者能取之曰若

以水投水何如孔曰淄澠之合易牙嘗而知之白公曰人故不可以微

言也闕聞穀洛國語曰周靈王二十二年穀洛闕毀王宮王欲壅之太子

也夫天地取於高歸於下今吾執政無乃蓋權輿於一勺禮曰今夫水

實有所闕以滑二神王卒塞之王室大亂蓋權輿於一勺禮曰今夫水

其不測雷鼉蛟龍魚稽夫循而難毀淮南子曰夫光可見而不可毀

鼈生焉貨財殖焉稽夫循而難毀淮南子曰夫光可見而不可毀

尊禮曰水之於人動則叶乎智者樂水智者動仁者靜靜則符乎聖

人莊子曰水靜則明燭鬚眉水或浸彼苞蕭詩曰冽彼下或不流束薪

詩曰揚之水不流束薪女媧之積蘆灰淮南子曰往古之時四極廢九州裂水浩

夏禹之鑿龍門淮南子曰古者水為民害禹鑿及夫瞻瀏其詩曰劉

瑟彼詩曰瑟彼泉玄灞素湓之名灞岳西征賦曰玄溫洛滎河之瑞乾

鑿度曰盛德之應洛水先溫九日乃寒五日變為五色既近之而易溺

玄黃尚書中候曰堯修壇河洛滎先出河休氣四塞

禮曰夫水近於人而易以溺人亦翫之而多死左傳曰子產謂子太叔曰惟德者能

畏之故鮮死焉水懦弱民狎而以寬服民其次莫如猛夫火烈人望而

是比漢書曰趙昌佞諂奏尚書鄭崇與宗族通疑有姦上責崇曰任重

致遠之功尚書大傳曰非水無以通遠任重也激濁揚清之美君子曰水有

生通流萬物仁也揚清激濁蕩去滓穢義也柔而承瓠葉以泉亭博物

難犯弱而難勝勇也道江流河惡盈流謙智也承瓠葉以泉亭博物

盛之皆滌唯瓠葉則不漏發績龍而波委績述征記曰梁鄒城西有籠

發於室內潛以績籠覆之由是無瓮汲之勞家人疑之時其至有陷空

桑之里呂氏春秋曰有洗氏女子採桑得嬰兒于空桑之中獻之其君

白出水而東走明日視白果出水告其隣東走化歷陽之都淮南子

里而故邑盡為水身因化為空桑故命之曰伊尹化歷陽之都淮南子

有老嫗常行仁義有過者謂曰此當沒為胡規東城門有血便走上

勿反顧也自此嫗數往視門門吏問之嫗對如其言吏殺雞以血塗門

明日嫗早往視門有血便梧浮曲岸見春賦泰昭月射方諸淮南子曰

走上山歷陽遂沒為湖梧浮曲岸見春賦泰昭月射方諸淮南子曰

則津而為水又萬畢術曰方諸取水注曰方諸形若梧無耳詠鮑照之

以五石合治之十二月壬子夜半作之以承月水即來也詠鮑照之

九塗鮑照詩曰九塗平望馬氏之行車後漢書曰明德馬后好儉常曰

如流水馬如龍顧洛宜木而謂宜黍此淮南子方有玉而圓有珠尹子

視御者不及遠矣

水方折者有玉圓折者有珠  
清水有黃金龍淵有二英  
有餘莊子曰貨粟於監河侯侯曰我將得邑金貨子三百斤可乎周曰  
所見中道而呼者周顧視車轍中有網魚焉曰東海之波臣若豈  
有斗升之水活我哉周曰我且南遊說吳楚之王激西江之水而迎子  
可乎魚曰吾得斗升之水然活耳君乃言此會不如早索我於枯魚之

斯流濕之為美豈獨薦獻於潢污易曰水流濕火就燥左傳曰筐筥  
於鬼神可以  
羞於王公

導岍及岐至于荆山逾于河壺口雷首至于大岳底柱析城至于王屋  
太行恒山至于碣石入于海西傾朱圉鳥鼠至于太華熊耳外方桐柏  
至于陪尾導嶠冢至于荆山內方至于大別岷山之陽至于衡山過九  
江至于敷淺源導弱水至于合黎餘波入于流沙導黑水至于三危入  
于南海導河積石至于龍門南至于華陰東至于底柱又東至于孟津  
東過洛汭至于大伾北過洛水至于大陸又北播為九河同為逆河入  
于海嶠冢導漾東流為漢又東為滄浪之水過三澨至于大別南入于  
江東匯澤為彭蠡東為北江入于海岷山導江東別為沱又東至于澧  
過九江至于東陵東迤北會為滙東為中江入于海導沅水東流為濟

入于河溢爲榮東出于陶丘北又東至于荷又東北會于汶又北東入于海導淮自桐栢東會于泗沂東入于海導渭自烏鼠岡定東會于灋又東會于涇又東過漆沮入于河導洛自熊耳東北會于澗灑又東會于伊又東北入于河

禹貢

東南曰揚州其山鎮曰會稽其澤藪曰具區其川三江其浸五湖正南曰荊州其山鎮曰衡山其澤藪曰雲夢其川江漢其浸潁湛河南曰豫州其山鎮曰華山其澤藪曰圃田其川滎雒其浸波澆正東曰青州其山鎮曰沂山其澤藪曰望諸其川淮泗其浸沂沐河東曰兗州其山鎮曰岱山其澤藪曰大野其川河沛其浸廬維正西曰雍州其山鎮曰嶽山其澤藪曰絃蒲其川涇汭其浸渭洛東北曰幽州其山鎮曰醫無閭其澤藪曰豸養其川河沛其浸菑時河內曰冀州其山鎮曰霍山其澤藪曰楊紆其川漳其浸汾潞正北曰并州其山鎮曰恒山其澤藪曰昭余祁其川滹池嘔夷其浸涑易

周禮

自恒山至於南河千里而近自南河至於江千里而近自江至於衡山

丹恒山至於南河千由二而近自南河至於沅千里而近自江至於衡山

千里而遙自東河至於東海千里而遙自東河至于西河千里而近自

西河至於流沙千里而遙西不盡流沙南不盡衡山東不盡東海北不

盡恒山 王制

魯有大野 今高平鉅野縣東北大澤是也 晉有大陸 今鉅鹿北廣河澤是也 秦有楊陜 今在扶風

宋有孟諸 今在梁國睢陽縣東北 楚有雲夢 今南郡華容縣東南巴丘湖是也 吳越之間有具區

今吳縣南太湖 齊有海隅 海濱廣斥 燕有昭余祁 今太原鄆陵縣北九澤是也 鄭有圃田

今滎陽中牟縣 周有焦護 今扶風池陽縣中

東方之美者有醫無閭之珣玗琪焉 醫無閭山名今在遼東珣玗琪玉屬 東南之美者有

會稽之竹箭焉 會稽山名今在山陰縣南竹箭篠也 南方之美者有華山之金石焉 黃金礪石

屬西方之美者有霍山之多珠玉焉 霍山今在平陽永安縣東 西北之

美者有崑崙虛之瑊琅玕焉 瑊琅玕美玉名琅玕狀似珠也 北方之美

者有幽都之筋角焉 幽都山名謂有 東方之美者有斥山之文皮焉 虎豹

之屬皮有 中有岱嶽與其五穀魚鹽生焉 言泰山有魚鹽之

東至於泰遠西至於汾國南至於濮鈞北至於祝栗謂之四極 皆四方

存多已

恩錄類考

三

三

國觚竹北戶西王母日下謂之四荒觚竹在北比戶在南西王母在西

者九夷八狄七戎六蠻謂之四海九夷在東八狄在北七戎在南六蠻在次四荒者 岨齊州以

南戴日為丹穴岨去也北戴斗極為空桐戴東至日所出為太平西至

日所入為太蒙即家太平之人仁丹穴之人智太蒙之人信空桐之人

武地氣使之然爾雅四極

邑外謂之郊郊外謂之牧牧外謂之野野外謂之林林外謂之坳邑國

假令百里之國五十下溼曰隰大野曰平廣平曰原高平曰陸大陸曰

阜大阜曰陵大陵曰阿可食者曰原可種穀陂者曰阪阪陀下者曰溼

公羊傳曰一歲曰蓄今江東呼初耕二歲曰新田詩曰于三歲曰畬

易曰不蓄畬爾雅釋野

河南華華陰河西嶽吳河東岱岱宗河北恒北嶽江南衡衡山山三襲

陟襲亦再成英兩山一成坏書曰至山大而高崧今中嶽高高山小而

高岑言岑鏡而高嶠言嶠卑而大扈扈廣小而衆歸叢羅小山岌大山

恒岌謂屬者嶧言絡絡獨者謂謂亦上正章山宛中隆山中山脊岡

謂山未及上翠微山頂豕巖嶽者屨屨謂山峯山如堂者密堂室

者子曰松栢之兒如防者盛陽巒山墮謂山形長狹者州謂重巖

兼謂山形如累兩巖巖左右有岸屈夾山大山宮小山霍宮謂圍繞

君謂廬宮小山別大山鮮不相山絕陁連山中多小石礫多大石

之是也多盤多草木帖無草木皆見山上有水埒有停夏有水冬無水泉

有停山續無所通所謂窮瀆者雖無所石戴上謂之崔嵬石山上

戴石為砮土山上山夾水澗陵夾水瀟別山陵間山有穴為岫謂叢山

西曰夕陽暮乃山東曰朝陽旦即泰山為東嶽華山為西嶽霍山為南

嶽即天柱山恒山為北嶽常高高為中嶽大室梁山晉望也晉國所望

馮翊夏陽縣西北臨河上爾雅釋山泉一見一否為馱馱井一有水一無水為瀦瀦洑山海經曰天井夏有

濫泉正出正出湧出也公羊傳曰直沃泉縣出縣出下出也從上沈泉

穴出穴出又出也從旁涔關流川通過辨回川旋灘反入即河水決出

之有灘猶澗沙出今江東呼水中汧出不流水泉潛出便歸異出同流

注之有泥沙堆為潭音旦汧出不流自停成汧池歸異出同流

存子記泉類考

肥毛詩傳曰所出漢大出尾下今河東汾陰縣有水口如車輪許濟

復有漢亦如之相去數里而夾河中階上又有一漢漢源皆潛相通

在汾陰者人雍其流以為陂種稻呼其本所出處為漢魁此是也尾猶

也水醮曰醮謂水水自河出為灘書曰灘濟為楚汶為瀾洛為波漢為

潛書曰沱淮為許江為沱書曰岷山導過為洵潁為沙汝為瀆詩曰

皆大水溢出別水決之澤為泃水亦名為泃決復入為汜水出河水

清且瀾漪大波為瀾言瀾小波為淪言瀪直波為徑有徑江有沱河有

灘汝有瀆此故上水別出許水水邊水草交為湄詩曰居濟有深涉

謂濟渡之處深則厲淺則揭揭者揭衣也謂褰以衣涉水為厲衣謂繇膝以

下為揭繇膝以上為涉帶以上為厲繇自潛行為泳水底行也晏子春

步順流七里汎汎揚舟紉繚維之紉繚也索繚綏也天子造舟比船諸侯

維舟四維連大夫方舟舟兩士特舟單庶人乘泝併木水注川曰谿注谿

曰谷注谷曰溝注溝曰澮注澮曰瀆此皆道水轉相灌逆流而上曰沂

泗順流而下曰沂詩見正絕流曰亂直橫渡也書江河淮濟為四瀆

山頂曰冢亦曰巔亦曰椒山脊曰岡山大而高曰嵩小而高曰岑銳而高曰嵩卑而大曰扈小而衆曰巋上天下小曰巖山有草木曰岵無草木曰岵石載土曰岨土載石曰崔嵬山東曰朝陽山西曰夕陽山足曰麓山穴曰岫山邊曰崖崖之高曰巖上秀者曰峰陬隅高者曰崑山坡曰坂山三龔曰陟山再成曰坏山中絕曰陁未及上曰翠微山屬曰嶧山狹而高曰巒巒山曰墮土山曰阜曲阜曰阿大阜曰陵小陵曰丘見爾雅釋名

一曰關內古雍州之境東拒河西抵隴阪南據終南之山北邊沙漠其名山大白九峻吳山岐山梁山秦華之嶽在焉其大川有涇渭灞澧二曰河南古豫兗青徐四州之境東盡于海西距函谷南瀕于淮北薄于河名山則有三嶠少室砥柱蒙山嶧山嵩岱二嶽在焉大川有伊洛汝潁沂泗之水淮濟之瀆三曰河東古冀州之境東拒恒山西據河南抵首陽太行北邊匈奴其名山則有雷首介山霍山崞山其大川有汾晉及丹沁之水四曰河北古幽冀二州之境東並於海南迫于河西距

太行恒山北通榆關薊門其名山有林慮白鹿封龍井陘碣石之山恒  
嶽在焉其大川有漳淇呼沱之水五曰山南古荆梁二州之境東接荆  
楚西抵隴蜀南控大江北據商華之山其名山有蟠冢熊耳巫峽銅梁  
荆山峴山大川則有巴漢沮洳之水六曰隴右古雍梁二州之境東接  
秦州西逾流沙南連蜀及吐蕃北界朔漠其名山有秦嶺隴坻西傾朱  
圍積石合黎崆峒三危鳥鼠同穴其大川則有洮水弱水羗水河瀆及  
休屠之澤在焉七曰淮南古揚州之境東臨海西抵漢南據江北距淮  
其名山有八公瀟大別霍山羅山塗山其大川有滁淝之水巢湖在焉  
八曰江南古揚州之南境東臨海西抵蜀南極嶺北帶江其山有茅山  
蔣山天目會稽四明天台括蒼縉雲金華大庾武夷廬山而衡嶽在焉  
其大川有浙江湘贛沅澧之水洞庭彭蠡太湖之澤九曰劔南古梁州  
之境東連牂牁西界吐蕃南接群蠻北通劔閣其名山有峨眉青城鶴  
鳴岷山其大川有涪雒及西漢之水江瀆在焉十曰嶺南古揚州之南  
境東南際海西極群蠻北據五嶺其名山有黃嶺及鬱之水靈洲焉其

大川有桂水鬱水

六唐六典

九域志滄州有漢武臺唐太宗紀貞觀十九年伐高麗班師次漢武臺刻石紀功臺餘基三成燕齊之士以為漢武求僊之處

困學紀聞

崑崙墟在西北去嵩高五萬里地之中也其高萬一千里度葱嶺已入北天竺境於此順嶺西南行十五日其道艱阻崖險岸絕其山唯石壁立千仞臨之目眩欲進則投足無所下有水名新頭河昔人有鑿石通路施倚梯者凡渡七百梯已躡懸絙過河河兩岸相去成八十步九驛所絕漢之張騫其英皆不至也余詎諸史傳即所謂蜀賓之境有盤石之磴道狹尺餘行者步騎相持絙橋相引二十餘里方到懸渡阻險危害不可勝言郭義恭曰烏耗之西有懸渡之國山谿不通引繩而渡故國得其名也其人山居佃于石壁間累石為室民接手而飲所謂援飲也有白羊小步馬有驢無牛是其懸渡乎

河水又東北會西川右合二水參差夾岸連袞負險相望河北有層山山甚靈秀山峯之上立石數百丈亭亭桀豎競勢爭高遠望巖巖若

攢圖之記霄上其下層巖峭舉壁岸無階懸巖之中多石室焉室中  
若有積卷矣而世士罕有津逮者因謂之積書巖巖堂之內每時見  
神人往還矣蓋鴻衣羽裳之士練精餌食之夫耳俗人不悟其仙者  
入謂之神鬼被羌目鬼曰唐述復因名之爲唐述山指其堂密之居  
謂之唐述窟其懷道宗玄之士皮冠淨髮之徒亦往棲託焉故秦州  
記曰河峽崖傍有二窟一曰唐述窟高四十丈西二里有時亮窟高  
百丈廣二十丈深三十丈藏古書五字亮南安人也下封有水導自  
是山溪水南注河謂之唐述水

河水又屈而東流爲北河東逕高闕南史記趙武靈王既襲胡服自代  
並陰山下至高闕爲塞山下有長城長城之際連山刺天其山中斷  
兩岸雙闕善能雲舉望若闕焉節狀表口故有高闕之名也自闕北  
出荒中闕口有城跨山結局謂之高闕戍上古迄今常置重捍以防  
塞道

河水又左得湍水口湍水又東流左右一水出善無縣故城西南八十

河水又左得瀟水口瀟水又東流左合一水出善無縣故城西南八十里其水西流歷于呂梁之山而爲呂梁洪其巖層岫行澗曲崖深巨石崇竦壁立千仞河流激盪濤湧雲襄雷奔洩震天動地曰呂梁未關河出孟門之上蓋大禹所關以通河也司馬彪曰呂梁在離石縣西今於縣西歷山尋河乃無過峘至是乃爲河之巨險即古梁矣河水又南過河東北屈縣西河水南逕北屈縣故城西十里有風山上有一穴如輪風氣蕭瑟習常不止當其衝飄也而畧無生草蓋不定衆風之門故也風山西四十里河南孟門山穆天子傳曰北登孟門九河之蹬孟門即龍門之上口也實謂黃河之巨阨兼孟津之名矣此石經始禹鑿河中漱廣夾岸崇深頽崖返捍巨石臨危若墜復倚古之人有言水非石鑿而能入石信哉其中水流交衝素氣雲浮往來遙觀者常若霧露沾人窺深悸魂其水尚崩浪萬尋懸流千丈渾洪轟怒鼓若山騰濤波頽疊迄于下口方知慎子下龍門流浮竹非駟馬之追也

左丘明國語云華嶽本一山當河河水過而曲行河神巨靈手盪脚躡

開而爲兩今掌足之跡仍存華巖開山圖曰有巨靈胡者偏得神元之道能造山川出河所謂巨靈顛負首冠靈山者也常有好事之人故升華嶽而觀厥跡焉自下廟歷列栢南行十一里東廻三里至中祠又西南出五里至南祠謂之北君祠諸欲升山者至此皆祈請焉從北南入谷七里又屆一祠謂之石養父母石龕木主存焉入南出一里至天井井栽容人穴空迂迴傾曲而上可高六丈餘山上又有微涓細水流入井中亦不甚沾人工者皆所由涉更無別路欲出井望空視明如在室窺窻也出井東南行二里峻坂斗上斗下降此坂二里許又復東上百丈崖升降皆湏扳繩挽葛而行矣南上四里路到石壁緣旁稍進逕一百餘步自此西南出六里又至一神名曰胡趨寺神像有童子之容從祠南歷夾嶺栽廣三尺餘兩箱崖數萬仞窺不見底祀祠有感則雲與之平也然後敢度猶湏騎嶺抽身漸以就進故世謂斯嶺爲擗嶺失度此二里便屆山頂上方七里靈泉二所一名蒲池西流注于澗一名太上泉東注澗下上宮神廟近東北

隅其中塞實雜物事難詳載自上宮東北出四百五十步有屈嶺東南望巨靈手跡唯見洪崖赤壁而已都無山下上觀之分均矣

河水自潼關東北流水側有長坂謂之黃卷坂傍絕澗涉此坂以升潼關所謂泝黃卷以濟潼關矣歷北出東嶠通謂之函谷關也遂岸天高空谷幽深澗道之峽卓不方軌號曰天嶮關之直北隔河有層阜巍然獨秀孤峙河陽世謂之風陵

河水又東北王澗水注之水南出王溪北流逕皇天原西周固記開山東首上平博方可里餘三面壁立高千許仞漢世祭天於其上名之爲皇天原上有漢武帝思子臺

河水又東千嶠之水注焉河水翼岸夾山巍峩岐舉羣山疊秀重嶺千霄自砥柱以下五戶已上其間一百二十里河水竦石桀出勢連襄陸湍流激石雲洄濼波怒深合有一十九灘水流迅急勢同三峽雖世代加功水流湍澗濤波尚屯及其商舟是次鮮不躊躇難濟

河水又東與教水合出垣縣北教山其水南流歷鍾鼓上峽懸洪五丈

飛注流壑夾岸深高壁立直上經崖秀舉百有餘丈峯次青松元巖  
頽石於中歷落有翠栢生焉丹青綺分望若圖繡矣

成臯城西北隅有小城周三里北面列觀臨河茗茗孤上景明中言之  
壽春路直茲邑昇眺清遠勢盡川陸羈途游至有傷深情

汜水又北右合石城水其山複澗重嶺歌疊若城山頂泉流瀑布懸瀉  
下有濫泉東流洩注邊有數十石哇哇有聲野蔬巖側石窟數口隱  
跡存焉而不知誰所經始也

管涔之山汾水出焉其山重阜修層有草無木泉源道於南麓之下蓋  
稚水濛流耳又西南夾岸連山巒峯接勢汾水又南與東西温溪合  
水出右近溪聲流翼注水上雜樹交陰雲垂煙接自是水流潭漲波  
襄轉泛有羊腸坂在晉陽西北石磴縈委若羊腸焉

澮水出河東絳縣東澮交東高山水出絳山東至寒泉奮湧揚波北注  
懸流奔壑十一許丈青崖若點點素湍如委練望之極爲奇觀矣

史記稱智伯率韓魏引水灌晉陽不沒者三板智氏曰吾始不知水

史記稱智伯率韓魏引水灌晉陽不沒者三板智氏曰吾始不知水  
以亡人國乃今知之汾水可以浸平陽絳水可以浸安邑時韓居平  
陽魏居安邑魏桓子肘韓康子康子履魏桓子肘足接於車上而智  
氏以亡魯定公問一言可以喪邦有諸孔子以爲幾乎余覩智氏之  
談矣

河東鹽池謂之解鹽今池水東西七十里南北十七里紫色澄渟渾而  
不流水出石鹽自然印成朝取夕復終無減損唯山暴雨澍其潦奔  
迭則鹽池用耗故公私共渴水徑防其淫濫故謂之鹽水亦爲塌水  
也山海經謂之鹽販之澤澤南面層山天巖雲秀池谷泉深左右壁  
立間不容軌謂之石門路出其中名之曰徑南通上陽北墜鹽澤池  
西又有一池謂之女鹽澤東西二十五里南北二十里在猗氏故城  
南

涑水又西南屬于陂陂分爲二城南面兩陂左右澤渚東陂世謂之晉  
興澤東西二十五里南北八里南對鹽道山其西則石壁千尋東則  
礮溪萬仞方嶺雲迴奇峰霞舉孤標秀出羣山之表翠栢蔭峯

清泉灌頂郭景純云世所謂鸞漿也發於上而潛於下矣厥頂方平有良藥是以緇服思玄之士鹿裘念一之夫代往遊焉路出北巘勢多懸絕來去者咸援蘿騰崖尋葛降深於東則連木乃陟百梯方降巖側縻鎖之跡仍今存焉故亦曰百梯山也

文水又南逕縣右會隱泉口水謁泉山之上頂其山石岸地險壁立天固崖平有一石室去地可五十餘丈爰有層松飾巖列栢綺望唯西側一處得歷級升陟頂上平地一十許頃沙門釋僧光表建二刹泉發於兩寺之間東流歷石淙注山下又東津渠隱沒而不恒流故有隱泉之名矣

晉水出晉陽縣西懸壅山山海經曰懸壅之山晉水出焉今在縣之西南昔智伯之遏晉以水灌晉陽其川上原後人踵其遺蹟畜以爲沼沼西際山枕水有唐叔虞祠水側有涼堂結飛梁於水上左右雜樹交陰希見曦景至有淫朋密友羈遊宦子莫不尋梁契集用相娛慰於晉川之中最爲勝處

灤水出歷縣故城西南泉源上奮水涌若輪其水北爲大明湖西即大明寺寺東北兩面側湖此水便成淨池也池上有客亭左右楸桐負日俯仰目對魚鳥極水木明瑟可謂濠梁之性物我無違矣

濟水又東北華不注山單椒秀澤不連陵以自高虎牙築立孤峰特拔以刺天青崖翠發望同黠山下有華泉春秋左傳成公二年齊頃公與晉卻尅戰于鞏齊師敗績逐之三周華不注逢丑父與公易位將及華泉驂絙於水而止丑父使公下如華泉取飲齊侯以免即華水也北絕聽瀆二十里注于濟

清水出河內修武縣之北黑山黑山在縣北白鹿山之東清水所出也上承諸陂散泉積以成川南流西南屈瀑布乘巖懸河注壑二十餘丈雷扑之聲震動山谷左右壁層深獸跡不交隍中散水霧合視不見底南峯北嶺多結禪栖之士東巖西谷又是剝靈之圖竹栢之懷與神心妙遠仁智之性共山水効深更爲勝境也其水歷澗流飛清洞觀謂之清水矣

又進七賢祠東左右筠篁列植冬夏不變貞萋次東又得焦泉泉發于  
天門之左天井固石天門山石自空狀若門焉廣三丈高兩匹深丈  
餘更無所出世謂之天門也東五百餘步中有石穴西向裁得容人  
平得東南入徑至天井直上三匹有餘扳躡而升至東平西二百  
步南北七百步四面峻絕無由昇陟矣上有北立釋僧訓精舍寺十  
有餘僧給養難周多出下平有志者居之寺左右雜樹踈挺有一石  
泉方丈餘清水湛然嘗無增減山居者資以給飲北有石室二口舊  
是隱者念一之所今無人矣次東得魚鮑泉次東得張波泉次東得  
三淵泉梗河叅連女宿相屬是四川在重門城西並單川南注也  
折城山在濩澤南山甚高峻上平坦下有二泉東濁西清左右不生草  
木數十步外多細竹其水自山陰東入濩澤水濩澤水又東南注于  
沁水沁水又東南陽阿水左入焉水北出陽阿川南流逕建興郡而  
其水又東南流逕午壁亭東而南入山泂波漱石瀨澗入丈環濤轂  
轉西南流入于沁水又南五十餘里汾上下步逕裁通小竹細筍被

于山渚蒙籠拔密竒爲翳薈也

沁水東逕野王縣故城北水北有華嶽廟廟側有攢栢數百根對郭臨川負岡蔭渚青青彌望竒可玩也

上黨記曰長平城在郡之南秦壘在城西二軍共食流水澗相去五里秦坑趙衆收頭顱築臺壘甲因山爲臺崔嵬桀起今仍號曰白起臺城之左右沁山巨隄南北五十許里東西二十餘里悉秦趙故壘遺壁舊存焉

丹水又東南歷西巖下巖下有泉湧發洪源巨輪淵深不測蘋藻冬芹竟川含綠雖嚴辰肅月燕麥暄萋

淇水出沮如山水出山側頽波瀾注衝激橫山山上合下開可減六七十步巨石礫砢交積隍澗傾澗濟溢勢同雷轉激水散氛暖若霧合又東北活水注之水出壺關東玷臺下石壁崇高昂藏隱天泉流發于西北隅與金谷水合金谷即玷臺之西溪也

淇水又東北西流水注之水出東大嶺下西流逕石樓南在北陵石上

練垂桀立亭亭極峻其水西流水也

隆慮縣北有隆慮山昔帛仲理之所遊神也縣有黃水出于神囷之山黃華谷地匡高十七里水出木門帶帶即山之第三級也去地七里懸水東南注壑直瀉巖下狀若雞翹故謂之雞翹洪蓋亦天台赤城流也

倉石水出林慮縣之倉石溪東北逕魯班門西闕昂藏石壁霞舉左右結石修坊崇基仍崙北逕偏橋東即林慮之嶠嶺抱犢固也石磴西陞陟踵修上五里餘崿路中斷四五丈中以木爲偏橋劣得道行亦言故有偏橋之名矣自上猶須攀蘿捫葛方乃自津山頂即庚眩墜處也倉石水又北合白水溪溪水出壺關縣東白水川東逕百畝城北蓋同仇池百頃之稱矣

二館之城澗曲泉清山高林茂風煙披薄觸可栖情方外之士尚馮依舊居取暢林木其水東南入于易水

濡水又東南逕樊於期館西是其授首於荆軻處也濡水又東南流逕

荆軻館北昔燕丹納田生之言尊軻上卿館之於此二城並廣一里許俱在罌阜之上邪上而下方其水側有數陵墳高壯望若青丘其水之故瀆南出屈而東轉又分爲三瀆一水東注金臺陂一水逕故安城西側城南注易水夾塘崇峻邃岸高深左右百步一釣臺叅差交峙迢遞相望更爲佳觀矣釣臺高丈方可四十步陂北十餘步有金臺臺上東西八十許步南北加減高十餘丈昔慕容垂之爲范陽也戍之即斯臺北有蘭馬臺並悉高數丈秀峙相對翼臺左右水流經通長廡廣宇周施浦浦棟楮咸淪柱礎尚存是其基構可得而尋訪諸耆舊咸言昭王禮賓廣延方士至如郭隗樂毅之徒鄒衍劇辛之儔宦遊歷說之民自遠而屆者多矣不欲令諸侯之客伺隙燕邦故修連下都館之南垂言燕昭創之於前子丹踵之於後故彫墻敗館尚傳鐫刻之名雖無紀可憑察其古蹟似符傳矣

濡水東合檀山水水道縣西北檀山西南南流與石泉水會水出石泉固東南隅水廣二十許步深三丈固在衆山之內平川之中四周絕

澗阻水八丈有餘石高五丈石上赤土又高一丈四壁立在上廣四十五步水之不周者路不容軌僅通人馬謂之石泉固固上宿有白楊寺是白楊山神也寺側林木交蔭叢柯隱景沙門釋法澄建刹於其上更爲思玄之勝處也

卽山東北燕王仙臺臺有三峰甚爲崇峻騰雲冠峯高霞翼嶺岫壑冲深合煙罩霧耆舊言燕昭王求仙處其東謂之石虎罝

易水又東逕孔山北山下有鍾乳穴出佳乳採者熇火尋炒入穴里許度一水潛通流注其深可涉於中衆穴竒分令出入者疑迷不知所趣每於疑路必有歷記返者乃尋孔以自達矣上又有大孔壑達洞開故以孔山爲名也

涇水自靈丘縣南流入峽謂之隘門設隘於峽以譏禁行旅歷南山高峯隱天深溪埒谷其水沿澗西轉逕御射臺南臺在比阜上臺南有御射石碑南則秀障分霄層崖刺天積石之峻壁立直上車駕沿革每出所遊藝焉

滌水又逕倒馬關關山峻隘是爲深峭勢均詩人高置之病良馬傳險  
之行軒故關受其名焉南山上起御坐於松園建祗洹東圃北二面  
岫障高深霞峯隱日水望澄明淵無潛甲行李所逕鮮不徘徊忘返  
矣

滌水自倒馬關南流與大嶺不合水出山西南大嶺下東北流出峽峽  
右山則有洹精廬飛陸陵山丹盤虹梁長津泛瀾縈帶其下東北流  
注于滌滌水又嶺而東合兩嶺溪水水出恒山北阜東北流歷兩嶺  
間北嶺雖層陵雲舉猶不若南巒峭秀自水南步遠峯石磴逶迤公  
途九曲歷睇諸山咸爲劣矣抑亦羊腸邛來之類者也

懸承出山原岫盤谷輕滯瀝下分石飛懸水一匹有餘直灌山際白波  
奮流自成潭渚其水東南流揚湍注于滌

又有一水道源盧奴縣之西北東流至唐城西北隅竭而爲湖俗謂之  
唐池蓮荷被水勝遊多萃其上信爲嬉處也

博水又東南逕穀梁亭南又東逕陽城縣散爲澤渚渚水潴漲方數里

匪直蒲筍是豐實亦偏饒菱藕至若蠻童卯及弱年女子或單舟採菱或疊舸折艾長歌陽春愛深淥水掇拾者不言疲謠詠者自于時行旅過矚亦有慰於羈望矣世謂之陽城澱也

廣昌嶺高四十餘里二十里中委折五廻方得達其上嶺故嶺有五廻之名下望層山盛若蟻垤實蕪孤山之稱亦峻嶮也徐水三源竒發齊瀉一澗東流北轉逕東山水西有御射碑徐水又北流西屈逕南巖下水陰又有一碑徐水又隨山南轉逕東崖下水際又有一碑凡此三銘皆翼對層巖巖障深高壁立霞峙石文云皇帝以太延元年十二月車駕東巡逕五廻之嶮途覽崇岸之竦峙乃停駕路側援弓而射之飛矢踰于巖山刊石用讚元功夾碑並有層臺二所即御射處也

徐水屈東北逕即山又屈逕其山南岑山岑競舉若豎鳥翅立石巔巖亦如劍杪極地嶮之崇峭

徐水又東南流歷石門 世俗謂之龍門也其山上合下開間處高六

徐水又東南流歷石門世俗謂之龍門也其上合下開間處高六丈飛水歷其間南出乘崖傾瀾泄注七丈有餘濟盪之音奇為壯猛觸石成井水深不測素波白激濤襄四陸闕之者驚神臨之者駭魄矣

涑水又南逕藏刀山下層巖壁立直長千霄遠望崖側有若積刀鏐鏐相比咸悉西首一水東南流即督亢溝也水盛則長津弘注水耗則通波潛伏重源顯於廼縣舊則川矣

涑水上承故瀆於縣北垂重源再發結為長潭潭廣百許步長數百步左右翼帶洧流控引水自成淵渚長川漫下十一許步東南流逕縣故城東謂之巨馬河

巨馬水又東酈亭溝水注之水上承督亢溝水於廼縣東東南流歷紫淵東余六世祖樂浪府君自涿之先賢鄉爰宅其陰西帶巨川東翼茲水枝流津通纏絡墟圃匪直田魚之贍可懷信為遊神之勝處也濕水又東北流左會桑乾水縣西北上下洪源七輪謂之桑乾泉即涑涑水者也耆老云其水潛承太原汾陽縣北燕京山之六池池在山

原之上世謂之天池方里餘其水澄淨鏡而不流若安定朝那之  
湫淵也清水流潭皎焉冲照池中嘗無斥草及其風澤有淪輒有小  
鳥翠色投淵銜出若會稽之私鳥也

桑乾枝水又東流津委浪通結兩湖東湖西浦淵潭相接水至清深晨  
鳧夕鴈泛濫其上黛甲素鱗潛躍其下俯仰池潭意深魚鳥所寡唯  
良不耳

濕水又東北逕白狼堆南魏列祖道武皇帝於是遇白狼之瑞故斯阜  
納稱焉阜上有故宮廟樓榭基雉尚崇每至鷹隼之秋羽獵之日肆  
閱清野爲昴眺之逸地矣

泮水又東注于如渾水亂流逕方嶺上有文明太皇太后陵陵之東北  
有高祖陵二陵之南有水固堂堂之四周隅雉列榭階欄檻及扉戶  
梁壁椽瓦悉文石也檐前西柱採洛陽之八風谷黑石爲之雕鏤隱  
起以金銀間雲雉有若錦焉冢左右列栢四周迷禽閣日院外西側  
有思遠靈圖圖之西有齋堂南門表二石闕闕下斬山累結御路下

望靈泉宮池皎若圓鏡矣靈泉池南面舊京北背方嶺左右山原亭  
觀繡峙方湖及景若三山之倒水下

美溝水出朝歌西北大嶺下更出逕駝谷於中逶迤九十曲故俗有  
美溝之日矣歷十二崿崿流相承泉響不斷返水捍注倦後深隍隍  
間積石千通水穴爲變觀者若思不周賞情之圖狀矣

火山西溪水導源火山西北流山上有大井南北六十七步廣尺許  
源深不見底炎勢上升常若微雷發響以草爨之則煙騰火發東方  
朔神異傳云南方有大山焉長四十里廣四五里其中皆生不燼之  
木晝夜火然得雨猛風不滅火中有鼠重百斤毛長二尺餘網如絲  
色白時時出火以水逐而沃之則死其毛績以爲布謂之火浣布是  
山亦其類也但卉物則不能然其山以火從地中出故亦名熒臺矣  
火井東五六尺又東有湯井廣輪與火井相狀勢熱又同以草內之  
則不然皆沾濡露結故俗以湯井爲目井北百餘步有東西谷廣十  
許步南岬下有風穴厥太容人其深不測而穴中蕭蕭常有微風雖

三伏盛暑猶須襲裘寒吹凌人不可暫停而其山出雛鳥形類雅鳥  
純黑而姣好音與之同績彩緝發翮若丹砂性馴良而易附非童幼  
子捕而執之自恒山已北並有此矣

武周川水又東南流水側有石祗洹舍并諸窟室比丘尼所居也其水  
又東轉逕靈巖南鑿石開山因崖結構其容巨壯法世所締山堂水  
殿烟寺相望林淵錦鏡綴日新眺

陽溝水出居庸縣東北西南流逕縣城北西逕大翻小翻山南高巒截  
雲層陵斷霧雙阜共秀競舉群峯之上

濕餘水出上谷居庸關東其水導源關山南流歷故關下溪之東岍有  
石室三層其戶牖扇扉悉石也蓋古關之候臺矣南則絕谷累石爲  
關址崇墉峻壁非輕功可舉山岫層深側道褊狹林障遽峻路才容  
軌曉禽暮獸寒鳴相和羈官遊子聆之者莫不傷思矣

石門水出伏凌山山高峻巖障寒深陰崖積雪凝冰夏結事同讎騷  
峨之詠

城之款  
鮑丘水又東南入夏澤澤南紆曲渚一十餘里北佩謙澤眇望無限也  
盤山水出山上其峻嶮人迹罕交去山三十餘里望山上水可高二十  
餘里素湍皓然頽波歷溪公流而下自西北轉注于洵水  
武列水東南歷石碁下左層巒之上有孤石雲舉臨崖危峻可高百餘  
仞牧守所逕命選練之士彎弧矢無能屆其崇標者

盧龍塞道自無終東縣出渡瀟水向林蘭陁東至清陁盧龍之峻峻坂  
崇折故有九崢之名矣陳壽魏志曰疇引軍出盧龍塞塹山堙谷五  
百餘里逕白檀歷平罡登白狼望柳城平罡在盧龍東北遠矣

黃城溪亦出鵝鵝山有二峰峻極于天高崖雲峯亢石無階猿徒喪其  
捷巧麕族窮其輕工及其長霄昌鎮層霞冠峯方乃就辨優劣耳故  
有大小鵝鵝之名矣

羅水北流逕九山東水出百稱山東谷其山孤峯秀出嶢峽分立仲長  
統曰昔宓有城者身遊九山之上放心不拘之境謂是山也

伊水歷嵯口山峽也翼嵯深高壁立若闕嵯上有塢伊水逕其下歷峽

北流即古三塗山也司馬侯曰四嶽三塗陽城太室荆山中南九州之險也服虔曰三塗太行轅轅峭崿非南望也

東巖西嶺並鑄石開軒高覺架峰西側靈巖下泉流東注入于伊水遙肇宮南歷景陽山北山在都亭堂上結方湖湖中起御坐石也御坐前建蓬萊山曲池接遙飛沼拂席南回射侯夾席武峙背山堂上則石路崎嶇巖嶂峻嶮雲臺風觀纓帶阜逕觀者升降耶閣出入虹陞望之狀鳥沒鸞舉矣其中引水飛畢傾瀾瀑布或柱渚聲溜潺潺不斷竹栢蔭於層石繡薄叢於泉側微颺暫拂則芳溢於六空入爲神居矣

吳山三峰霞舉霄秀雲天崩巒傾返山頂相捍望之恒有落勢山下石穴廣四尺高七尺水溢石空懸波側注瀚漭盪發源穴川北流注于汧自水會上下咸謂之魚龍川

衛度世登華見其父與數人博於石上勅度世令遠山山層雲秀故能懷靈抱異耳山上有二泉東西分流至若山雨滂湃洪津泛灑挂溜

騰虛直瀉山下

塞峽左山側有石穴洞入言潛通下辨所未詳也其水出峽西北流注漢水北連山秀舉羅峰兢峙山在蟠冢之西七十里罡山上有城極爲巖固昔諸葛亮攻祁山卽斯城也漢水逕其南城南三里有亮故壘壘之左右猶豐茂宿草蓋亮所植也在上邽西南二百四十里開山圖曰漢陽祁山溪徑逶迤山高巖嶮九州之名岨天下之竒峻今此山於衆阜之上亦非爲傑矣



漢水又東南逕瞿堆西又屈逕瞿堆南絕壁峭峙孤嶮雲高望之形若覆壺其高二十餘里羊腸蟠道三十六廻開山圖謂之仇夷所謂積石嵯峨嶽岑隱阿者也有平田百頃煮土成塩因以百頃爲號山上豐水泉所謂清泉湧沸潤氣之流者也漢武帝元鼎六年開以爲武都郡大池大澤在西故都爲目矣一名仇池池方百頃左右悉白馬氏矣

秦岡山尚婆水注之山高入雲遠望增狀若巖紆曦軒峯柱月駕矣

小劔北西去大劔三十里連山絕峻飛閣涌衢改謂之劔閣也張載銘  
曰一人守嶮萬夫趲趲信然故李特至劔閣而嘆曰劉氏有如此地  
而面縛於人豈不奴才也

丹水出丹魚先夏至十日夜伺之魚水郭側赤光上照如火網而取之  
割其血以塗足可以步行水上長居淵中丹水南有丹崖山山悉頽  
壁霞舉若紅雲秀天二岫更殊觀矣

汝水出西魯陽縣之大孟山黃栢谷巖障深高山岫邃密石徑崎嶇人  
跡裁交東北流逕大和城北左右深松列植筠栢交蔭尹公度之所  
栖神處也又東屆堯山一水東北出歷蒙栢谷左右岫壑爭深山阜  
競高夾水層松茂栢傾山蔭渚故世人以爲名也

溫水殷源揚波於川左泉上華宇連蔭茨薨交池石沼錯落其間順道  
者多歸之

馬融廣成頌云大漢之初基也揆厥靈囿營于南郊右轡三塗左枕嵩  
嶽面據衡陰箕背王屋浸以波澹瀆以榮洛金山石林殷起乎其中

神泉側出川水湜池怪石浮磬燿焜于其陂

汝水又東逕玄瓠城北今汝南郡治城之西北汝水枝別左出西北流  
又屈西東轉又西南會汝形若垂瓠灣中有地數頃上有栗園水渚  
即栗洲也樹木高茂望若屯雲積氣矣林中有栗堂射墀甚閑敞牧  
宰及英彥多所游薄平南王肅起高臺於小城建層樓於阿下際  
水渴降栗渚左右列榭四周參差競峙奇爲嘉觀也

潁水又東五渡水注之春夏雨泛水白山頂而迭相灌澍嶠流相承爲  
二十八浦山下大澤周數里而清深肅絜水中有立石高十餘丈廣  
二十許步上甚平整緇素之士多泛舟昇陟取暢山情

洧水又屈而東南流逕零鳥塢西側塢側有水懸流赴壑一匹有餘直  
注澗下淪積成淵嬉游者矚望奇爲佳觀

洧水又東南與龍淵水合水出長社縣西北有故溝上承洧水水盛則  
通注龍淵水減則津渠輟流其瀆中滋泉南注東轉爲淵淥水平潭  
清絜澄深俯視遊魚類若乘空矣所謂淵無潛鱗也

澮水又南懸流莽怒崩注文餘其下積水成潭廣四十許步淵深難測  
又南注于洧

郭緣生曾游北邑踐夷門升吹臺終古之跡緬焉盡在

陳留風俗傳曰縣有倉頡師曠城上有列仙之吹臺北有牧澤中出蘭  
蒲土多雋髦今帶牧澤方一十五里俗謂之蒲關澤即謂此矣梁王  
層築以爲吹臺城隍夷滅略存故跡今層臺孤立於牧澤之右矣

彭城小城西又一城是大司馬卬王所修因項羽故臺經始即構宮  
觀門閣惟新厥制冠軍將軍劉公之子登更築之悉以塼壘宏壯堅  
峻樓櫓赫奕南北所無自後毀撤時俱盡問遺工雕鏤尚存龍雲逞  
勢竒爲精妙矣

陸終之子其三曰箴是爲彭祖彭城是也下曰彭祖冢彭祖長年八百  
綿壽末世於此有家蓋亦元極之化矣其樓之側汴帶泗東此爲水  
之會也聳望川原極目清野斯爲佳處矣

睢陽縣有廬門亭城內有高臺甚秀廣巍然介立超焉獨上謂之秦臺

亦曰升臺焉當昔全盛之時故與霞競遠矣

西園多士平臺盛賓劬馬之客咸在伐木之歌屢陳是用追芳昔娛神  
游千古故亦一時之盛事今也歌堂淪宇律管埋音孤墓塊立無復  
曩日之望矣

自入萊蕪谷夾路連山百數呈水隍多行石澗中出草藥饒松栢林藿  
綿濠崖壁相望或傾岑阻徑或迴巖絕谷清風鳴條山壑俱響凌高  
降深兼惴慄之懼危溪徑過懸度之艱未出谷十餘里有別谷在孤  
山谷有清泉泉上數丈有石穴二口容人行入穴丈餘高九尺許廣  
四五丈言是昔人居山之處新爨煙墨猶存谷中林木緻密行人  
有能至矣

溪水出太山天門下谷東流古者帝王升封咸憇此水水上往往有石  
竅存焉蓋古設舍所躋處也馬第伯書云光武封太山第伯從登山  
去平地二十里南向極望無不覩其爲高也如視浮雲其峻石壁宵  
窳仰視巖石松樹鬱鬱蒼蒼如在雲中俯視溪谷碌碌不可丈尺直

上七十里天門仰視天門如從穴中視天矣

嶧山東西二十里高秀獨出積石相臨殆無土壤石間多孔穴洞達相通往往有如數間屋處其俗謂之嶧孔遭亂輒將處人入嶧外寇雖衆無所施害

泗上之水有石梁焉故曰呂梁也昔宋景公以弓工之弓彎弧東射矢集彭城之東飲羽於石梁即斯梁也懸濤湍濟實爲泗峻孔子所謂魚鼈不能道又云懸水三十仞流沫九十里今則不能也蓋惟嶽之喻未便極天明矣

陽水又東北流石井水注之水出南山頂洞開望若門焉俗謂是山爲磬頭山其水北流注井井際廣城東側三面積石高深一匹有餘長津激浪瀑布而下彭蠡之音驚川聒谷湍濟之勢狀同洪水北流入陽水余生長東齊極遊其下於中關絕乃積綿載後因王事復出海岱郭金紫惠同石井賦詩言意爾日嬉娛尤慰羈心但恨此水時有通塞耳

陽水東逕故七級寺禪房南水北則長蕪瀨駕崙閣承阿林之際則繩坐䟽斑錫鉢開設所謂修修釋子眇眇禪棲者也

秦始皇登琅邪大樂之山作層臺於其上謂琅邪臺臺在城東南十里孤立特顯出于衆山上下周二十里餘傍濱巨海秦王樂之因留三月乃徙黔首二萬戶於琅邪山下復十二年所作臺基三層層高三丈上級平敞方二百餘步高五里刊石立碑紀秦功德臺上有神淵淵主靈焉人汗之則竭齋潔則通神廟在齊八祠中漢武帝亦嘗登之

初平中劉焉以張魯爲督義司馬往漢中斷絕谷道用遠城治因即嶠嶺周廻五里東臨濬谷杳然百尋西北二面連峰接崖莫究其極從南爲盤道登陟二里有餘

褒水又東南得丙水口水上承丙穴出嘉魚常以三月出十月入地穴口廣五六尺去平地七八尺泉懸注魚自穴下透入水穴口向丙

寒泉湧山頂望之交橫似若瀑布頽波激石散若雨灑勢同厥源風雨之池其水西流入于酉水

陽都坂自上及下般折一十九曲西連寒泉嶺漢中記曰自西城涉黃金峭寒泉嶺陽都坂峻崿百重絕日萬尋既造其峰謂以踰崧岱復瞻前嶺又倍之過言陟羊腸超煙雲之際顧看向塗杳然有不測之險山豐野牛野羊騰巖越嶺馳走若飛觸樹木十圍皆倒山殫良岨地窮坎勢矣

漢水又東逕嵐谷北口嶺遠溪深澗峽吹近氣蕭蕭以瑟瑟風颼颼而颼颼故川谷擢其目矣

漢水又東爲鱸湍洪波洊溢崩浪雲頽古者舊言有鱸魚奮鱗溯流望濤直上至此則曝鰓失濟故因名湍矣

錫縣有錫義山方圓百里形如城四面有門上有石壇長十餘丈世傳列仙所居今有道士被髮餌木恒數十人山高谷深多生薇蕨草其草有風不偃無風獨搖

檀溪水出自鳴湖北逕漢陰臺西臨流望遠按眺農圃情邈灌蔬意寄  
漢陰故因名臺矣溪之陽有徐元直崔州平故宅悉人居故習鑿齒  
與謝安書云每省家舅司檀溪念崔徐之友未嘗不撫膺躊躇惆悵  
終日矣

沔水中有魚梁州龐德公所居士元居漢之陰在南白沙故世謂是地  
爲白沙曲矣司馬德操宅洲之陽望衡對宇懽情自接泛舟褰裳率  
爾休暢豈待還桂拖於千里貢深心於永思哉水南有層臺號曰景  
昇臺言表盛遊於此嘗所止懽表性好鷹嘗登此臺歌野鷹來曲其  
聲韻似孟達上堵吟矣

沔水又東南逕蔡洲漢長水校尉蔡瑁居之故名蔡洲洲天呀西有洄  
湖停水數十畝長數里廣減百步水色常綠楊儀居上洄楊顛居下  
洄與蔡洲相對在峴山南廣昌又東入侍中襄陽侯習郁魚池郁依  
范蠡養魚法作大陂陂長六十步廣四十步池中起釣臺池北亭郁  
墓所在也列植松篁於池側沔水上郁所居也又作石伏逗引大池

水於宅北作小魚池池長七十步廣十二步西枕大道東北二邊限以高堤楸竹夾植蓮芡覆水是遊宴之名處也山季倫之鎮襄陽每臨此池未嘗不大醉而還恒言此是我高陽池故時人爲之歌曰山公出何去往至高陽池日暮倒載歸酩酊無所知

楊水及東北流得東赤湖口湖周五十里城下陂池皆來會同湖東北有大置臺高六丈餘縱廣八丈一名清暑臺秀宇層明通望周博游者登之以暢遠情

山陰縣西四十里有二溪東溪廣一丈九尺冬煖夏冷西溪廣三丈五尺冬冷夏煖二溪北出行三里至徐村合成一溪廣五丈餘而溫涼又雜

東南地卑萬流所湊濤湖泛決觸地成川枝津交渠世家分夥故川舊瀆難以取悉雖祖依縣地緝綜所纏亦未必一得其實也

武當山一曰太和山亦曰紫上山山形特秀又曰仙室荊州齒副記曰山形特秀異於衆嶽峰首狀博山香爐亭亭遠出藥食延年首萃焉

菊水出西北石澗山芳菊溪亦言出祈谷蓋溪澗之異名也源傍悉生  
菊草澗澗滋液極成甘美云此谷之水土食挹長年司空王暢太傅  
袁隗太尉胡廣並汲飲此水以自緩養是以君子留心甘其臭尚矣  
義陽郡有九渡水注之水出雞翅山礪澗澗委沿澗九渡矣於溪之東  
山有一水發自山椒下數丈素湍直注頽波秀壑可數百丈望之若  
霏幅練矣下注九渡水

涇水之北有積石焉世謂女靈山其山平地介立不連岡以成高峻石  
孤峙下托勢以自遠四面壁絕極能靈舉遠望亭狀單楹插霄矣北  
面有如頽落劣得道步好事者時有扳陟耳

涇水出蔡陽縣東南大洪山山在隋郡之西南竟陵之東北盤基所跨  
廣員一百餘里峯曰懸鉤處平縣衆阜之中爲諸嶺之秀山下有石  
門夾嶂層峻巖高皆數百許仞入石門又得鍾乳穴穴上素崖壁立  
非人跡所及穴中多鍾乳凝膏下垂望齊冰雪微津細液滴瀝不斷  
幽穴潛遠行者不極窮深而穴內嘗有風勢火無能以經久故也

溫水出竟陵之新陽縣東澤中口徑二丈五尺退岸重沙端淨可愛靖  
以察之則淵泉如鏡聞人聲則揚湯奮發無所復見矣其熱可以燂  
雞洪瀏百餘步冷若寒泉東南汎注于澗水

肥水自黎漿北逕壽春縣故城東爲長瀨津津側有謝堂北亭迎送所  
薄水陸舟車是焉萃止又西北左合東溪溪水引瀆北山西南流逕  
導公寺西寺側因溪建剎五層屋宇閑敞崇虛雋覺也又西南流注  
于肥肥水又西逕東臺下臺即壽春外郭東北隅阿之榭也東側有  
一湖三春九夏紅荷覆水引瀆城隍水積成潭謂之東臺湖亦肥南  
播也肥水西逕壽春縣城北右合北溪水導北山泉源下注漱石頽  
隍水上長林插天高柯負日出於山林精舍右山淵寺左道俗嬉遊  
多萃其下內外引汲泉同七淨溪水泂注西南逕陸道士鮮南精廬  
臨側川溪大不爲廣小足閑居亦勝境也

江水又東逕諸葛亮圖壘南石磧平曠望兼川陸有亮所造八陣圖東  
跨故壘皆累細石爲之自壘西去聚石八行行間相去二丈因曰八

陣旣成自今行師庶不獲敗皆圖兵勢行藏之權自後深識者所不  
了今夏水漂蕩歲月消損高處可二三尺下處磨滅殆盡

大巫山非唯三峽所無乃當抗峯岷峩偕嶺衡疑其翼附群山並檠書  
雲更就霄漢辨其優劣耳

自三峽七百里中兩岸連山略無闕處重巖疊嶂隱天蔽日自非亭午  
夜分不見曦月至於夏水襄陵沿沂阻絕王命急宣有時朝發白帝  
暮到江陵其間千二百里雖乘奔御風不以疾也春冬之時則素湍  
淥潭迴清倒影絕巘多生檉栢懸泉瀑布飛漱其間清榮峻茂良多  
趣謂每至晴初霜旦林寒澗肅常有高猿長嘯屢引喚異空谷傳響  
哀轉九絕故漁者歌曰巴東三峽巫峽長猿鳴三聲淚沾裳

夔城憑巔作固二百一十步夾溪臨谷據山枕江北對丹陽城城據山  
跨阜周八里二百八十步東北回兩悉臨絕澗西帶亭下溪南枕大  
江嶮峭壁立信天固也

黃牛灘南岸重嶺疊起最外高崖間有色如人負刀牽牛人黑牛黃成

沈名詩  
就分明既人跡所絕莫得究焉此巖既高加江湍紆迴雖途逕信宿  
猶見此物故行者謔曰朝發黃牛暮宿黃牛言水路行深迴望如一  
矣

江水又東逕西陵峽宜都記曰自黃牛灘東入西陵界至峽口一百許  
里山水紆曲而兩岸高山重嶂非日中夜半不見日月絕壁或千許  
丈其石彩色形容多所像類林木高茂畧盡冬春猿鳴至清山谷傳  
響泠泠不絕其疊嶂秀峰竒構異形固難以辭叙林木蕭森離離蔚  
蔚乃在霞氣之表仰矚俯映彌習彌流連信宿不覺忘返目所履歷  
未嘗有也既自欣得此竒觀山水有靈亦當警知已於千古矣

陸抗城爲塘四面大險江南岸有山孤秀從江中仰望壁立峻絕袁崧  
爲郡嘗登之矚望焉故其記云今自山南上至其巔嶺容十許人四  
面望諸山叟盡其勢俯臨大江如縈帶焉視舟如鳧鴈矣

袁崧嘗言江北多連山登之望江南諸山數十百重莫識其名高者千  
仞多竒形異勢自非煙塞雨霽不辨見此遠山矣余嘗往返十許過

正可耳見遠峯耳

夷道縣爲二江之會北有湖里淵淵上橘柚蔽野桑麻闔日西望狼山諸嶺重峯疊秀青翠相臨時有丹霞白雲遊曳其上城東北有望堂地特峻下臨青江遊矚之名處也

夏口城孫權所築依山傍江開勢明遠憑墉籍阻高觀枕流上則游日流川下則激浪崎嶇寔舟人之所艱也

堂琅縣西北行上高山羊腸繩屈八十餘里或攀木而升或繩索相牽而上緣陟者若將階天故袁休明巴蜀志云高山嗟峨巖石磊落傾側縈迴下臨峭壑行者扳緣牽援繩索三蜀之人反南中諸郡以爲至險

漢武帝時通博南山道渡蘭倉津土地絕遠行者苦之歌曰漢德廣開不賓渡博南越倉津渡蘭倉爲危人

自朱熨至夔道有水步道有黑水羊官水至嶮難三津之阻行者苦之故俗謂之語曰槽溪赤木盤蛇才曲盤羊烏樞氣與天通

更始水注引瀆水石門空岫陰深濠澗閣密傾崖上合恒有落勢行旅  
避瘴將有逕之處無不危心於其下

五嶺者天地以隔內外况綿塗於海裔顧九嶺而彌邈非復行路之逕  
岨信幽荒之冥域者矣

咸驩已南麀麀滿洞嗚咆命疇警嘯聒野孔雀飛翔蔽日籠山

林邑記曰松原以西鳥獸馴良不知畏弓寡婦孤居散髮至老南移之  
嶺崒不踰因倉庾懷春拾其北翡翠熙景乎其南雖嚶謹接響城隔  
殊非獨步難游俗姓塗分故也

東亭村北山甚高峻上合下空空徼東西廣二丈許起高如屋中有石  
林甚整頓傍生野韭人往乞者神許則風吹制分隨偃而輪不得過  
越不偃而輪輒凶往觀者去特特平暨處自然恭肅矣

狼山溪水所逕皆石山畧無土岸其水虛映俯視游魚若乘空也淺處  
多五色石冬夏激素飛清傍多茂木空岫靜夜聽之恒有清響百鳥  
翔禽哀鳴相和巡頽浪者不覺疲而忘歸矣

吳永安六年武陵郡高梁山高峯孤竦素壁千尋望之若亭有似香爐  
其山洞開玄朗如門高三百丈廣二百又孫休以爲嘉祥分武陵置

天門郡

沅南縣西有夷望山孤竦中流浮嶮四絕昔有蠻民避寇居之故諱夷  
望也水又東得關下山東帶關溪瀉注沅瀆沅水又東歷臨沅縣西  
爲明月池白壁灣灣狀半月清潭鏡澈上則風籟空傳下則泉響不  
斷行者莫不擁掖嬉游徘徊愛境沅水又東歷三石澗鼎足均峙秀  
若削成其側茂竹便娟致可玩也又東帶綠蘿山頽巖臨水懸蘿鈎  
渚漁詠幽谷浮響若鍾沅水又東逕平山西南臨沅水寒松上蔭清  
泉下注栖托者不能自絕於其側

建安中吳遣步騭爲交州騭到南海觀尉他舊治處負山帶海博敞渺  
目高則乘上下則沃衍林麓鳥獸于何不有海怪魚鱉鼉鼉鮮鱔珍  
怪異物千種萬類不可勝記他因置作臺北面朝漢圓基千步直峭  
百丈頂上三畝復道環廻逶迤曲折朔望拜名曰朝臺前後刺史

郡守遷除新至未嘗不乘車升履於馬道遙噶登高望遠觀巨海之  
浩茫觀原藪之殷阜乃曰斯誠海高膏腴之地宜爲都也

都梁縣左右二壘對峙重岨齊秀間可二里西有小山山上有淳水既  
清且淺其中悉生蘭草綠葉紫莖芳風藻川蘭馨遠馥俗謂蘭爲都  
梁山因以號縣之名焉

益陽縣之左右處處有深潭漁者咸輕舟委浪謠詠相和羅君章所謂  
其聲綿邈者也

湘鄉縣石魚山下多玄石山高八十餘丈廣十里石色黑而理若雲母  
開發一重輒有魚形鱗鱗首尾宛若刻畫長數寸魚形備足燒之作  
魚膏腥因以名之

羅君章湖中記曰湘水之出於陽朔則觴爲之舟至洞庭日月若出入  
於其中也

九疑山磐基蒼梧之野峯秀數郡之間羅殿九舉各導一溪岫壑負四  
異嶺同勢遊者疑焉故曰九疑山

衡山在縣西南有三峯一名紫蓋一名容峯容峯最爲竦傑自遠望之  
蒼蒼隱天故羅含云望若陣雲非清霽素朝不見其峯舟水湧其左  
澧泉流其右山經謂之岫嶼山爲南岳也山下有舜廟南有祝融冢  
楚靈王之世山崩毀其墳得營丘九頭圖治洪水血馬祭山得金簡  
玉字之書容峯之東有仙人石室學者經過往往聞諷誦之音矣衡  
山東南二面臨映湘川自長沙至此江湘七百里中有九背故漁者  
歌曰汎隨湘轉望衡九面山上有飛泉下注下映青林直注山下望  
之若幅練在山矣

麓山東臨湘川西傍原隰息心之士多所萃焉

湘水縣北有空谷峒爲浪雷奔濤同三峽

臨湘縣北有吳芮冢廣踰六十八丈登臨寫目爲塵郭之佳懋也

湘中記曰湘川清照五六丈下見白石如樗蒲矣玉色鮮明白沙如霜  
雪赤崖若朝霞是納瀟湘之石

君山東北對編山山多虎竹兩

去數十里迴峙相望孤影若浮

彈丸溪水出于彈丸山山有湧泉

衝激山堪及溪中有石若丸自

然珠圓狀彈丸矣

朝夕塘水出東山西有塘水從山下注塘一日再增再減盈縮以時未嘗愆期同於潮水因名此塘爲朝夕塘矣

武水又南入里山山名藍豪廣圓五百里悉曲江縣界崖峻阻巖嶺干天交杳雲蔚霾天晦景謂之瀧中懸湍迴注崩浪震天名之瀧水

冷水東出冷君山山羣峯之孤秀也晉太元十八年崩千餘丈於是懸澗瀑掛傾流注整頽波所入灌于瀧水

始興縣北湧泉泉源沸湧浩氣雲浮以腥物投之俄頃即熟其中時有細赤魚游之不爲灼也

耶階山水有別源口巢頭重巖矜瀧湍奔相屬祖源雙注合爲一川水側有鼻天子城

韶石高百仞廣圓五里兩石對峙相去一里小大畧均似雙闕名曰韶石古老言昔有二仙分而憩之自爾年豈彌歷一紀

靈石一名逃石高三十丈廣圓五百丈其深處臨江壁立霞駁有若續焉水石驚瀨傳響不絕商舟淹留吟詠不已

滇石山廣圓三十里挺崿大江之北盤陟長川之際其陽有石室漁其所憇昔欲於山北開達邛之路輒有大蛇斷道不果是以今者必於石室前汎舟而濟也

滇陽峽兩岸傑秀壁立虧天昔嘗鑿石架閣令兩岸相接以拒徐道覆中宿縣一里水其處隘名之為覲收連山交枕絕岸壁竦下有神廟背阿面流壇宇虛肅廟渚攢石巉巖亂峙中川時水洑至鼓怒沸騰流

木淪沒必無出者世人以為河伯下林

含涯縣堯山盤紆數百里有楮崑迭起冠以青林與雲霞亂采山上有白石英山下有平陵有大堂基考舊云堯行宮所

千秋水出西南萬歲山山有石室室中有鍾乳山上悉生靈壽木溪下即千秋水也水側民居號萬歲

其縣南相波村村有圓水廣圓可二百步一邊暖一邊冷冷處極清綠

其猶江乘之半湯泉也

柳口華石山孤峯特聳枕帶雲流則黃溪來水之交会也兩岸連山石泉懸溜行者輒徘徊留念情不極已

武陽龍尾山並山有羽化之處上有仙人及龍馬跡於其處得遺味雖神栖白雲屬想方流藉念泉鄉遺味在茲覽其餘誦依然息遠匪直邈想遐蹤愛其文味可念改端牘抽札以詮其味其畧曰登武陽觀樂藪峨嶺千莖洋湖口命非螭駕白駒臨天水心脚躡千載後不知如蓋勝賞神鄉秀情超拔矣

豫章水之西岍有盤石謂之石頭津步之處也西行二十里曰散原山疊嶂四周杳邃有趣西北五六里有洪井飛流懸注其深無底舊說鴻暉先生之井也北五六里石風雨池言山高瀨激激著對木刻木霏散遠麗若雨西有鷺置鴻暉先生乘鷺所憩泊也西有鵠嶺三王子喬控鶴所逕過也有二壑號曰小蕭言蕭史所游萃處也

大江南贛水總納洪流東西四十里而清潭遠漲綠波凝淨而會注于

江川

廬山山川明淨風澤清厲氣爽即和土沃民逸嘉遁之士繼響窟巖  
潛鳳采之賢往者忘歸矣秦始皇漢武帝及太史公司馬遷咸升其  
巖望九江而眺鍾彭焉

廬山之北有石門水水出領嶺端有雙石高竦其狀若門因有石門之  
日焉水導雙石之中懸流潭附近三百步許下散漫十數步上望之  
連天若曳飛練於霄中矣其水歷澗逕龍泉精舍南下入江南嶺即  
彭蠡澤西天子障也峰蹺嶮峻人跡罕及嶺南有大道順山而下有  
若畫焉

廬山東有石鏡照水之所出有一石懸崖明淨照見人影晨光初曜  
則延曜入石毫細必察故名石鏡焉又有二泉常懸注若白雲帶山  
廬山記曰泉在黃龍南即瀑布山水出山復掛流三四百丈飛湍林  
夫望若懸素注處悉巨井其深不測其水下入江淵

廬山之南石上霄石高壁緬然與雲漢連接秦治皇三十六年嘆斯岳  
遠遂記爲上霄焉又有孤石介於太湖中周廻一里竦立百丈轟然  
高峻特爲瓌異上生林木而飛禽罕集言其上有一玉膏可採所未詳  
也

新安溪有四十七賴溪流驚急波聒天

於潛縣北有目山極高峻岬嶺西臨後澗山上有霜木皆是數  
百年樹謂之翔鳳林東面有瀑布下注數畝深沼名曰蛟龍池山水  
東南流名爲紫溪中道挾水有紫色磐石石長百餘丈望之如朝霞  
又名此水爲赤瀨蓋以倒影在水故也又東南連山挾水兩峰時交  
反頃對石往往相捍十餘里中積石磊砢相挾而上澗下白沙細石  
狀若霜雪水木相映泉石爭輝名曰樓林

自桐廬縣至於潛凡有十六賴第一是嚴陵瀨瀨帶山山下有石室  
光武帝時嚴子陵之所居也山下有盤石周廻十數丈交枕潭際  
陵所游也

信安水懸百餘丈瀨勢飛注狀如瀑布瀨邊有如石牀床上有石牒長三尺許有似雜絲玷也其水分納衆流混波東逝逕定陽縣夾岍嶺溪悉生支竹及芳枳木連雜以霜菊金橙白沙細石狀若凝雪石面湍波浮響無輟山水之趣尤深人情

秦望山在州城正南爲衆峰之傑陟境便見秦始皇登之以望南海自平地以取山頂七里縣磴孤危峭略險絕拔蘿捫葛然後能弁山上無高木當山迥多風所致山南有嵯峴峴裏有大城越王無餘之舊都也

北有石帆山山東北有孤石高二十餘丈廣八丈望之如帆因以爲名北臨大湖水深不測傳與海通何次道作郡常於此水中得烏賊魚南對精廬上蔭修木下瞰寒泉西達稽山皆一山也東帶若耶溪溪水承嵯峴麻溪之下孤潭固數畝甚清潔不殊石臨潭垂崖俯視援狹驚心寒木被潭森沉駭觀上有一櫟樹謝靈運與從弟惠連常游之作連句題刻樹側麻潭下注告耶溪水至清照衆山倒影窺

之如畫

寒溪之北有鄭公泉泉方數丈冬溫夏涼漢太尉鄭弘宿居潭側因以名泉弘少以苦節自居恒躬采代用質糧舊每出人溪津常感神風送之雖憑舟自運無杖楫之勞村人貪藉風勢常依隨往還有淹留者徒輩相謂汝不飲及鄭風耶其感致如此

又有玉笥竹松雲門天柱精舍並踈山創基架林栽宇澗澗流盡泉石之好水流逕通浙江

諸暨縣洩溪廣數丈中道有兩山夾溪造雲壁立凡有三洩洩懸三十餘丈廣十丈中二洩不可得至登山遠望乃得見之下洩懸百餘丈水勢高急聲震水外上洩懸二百餘丈望若雲垂此是瀑布土人號爲洩也

六溪列瀉散入江夾溪上下崩崖若傾東有簞山南有黃山與白石三山爲縣之秀峰山下水流前導湍石瀑以浮嶮四注

浦陽江又東逕石橋廣八丈高四丈下有石井口徑七尺橋上有方石

長七尺廣一丈二尺橋頭有盤石可容二十人坐溪水兩傍悉高山  
山有石壁二十許之溪中相攻員外發未至橋數里便聞其聲

嵯山下有亭亭帶山臨江松嶺林蔚沙濃 平淨

浦陽江又東北逕始寧縣嵯山之成工嶠嶠壁立臨江歛路峻狹不得  
併行行者牽木稍進不敢俯視嶠西有山孤峯特上飛禽罕一王嘗有  
採藥者沿山見通溪尋上於山頂山下有十二方石地甚方紫還復  
更尋遂迷前路言諸仙之所集以壇燕名山

嵯山與嵯山接二山雖曰異縣而峯嶺相連其間傾澗懷烟泉溪引霧  
吹畦瓜紫觸岫延賞是以王元琳謂之神明境事備謝康樂山居記  
浦陽江自嵯山更北逕太康湖車騎將軍謝玄田居所在右濱長江左  
傍連山平陵修逼澄湖遠鏡於江曲起樓樓側悉是桐梓森聳可愛  
民居號爲桐亭樓樓兩面臨江益升眺之起虛人漁子汎濫浦焉湖  
中築路東出趣山路甚平於山中有三精舍高薨凌虛乘簷帶空俯  
眺平烟吞在下水陸寧晏足爲遊地之鄉矣

峽西通山陰浦而達於江一廣一百丈狹處二百步高山帶江重蔭

被水江闊漁商川交樵隱故桂竹蘭棧望景爭途

會稽縣南有蘭山山少木多石驛路帶山傍江各巖皆作欄干山有

三嶺枕帶長江芑若孤危望之共傾綠山之路下臨大川皆作飛閣

欄干乘之而度消此三嶺為三石頭丹陽葛洪遁世居之基共存焉

漁浦山北三山孤立水中湖外有青山黃山澤蘭山重岫疊嶺參差入

雲澤蘭山頭有深潭山影臨水水色青綠山中有諸塢有石榭所右

臨白馬潭潭之深無底

越王無疆為楚所伐去瑯琊止東武入隨居山下遠望此山其形似龜

越起靈臺於山上又作三層樓以望雲物川土明秀亦為勝地故王

逸少云從山陰道上猶如鏡中行也

稽山上有白塢亭沛國桓敞避地會稽開陳荼履行高絜往候不見

後浮海入交州臨去遺書與弟不曰行李繫白樓亭柱而去升陟

望山湖滿目也

東陽記云信安縣有絲室坂晉中朝時有氏王質伐木至室中見童子四人彈琴而歌質因留倚柯聽之童子以一物如棗核與質質含之便不復飢俄頃童子曰此山承響而去斧柯漼然爛盡既歸質土家已數十年親情凋落無復在時此矣


浙江又東合臨平湖異苑曰晉武時吳郡臨平岸崩出一石鼓行之無聲以問張華華曰可取蜀中桐材刻作魚形扣之則鳴矣於是如言聲聞數十里劉道民詩曰事有

**圖** 蜀桐鳴吳石

湖南有天柱山湖口有亭號曰蘭亭亦曰蘭上里太守王羲之謝安兄弟數往造焉太守王異之移亭在水中晉司空何無忌之臨郢也起亭於山椒極高

尺

浙江圖書館



浙江圖書館



浙江圖書館



浙江圖書館

浙江圖書館善本  
52.11.11.10  
一九五二年十一月



浙江圖書館



浙江圖書館

浙江圖書館善本

甲 登記號：008150

一九 年 月 日















浙江圖書館

浙江圖書館

浙江圖書館












colorchecker CLASSIC



x-rite



colorchecker CLASSIC



x-rite

100mm